

IOANNIS MARTINEZ
DE RIPALDA
E SOCIETATE NOMINIS IESV.
VVLPE CAPTA

PER

Theologos Sacræ Facultatis
Academiæ Lovaniensis.

Immisit in rete pedes suos, & in maculis eius ambulat. Iob. 18.



LOVANIÏ,

Apud GEORGIVM LIPSIUM Sacræ Facultatis
Bedellum. 1649.

De Mandato eiusdem Sacræ Facultatis.

Isaia xxviii. Vers. 14. & 15.

AVdite verbum Domini viri illudores, qui dominamini super populum meum, qui est in Hierusalem. Dixistis enim: percussimus fœdus cum morte, & cum Inferno fecimus pactum. Flagellum inundans cum transierit, non veniet super nos: quia posuimus mendacium spem nostram, & mendacio protecti sumus.

IOANNIS MARTINEZ

215

DE RIPALDA

E Societ. Nominis Iesu

VVLVES CAPTA

P E R

Theologos Sacrae Facultatis Academiae
Lovaniensis.

Vulpes insidiosos, maximèque hæreticos significat, dolosos, fraudu-
» lentos, cauernosis anfractibus latentes & decipientes, odore etiam
» tetra pudentes. Contra quem odorem dicit Apostolus, *Christi boni* 2. Cor. 2.
» *nus odor sumus Deo in omni loco.* Istæ Vulpes significantur in Canticis Canti-
» corum, ubi dicitur: *Capite nobis Vulpes pusillas, exterminantes vineas,* la- Cantic. 2.
» tentes in cauernis tortuosiss. Capite nobis, conuincite nobis, Capis enim
» eum, quem de falsitate conuincitis. S. August. Enarrat. in Psal. 80.
Hoc verò ad Theologos Academicos maximè spectat, qui *possi sunt custodes* Cantic. 2.
in vineis.

A magnis deinde Ecclesiae Praelatis huius officij nostri admoniti sumus.

Cùm enim grandem IOANNIS A RIPALDA SOCIET. IESV ad-
uersus Baium & Baianos Librum, Colonia Agrippina apud Cornetium ab Eg-
monde & Socios, id est, Amstelrodami apud Ioannem Blauvo typis excusum, vi-
derent Sociorum fauore & elogiis per omnium manus volare, & vnà audissent
variis mendis erroribusque maculosum, ac periculum esse, ne multi impru-
dentes, doctrinæ eius prauitate imbuerentur; monuerunt vt eum inspicere-
mus, & an talis esset qualis ferebatur, dispiceremus.

Fecimus: sed, vt in imminenti mali periculo solet, raptim & festinatò.

Maculas, inquam, non omnes, sed insigniores tantùm aliquot nudauimus;
vnde de tota Libri turpitudine facilis coniectura & iudicium esset.

Inuidiosâ autem Baijac Baianorum veste Theologos Louanienses, aliòsque
S. Augustini discipulos Ripalda induit, vt ante S. D. N. Innocentij X. & Ec-
clesiæ Catholicæ oculos, infami pompâ & publico ludibrio eos traducat.

Vnde antequam Libri ipsius errores & pessimam fidem publicæ luci expo-
namus, quales nos in cute, & sub falso illo Baianorum amictu simus, vno ver-
bo præfari, ac toti Mundo notum facere, non abs re præsentī erit.

PROFESSIO FIDEI ET DOCTRINÆ

*Theologorum Sacræ Facultatis Louanienſis, diſcipulorum
Sancti Auguſtini.*

NOS Sacræ Facultatis, Louanienſis Doctores toti Orbi Chriſtiano teſtatum facimus, nos Sacras Scripturas, Concilia, & SS. Patres eo ſenſu & modo recipere ac interpretari, quo Sancta Catholica & Romana recipit & interpretatur Eccleſia, quam veritatis Magiſtram eſſe agnoſcimus.

Signanter verò Bullam Pij V. amplectimur, & obſeruamus. Inter Sanctos autem Patres, more Maiorum noſtrorum, S. Auguſt. (præſertim in materia gratiæ Dei & humanæ libertatis contra Pelagianos & Semiſpelagianos) Dei præunte lumine, & Eccleſiæ Romanæ ductu, exactè ſequi, nec latum vnguem à veſtigiiſ eius deſſectere, vnicè ſtudemus.

Belgicarum quoque Vniuerſitatum, Louanienſis & Duacenſis, à ſexaginta iam circiter annis Cenſuras, aduerſus P. Leon. Leſſium & P. Ioan. Deckeriũ, aliòſque Societ. S. Theologiæ Louanij & Duaci Profeſſores: denique quidquid poſtea Clemens VIII. & Paulus V. in celebri Diſputatione Romanâ, contra Lud. Molinam & ſectatores eius cenſuerunt, exoſculamur, & Dei gratiâ firmiter retinere conamur.

Quicumque de nobis aliter, pro mendacibus & calumniatoribus. habemus; & ſi opus eſt, tales eos eſſe, publicè in iudicio contradicторio ſuſtinebimus.

CAPVT I.

*Faſſa coniectura Ripaldæ, qua diuinat omnes propoſitiones in Bulla
Pij V. proſcriptas, à Michaële Baio aſſertas fuiſſe.*

Incipiamus ab iniuriâ, & nigredine, qua Ripalda, vltra verum & meritum, Iaſpergit Michaëlem Baium doctiſſimum piſſimũque virum, & cum opinione ſanctitatis An. 1589. virũ functum, Sacræ Facultatis Theol. Louanienſis Doctorem & Profeſſorem, inſignis Eccleſiæ Collegiatũ B. Petri Louanij Decanum.

Aliquoties enim Ripalda repetit, credendum eſſe, propoſitiones illas Bulla Pij V. qua in Libellis Baij impreſſis non reperiuntur, à Baio tamen conſtanter intentionibus, aut in diſputationibus publicis fuiſſe aſſertas. Ripald. diſp. 1. n. 17. diſp. 4. n. 23. &c. Quod quàm ſit falſum, ex Apologiâ Baij manuſcriptâ, & litteris eius Romam ad Illuſt. quendam Cardinalem ſcriptis, quæ Louanij aſſeruantur, patet.

EPISTOLA MICHAELIS BAI.

Reuereudiſſime & Illuſtriſſime Cardinalis, non lubens interturbo deniſſimas grauiſſimarum occupationum turbas, quibus non dubito Illuſtriſſimam

» Iustissimam Gratiā Tuā quotidie distineri. Sed quia id quod scribere
 » constitui, non tantum meam existimationem, sed & doctrinam pietatis, &
 » Sedis Apostolicæ reputationem videtur contingere, non me continui, quin
 » illud paucis aperirem.

» Ante annos 18. cum primum cœpi publicè & quotidie Sacram Theologiam
 » in Scholis nostris proferri; partim ob hæreticos, qui nihil audire volunt,
 » nisi Scripturam Sacram, & veterum doctrinam Sanctorum; partim etiam ob
 » consortium cum optimo quodam & eruditissimo viro Ioanne Hessels, Sa-
 » cræ Theologiæ Professore, qui eandem docendi normam sequebatur: in
 » Lectione quam plusquam 18. annos continuos, Deo me confortante, quoti-
 » die prosecutus sum, post lectionem Petri Lombardi, conatus sum Sacram
 » Theologiæ studium statim reuocare ad Scripturam Sacram, & veterum Scri-
 » pturæ Sanctorum, Cypriani, Ambrosij, Hieronymi, Augustini, Leonis,
 » Prosperi, Gregorii, & similia, quos etiam hæretici saltem aliqua ex par-
 » te venerantur.

» Sicut autem qui Scotum sequuntur, nonnulla asserunt, quæ B. Thomæ,
 » aut Bonaventuræ studiosis minus arrident; sic & dum nos totos ad horum
 » veterum, & præsertim D. Augustini, qui in tractandis quæstionibus omnium
 » diligentissimus fuit, imitationem formare conamur, & in lucem proferre,
 » quæ in illis videbantur abdita contineri; nonnulla occurrerunt, quæ aliter
 » assuetis minus placuerunt; & iis potissimum qui sine magno studio, id potius
 » sequendum putabant, quod apud plures receptum erat, quàm quod ex solis
 » Scripturæ sacræ fundamentis diligenti studio constituebatur; & suam repre-
 » hensionem interpretabantur, quidquid aliter, aut aliis verbis dicebatur, aut
 » disputabatur, quàm ipsi dicere, aut in suis Summariis Doctoribus legere
 » consueuerant.

» Hac occasione natæ sunt æmulationes, & à nonnullis, suppressis nomi-
 » nibus, in nostram reprehensionem excogitatæ, & quibusdam Magnatibus
 » ante septem vel octo annos oblatæ nescio quæ sententiæ, quas M. N. Ioanni
 » Hessels & mihi impingebant; licet nonnullæ essent à sensu nostro alienissi-
 » mæ, nonnullæ verò nunquam à nobis neque in vnam, neque in alteram par-
 » tem disputatæ: omnes autem, aut saltem pleræque, eo artificio ab iis exco-
 » gitatæ, aut expressæ, vt vel ob solum sermonem suspectæ haberi possent;
 » præsertim apud eos, qui eiusmodi quæstionibus ex professo non incubui-
 » sent.

» Respondimus tunc scripto, de quo hætenus nullam querelam audiui-
 » mus: licet illud ante annos sex tradiderimus Reuerendissimo atque Illustrissimo
 » D. Granuellano, qui nobis sententias traderat.

» Cumque putaremus vniuersa hæc iam dudum esse sopita (nam à pluribus
 » annis in Vniuersitate Louaniensi, nulla extitit huius rei mentio) occasione
 » quarundam contentionum, quæ circa id temporis, inter quosdam Fratres
 » Minores in Prouincia Flandriæ exortæ sunt; quorum alij, nobis inscijs, Li-
 » bellos nostros allegabant, alij verò improbabant: pars vna, nobis nihil ta-
 » le suspicantibus, ad Confratres Hispanos, non tam collectis, quàm in alte-
 » rius partis accusationem à se excogitatis & propriis verbis expressis senten-

"tis, recurrit. Per quos primum præiudicia, dein post multam & longam solli-
 "citationem, etiam tempore Pij IV. Fel. record. inceptam, vt intelligo, tan-
 "dem à Sanctissimo Domino nostro Pio V. obtrinerunt Bullam datam Kal.
 "Octobr. Anno 1567. In qua damnantur 76. sententiæ. Quorum priores 60.
 "aut circiter, tacito quidem nomine, attamen intelligentibus satis apertè ex-
 "pressæ significantur ex quibusdam Libellis meis; sicut & palàm & nomina-
 "tim, in Congregatione Facultatis nostræ testatus est, qui Bullam ex com-
 "missione Reuerendissimi atque Illustrissimi D. Granuellani nobis exhibuit:
 "recipiens ad se Libellos meos, qui adhuc apud Impressorem restabant, ac
 "scripta D. Hessels iam defuncti; cum Libello quodam qui tunc imprimeba-
 "tur. Reliquæ verò sententiæ nescio vnde sint desumptæ, &c.

Aperiunt iam Ripalda & Ripaldani oculos, & vident quod superiùs nar-
 "rat Balus: Nonnullas (ex Bullæ Pii V. damnatis propositionibus) esse à sen-
 "tu suo & Doctoris Hesselij alienissimas: nonnullas verò ab ipso & Hesselio
 "neque in vnâ partem, neque in alteram partem disputatas: omnes autem,
 "aut saltem pleraque eo artificio ab aduersariis excogitatas, aut expressas,
 "vt vel ob solum sermonem suspectæ haberi possent.

C A P V T II.

*Nona & Paradoxa est interpretatio Bullæ Pij V. quæ Ripalda
 nullam propositionem, propter solius censuræ additæ asperitatem,
 tem, damnatam esse, sed omnes propter doctrinæ
 falsitatem proscriptas contendit.*

"C Ontrouersia est, an Ripalda, an aliquæ propositiones solum propter
 "censuram, & non propter doctrinam à Pontificibus proscribantur.
 "Sententiæ affirmanti, solum propter immodicas censuras, quibus senten-
 "tiæ probabiles infamantur, non verò propter doctrinam, plures affectio-
 "nes in Bulla interdicti, assentiunt Suarez Tom. 1. de Grat. Proleg. 6. c. 3. n. 14.
 "Turrian. 1. p. select. Cent. 3. d. 6. & disp. 11. dub. 59. & Opusc. de Gratia
 "tit. speciali de hac materia. Frequenter Vasquez 1. 2. d. 190. c. 18. referens
 "pro eadem sententia Toletum, à se consultum Romæ.

"Mouentur, addit Ripalda, quia non est verisimile, à Pontificibus proscribi
 "probabiles & receptas grauium & priscorum Theologorum opiniones, quæ
 "nunc apud Catholicos Scholasticos frequentes & communes sunt.

Et postquam aliquot tales propositiones in Bulla Pij V. damnatas recensuis-
 "set, subdit: Quarum, & similium propositionum doctrina nunc etiam post
 "hanc Bullam, in Scholis Theologorum frequens & communis est. Ripal.
 disp. 1. n. 24. 25.

Atque tamen genuinam & germanam esse hanc Bullæ interpretationem:
 Aliquas nempe in ea propositiones, ob solam censuræ asperitatem, quam Bâius
 sententiis aduersariorum inurebat, fuisse à Pio V. proscriptas, Toletus, qui

Anno 1580. Bullam Louanij Facultati Theologicæ intimaui, Vasculo Romæ testatus est.

» Sensus huius damnationis, ait Vasquez, prout à me explicatus est, con-
» tulicum Illustrissimo D. Cardinali Franc. Toletò, cùm adhuc sacri Palatii
» Concionator & Theologus esset, Anno Domini 1586. Qui, vtdixi, pro
» hac Bulla & damnatione recipienda, Louanium missus fuit: eumque pro-
» probauit & germanum esse dixit, propriæque manu subscripsit. Cuius sub-
» scriptionis exemplar apud me adhuc est. Vasq; 1. 2. disp. 190. c. 18.

Quid verò ad hæc Ripalda?

» Parti neganti, inquit, fauent alii: Quorum iudicium, & ego probo.
» Quinam autem isti alij? Vnicum saltem citare, & sibi associare Ripalda de-
» buit, ne ei diceretur, *Va soli.*

Eccles. 4.

Itaque opinio, quam sibi finxit Ripalda est ista: Propositiones quæ viden-
» tur probabiles, & aliquo pacto sustineri possunt, non damnantur propter
» censuram, sed propter earum doctrinam, in sensu proprio verborum ab as-
» sectoribus intento. Ripald. d. 1. n. 28. Vnde hæc propositio 22. *Cum Pela-*
» *gio seminum, qui scixum Apostoli ad Rom. 2. Gentes quæ legem non habent,*
» *naturaliter quæ legis sunt faciunt, intelligunt de gentibus fides gratiam non ha-*
» *benentibus,* damnatur à Pio V. non propter censuræ asperitatem, vt Vasquez
» fortiter asserit; sed quia negat textum Apostoli intelligendum esse de gentibus
» fidei gratiam non habentibus, sed de fidelibus tantum. » Quis autem dicat, in-
» quit Vasquez, damnari sententiam huius Doctoris (Buij) in eo quòd ait
» illud testimonium de gentibus fidelibus intelligendum esse; cùm sit senten-
» tia S. Augustini, & omnium Patrum: cum quibus etiam est S. Thomas, vt
» cap. 15. vidimus? Damnatur igitur acerba nota ob rationem quam diximus.
» Vasq. 1. 2. d. 190. c. 18.

Damnabitur quoque doctrina maximè Catholica huius propositionis quæ
» est 29. in Bullà Pij V. Operi Ripaldæ præfixâ, quam Ripalda à sententia
» sequente separat, & per se stantem facit: *Non solum fures ij sunt & latrones,*
» *qui Christum viam & ostium veritatis & vitam negant; sed etiam quicumque*
» *aliunde, quàm per Christum in viam iustitiæ, hoc est, ad aliquam iustitiam con-*
» *scendendi posse dicunt.*

Item damnata erit doctrina istius propos. 28. *Pelagianus error est dicere, quòd*
» *liberum arbitrium valet ad vllum peccatum vitandum.* Quod de vitazione abso-
» luta, & victoriâ peccati, Vasquez & Ripalda accipiunt.

Hanc verò propositionem Vasquez tacescit inter eas quæ ob solam censuræ
» contrariæ opinionis asperitatem sunt damnatæ. Citatque in eandem senten-
» tiam non tantum Toletum, sed etiam Bellarminum. Qui & ipse Louanij fuit,
» inquit Vasquez, eo tempore, quo contentiones inter Doctores exortæ fue-
» runt; & Romæ, cùm prædicta Bulla edita & confirmata fuit. Nihilominus
» neque contra opinionem quam docet de victoriâ tentationum (nam lib. 5. c.
» 7. de grat. & libero arbitrio. *Magis consentaneè ad Scripturas & Patres loqui*
» *eos, qui dicunt nullam tentationem sine Dei auxilio vinci posse,* docet Bellarmi-
» nus) quidquam ex hac Bulla sibi obicit. Neque cùm docet, posse fieri ali-
» quod

” quod bonum opus ex propriis viribus, sine auxilio gratiæ, auctoritate huius
 ” Bullæ id confirmat. Sciebat enim optimè eam ad hoc nihil roboris habere.
 ” Cùm tamen huius meminerit, & aliquas propositiones in illa damnatas ad-
 ” duxerit, cùm agit de merito, Tom. 3. lib. 5. de iustific. c. 12. Vasq. 1. 2. disp.
 190. c. 18.

Ripalda verò illas, & omnes vniuersim, vt suprà diximus, propositiones,
 detersâ etiam asperitate censuræ, falsas in proprio verborum sensu, & falsita-
 tis, vt minimùm, à Pio V. damnatas esse contendit.

Sed quidquid Ripalda se meliùs Bullam Pij intellexisse, & Baij Libellos di-
 ligentiùs quàm Vasquium legisse se iacet; nihil tamen causæ est, cur ei potius
 quàm Vasquio, Bellarmino, Toletò, & tot aliis Sociis ipso longè sapientiori-
 bus credere debeamus. Vnde autem ei tam duræ & rigidæ interpretationis in-
 mentem venit?

Sine dubio, vt Doctores Louanienſes, & S. Augustini sectatores, qui ali-
 quas Bullæ Pij V. propositiones, sechusâ mordacitate censuræ contrariæ opi-
 nionis, veras esse dicunt, Baianos faceret. Nec pensi quidquam habet, quod
 Socios suos Toletum, Bellarminum, Vasquium, Suarem, Turrianum, Mæ-
 ratium, aliòsque in eandem Baij fossam vrgeat & præcipitet; modò Lou-
 anienſes, & S. Augustini discipulos in eâ simul iacentes videat. Imò eadem Lo-
 uanienſium inuidiâ & odio, S. Augustinum (cuius innumera pænè testimo-
 nia Vasquez 1. 2. d. 189. c. 16. in suam sententiam colligit & accumulât) Ba-
 ianum facit. Ac denique tot Romanos Pontifices S. Augustino consentientes,
 & in primis Innocent. I. cùm ait, *Necesse esse, vt quo auxiliante vincimus, eo
 iterum non adiunante, vincamur*, Baianis annumerare Ripalda debet.

CAPVT III.

*Imposituræ per Ripaldam affictæ Theologis Louanienſibus, aliisque
 S. Augustinâ discipulis, in materiâ doctrinæ.*

NON satis fuit Ioanni Martinez de Ripalda, præsumptuosâ quâdam te-
 meritate exoticam, & non minùs Sedi Apostolicæ præiudicialem, quàm
 communi Doctorum sententiæ repugnantem comminisci Bullæ Apostolicæ
 interpretationem; sed, vt speciosius quos sibi fingit aduersarios oppugnare
 posset, calumniosè etiam nobis, aliisque Diui Augustini discipulis affinge-
 re & imponere audet plurimas hæreticas, aliterque erroneas doctrinas, de
 quibus nobis nihil vnquam in mentem venit; quibusque contraria cùm ver-
 bo tum scripto quotidie auditoribus nostris inculcamus. Aliquas propterea
 in medium hic proferemus, vt inde quam fidem Ripalda in cæteris merea-
 tur, innotescere possit. Itaque

Disp. 3. nu. 1. Baianis, id est, Nobis aliisque doctrinæ Augustinianæ sectatoribus, imponit: » Quod asserat hominem & Angelum in statu innocentie potuisse perficere omnia opera meritoria fidei, charitatis & virtutum, » quæ naturæ lapsæ sunt supernaturalia, per vires naturales liberi arbitrij » in creatione datas, quin ea donaret gratia Dei; eo sensu quo Pelagius assererat sufficere ad illa agenda libertatem & facultatem naturalem.

N. 2. » Quod similiter asserant potuisse hominem & Angelum in eo statu » per naturales vires arbitrij in iustitiâ perseverare sine gratiâ illam donante, » eodem sensu quo Pelagius id docebat de naturâ lapsâ.

N. 4. » Quod dicant adjutorium Dei ad opera meritoria & supernaturalia eo solùm esse verè & propriissimè gratiam: quamvis primæ hominis & » Angeli creationi debitum sit, quia ipsa creatio est gratiosa, & adjutorium » non est debitum ante voluntatem creandi, sed post illam: quemadmodum » est gratia homini vivere, sentire & intelligere.

Disp. 5. nu. 10. Quod doceant gratiam status innocentie non distinguî à gratia creationis. Verba sunt: » Cum autem tandem vocum significatio reuelata fuit, & tota gratia ad creationis naturæ gratiam deuoluta, iam tum » res, tum voces doctrinam omninò Pelagianam redoluerunt, mihiq; plausi » (*notate phrasim*) quod mea me non fecellit opinio: & quasi vulpeculâ ex » tra latibulum deprehensâ, exclamaui cum Augustinolib. de natura & gratia c. 51. Expressa est sententia quæ latebat, non est quemadmodum possit » abscondi; ideo Dei gratiæ tribuit non peccandi possibilitatem, quia eius » naturæ Auctor est, cui possibilitatem non peccandi inseparabiliter iunctam » dicit.

Eadem disp. nu. 27. & 28. » Quod negent merita naturæ integræ esse absolutè gratiam aut donum Dei.

Quod iterum repetit n. 53. in verbis: » Hæc calumniis plena sunt & à vero » longè aberrant, Suariumque & Augustinum imposturis infamant. Suarium, » quia &c. Augustinum verò, quia imponunt perseverantiam naturæ integræ » non esse gratiam & donum Dei, contra doctrinam Ecclesiæ dominantis Baianum.

Disputat. verò 6. n. 5. » Itaque Baiani (ait) prædicantes necessariam gratiam ad merita vitæ æternæ, non discrepant reipsa à Baio gratiam necessariam negante.

Et n. 6. » Baius & Baiani gratiam Theologicam superadditam naturæ, non » solùm negant necessariam ad actus salutes & meritorios fidei, spei, & charitatis in naturâ integrâ, sed etiam ad perseverantem eorum vîum & in iustitiâ perseverantiam obtinendam: ut homo & Angelus diuturnâ duratione » viatores adipisci possent felicitatem æternam per merita, tanquam mercedem & coronam, absque accessione nouæ gratiæ superadditæ creationi naturæ. Volens discipulos Augustini ne quidem ad perseverantiam, in statu naturæ integræ gratiam requirere. Vnde n. 4. præmiserat: » Eo sensu volunt actus » salutes credendi, sperandi, diligendi Deum fieri facultate naturali arbitrij

» trij in statu naturæ integræ, quo Pelagius eos fieri in statu naturæ lapsæ vo-
 » luit, solâ facultate liberi arbitrij, abique auxilio gratiæ.

Item: » Docent eos actus qui à natura lapsæ fiunt auxilio gratiæ, fieri à na-
 » tura integræ viribus liberi arbitrij; supponentes doctrinam esse singularem
 » & Scholasticis inauditam, & nouam.

Ac n. 3. » Cùm gratiam eius auxilij explicant, proferunt indistinctam à
 » gratiâ creationis, & cum ea omninò connexam, eique prorsus debitam. In
 » quo reipsa à mente Baii non differunt.

Pergit tunc in splendido mendacio, & virulentâ calumniâ n. 42. ad obie-
 » ctionem quandam hoc modo respondendo? » Hæc obiectio mihi argumento
 » est Baianos easdem, quas Pelagianos, vires tribuere naturæ secundum se,
 » secluso peccato, ad merendum vitam æternam: eandemque gratiam Dei,
 » quam Pelagius exclusit necessariam, scilicet à gratia creationis naturali
 » distinctam, naturalique conditioni naturæ superadditam, eos excludere ad
 » merendum necessariam. Itaque ante peccatum nihil differt Baiana à Pela-
 » giana doctrina. Siquidem volunt ante peccatum veram esse Pelagianam do-
 » ctrinam de viribus naturæ, sine gratia Dei sufficientibus ad merendum. Sed
 » absit à viris Catholicis tam erronea sententia, & ab Augustino, Pelagiano-
 » rum gladio, tanta infamia, quantam eius menti Baiani affingunt, &c. Absit,
 » re verâ, Ripalda; sicut longissimè abest à mentibus nostris, quibus affingis
 » quod nunquam fuit, & Dei gratiâ, nunquam erit.

§. 2. Quoad statum naturæ lapsæ.

PRo statum naturæ lapsæ ex cerebro suo similiter fingit Ripalda *disp. 3. n. 12*
 » eosdem D. Augustini discipulos docere: » Gratiam non relinquere arbi-
 » trio libertatem indifferentiæ ab bonum oppositam necessitati, sed tantum
 » coactioni & violentiæ.

N. 13. » Gratiam non prouocare, allicere, & cooperari voluntati: quòd
 » iuxta ipsos, *Pelagiana phrasæ sunt, gratiam prouocare, allicere, cooperari*
 » *voluntati*. Sed cuius Ripalda, aut quorum? quo loco? quâ occasione? quo
 » sensu prolata? Verba à textu auulsa aliud sæpè sonant, quàm in ipso textu.
 » Designa librum & locum vbi aliquis istorum, quos Baianos inuidiosè agno-
 » minas, ista habet, & illicò ostendimus te turpiter hallucinari, & falsò nobis
 » imponere.

§. 3. Quoad statum naturæ integræ & lapsæ.

D*isp. 3. n. 16.* Calumniatur: » Baianos doctrinam Calvinianam & Pela-
 » gianam simul de auxilio efficaci gratiæ complexi: quippè in statu na-
 » turæ integræ gratiam admittunt (ait) extrinsecè efficacem, cum omnibus
 » absurdis & Pelagianis sequelis, quæ sententiæ Iesuitarum obiciuntur, & à
 » Iesuitis refelluntur; in statu verò naturæ lapsæ, gratiam intrinsecè efficacem
 » amplectuntur cum omnibus absurdis & Calvinianis sequelis, quæ in sen-
 » tentiam Dominicanorum torquentur & à Dominicanis refelluntur.

Disp. 7. n. 109. » Eos in statu naturæ lapsæ totum adscribere soli gratiæ, &
 » in statu naturæ integræ soli arbitrio, Calvinum & Pelagium amico foedere
 » coniungentes.

Disp. 7. n. 11. » Fingit eos cum gratia solummodò relinquere libertatem
» à violentia & coactione.

Disp. 13. nu. 3. » Eos per omnia subscribere doctrinæ trium istarum pro-
» positionum in Bulla Pii V. proscriptarum: *Quod voluntariè sit etiamsi neces-*
» *sario fiat, liberè tamen sit. Is libertatis modus qui est à necessitate, sub libertatis*
» *nomine non reperitur in scripturis, sed nomen libertatis à peccatis.* Et, *Sola vio-*
» *lencia repugnat libertati naturali.*

Eadem distinct. nu. 5. postquam n. 4. præmiserat. » Itaque mentiti sunt
» Baiani negantes eas propositiones à Michaële Baio in aliquo suorum Opus-
» culorum tradi; subnectit: » Earum quidem sensus est, veram & propriam
» libertatem posse cum necessitate operandi componi, solamque excludere
» coactionem & violentiam, ideòque omnem actionem spontaneam & volun-
» tariam, quamvis necessitate fiat & non possit non fieri, esse verè & propriè
» liberam, nec libertatis nomine in sacris litteris libertatem à necessitate
» significari. Quod etiam Baiani constantissimè profitentur, & fuisse mu-
» tate contendunt ex doctrina Augustini & priscorum Patrum ac Theologo-
» rum, quorum eam esse sententiam indubitabile tradunt.

Sed ubi iterum, quo loco? Vnum saltem aliquem fidorum Baianorum suo-
rum nominare debebat Ripalda, & librum, disputationem, aut quæstionem,
in qua id fiat designare. Quod nec facit, nec facere potuit; quia reuera nemo
inter Augustini discipulos ita desipit. Et tamen pergit & addit: » Quare has
» propositiones ea solum de causa damnatas volunt à Pontifice, quamvis ea-
» rum doctrina vera sit; quia viam sternunt ad aliam, Baianorum opinione
» falsam, & à Michaële Baio assertam, propositione 70. & 71. quâ *Baius mo-*
» *rus concupiscentia verè liberos, & lege prohibitos pronunciat.*

O malitiam insignem, si quidem antonomasticus eius Baianus ab ipso visus
in lib. 6. de Grat. Christi Saluat. c. 36! Ibi enim duas ex præfatis propositio-
nibus sibi objicit. Et respondet, fateturque ambas esse falsas & meritò dam-
natas, disertè docens quod dictæ propositiones etiam à cæteris auulsæ, & de
libertate generatim, sicut eas exposuit, intellectæ, per se ipsas adhuc sine vlla
interpretatione, vel mitigatione falsæ sint.

Eadem disp. 13. n. 10. Baianos miserius errare docet, quàm Baium; » Quia
» illi in statu naturæ lapsæ nullam agnoscunt moralem libertatem necessitati
» oppositam, etiam sub auxilio gratiæ constitutam; siue cum homines benè,
» siue cum malè operantur. Nam malè operantibus negant auxilium sufficiens
» gratiæ, quo aut peccatum cauere, aut benè operari queant. Benè operanti-
» bus verò tale Gratia auxilium necessarium profitentur, quo necessitas indu-
» citur, & sola libertas violentiæ contraria relinquitur, nullâ superflua pote-
» state antecedenti ad cohibendam actionem bonam. Baius verò nihil de
» qualitate gratiæ auxiliantis naturam lapsam expressit, sed manifestum sup-
» posuit, auxilium Gratia tale esse, cum quo tam benè, quàm malè operan-
» tes retinere possunt libertatem necessitati oppositam. Itaque in eo in quo
» à Baio dissentiant, miserius Baiani, quàm Baius in errore lapsi sunt.

Disp. 14. nu. 9. Eadem repetit, quæ ipsis in præcedentibus sæpius exprobrat hisce verbis: » Baiani cum Baio tenacissime tumentur actionem voluntariam, eo ipso quod non sit inuita & coacta sed voluntaria, esse prorsus liberam eâ libertate quæ ad imputabilitatem meriti aut demeriti necessaria est. Et postea n. 10. subjungit: » Id fatentur mirum & paradoxum fore Scholasticis recentioribus, clamant tamen, & contendunt esse in scriptis priscorum Theologorum, & Ecclesiæ Patrum: præsertim Augustini, celebratissimum & expressum: eoque trahunt ingentem copiam testimoniorum, quibus rem persuadere nituntur.

Oportet ergo Ripaldam insigniter malitiosum esse, aut insigniter stupidum. Insigniter malitiosum, si suum per excellentiam Baianum propriis oculis legit & intellexit. Insigniter stupidum autem, si quidem legit, sed non aduertit testimonio illa ad quæ hic alludit, ab eo in alium finem congeri. Idem enim per totum suum opus passim inculcat, *quod ad hoc ut actio aliqua libera sit, præter hoc quod est eam spontaneè seu voluntariè fieri, insuper etiam requiratur ut fiat deliberatè.*

Eadem disput. n. 25. & sequent. Contendit Baianos: » Eodem sensu negare arbitrium resistere & dissentire posse motioni gratiæ, quod id negat Calvini.

Disp. 18. nu. 22. Iuxta eos liberum arbitrium extinctum esse, eò quòd doceant ex peccato Adæ injectam nobis esse necessitatem quandam peccandi. Verba sunt: » At si naturæ humanæ ex peccato Adæ injecta esset necessitas peccandi, liberum arbitrium peccato Adæ esset extinctum. Nam nulla superesset homini libertas, secluso beneficio gratiæ divinæ, neque ad bonum neque ad malum; ad bonum quidem, quia seclusa gratia negatur à Baianis omnis potestas boni, quocirca etiam libertas boni ultro ab eis conceditur extincta. Ad malum verò, quia asseritur injecta omnimoda necessitas peccandi, quæ peccandi libertati repugnat.

§. 5. In materia peccatorum.

Disp. 9. nu. 27. Iisdem Augustini discipulis imponit, quòd iuxta ipsos; *concupiscentia præcurrentis liberum voluntatis consensum, sit verè & propriè peccatum, ac à Deo suâ lege prohibitum.* » In specie, ait, testimonia Augustini producemus & explanabimus, ubi contra Baianum & Baianos nostrique sæculi hæreticos, statuerimus concupiscentiam præcurrentem liberum voluntatis consensum non esse verè & propriè peccatum nec à Deo lege suâ prohibitum.

Oportet quidem mendacem memorem esse sui. Sed Ripalda gnones istius oblitus, in eam turpiter impingit. Nam suprâ sub §. de Materia libertatis, in verbis citatis ex disp. 13. n. 4. dixerat: » Propositionem illam Baianorum opinionem esse falsam, *quæ statuit motus concupiscentiæ verè liberos & lege prohibitos.* Hic autem illis contrarium affingit. Tam inconstans & defultor est Ripalda.

Disp. 10. nu. 29. » Eos subscribere pestilento errori hæreticorum nostri temporis, de libertate non necessariam ad peccandum.

§. 6. In materia præceptorum.

PAssim per totam *Disput. 23.* specialiter autem *sectione 2. & 3.* vti & passim per totum librum inculcat & reinculcat: » Baianos docere quod homines in natura lapsa ad impossibile obligentur.

Sed bene est quod in eo, vti & in plerisque aliis, veteres Semipelagianorum obiectiones resumat. Non eadem S. Augustino olim obiecerunt, lib. de *Corrept. & Grat. cap. 6.* & alibi, vti & Faustus lib. 2. cap. 11. Vnde quomodo calumniam istam à se repulit Augustinus, repellere possumus & nos.

§. 7. In materia virtutum.

D*isp. 3. nu. 19.* Iuxta ipsos, inquit, » Amorem concupiscentiæ à charitatis amore distinctum, quo Deum vt bonum nostrum diligimus, non esse virtuosum sed vitiosum. *Et n. 10.* » Amorem virtutis propter se non esse honestum, sed turpem. Præmiserat etiam *n. 18.* Iuxta ipsos: » Virtutes non aliter esse diuersas, quàm diuersitate & multiplicitate actuum charitatis. Et conformiter postea *Disp. 22. sect. 1.* vult eos: » Nullam præter charitatem agnoscere virtutem. Addens *num. 3.* » Eosdem non distinguere virtutes morales ex obiectis formalibus, sed materialibus duntaxat.

§. 8. In materia mortis Christi pro humano genere.

D*isp. 23. n. 16.* dicit: » Baianos sustinere Christum non fuisse mortuum pro omnibus hominibus, ideoque nec omnium fuisse Redemptorem, nec pro omnibus orasse. Quasi doctrinæ Augustinianæ & Catholicæ sectatores non firmâ fide tenerent quod ait Apostolus 2. ad Corinth. 5. *Vnus pro omnibus mortuus est.* Item pro omnibus mortuus est Christus. Et de alio solliciti essent, quàm de sensu & modo quo hæc iuxta SS. PP. potissimum autem iuxta SS. Augustinum, Prosperum, & Fulgentium exponi debeant.

§. 9. In materia penitentiae.

D*isp. 3. n. 22.* Vnam Baianorum assertionem esse dicit: » Dolorem de peccato conceptum ex timore gehennæ aut ex odio turpitudinis peccati & non ex amore Dei, nullâ ratione disponere hominem ad iustificationem, cum Sacramento penitentiae consequendam. Quod vt persuadeat, ineptissimè verba quædam dicti sui Baiani applicat: vt pote quæ aliud non important, quàm dolorem talem de peccato, nequidem cum Sacramento sufficere ad iustificationem, alio nullo interueniente. Quod an reprehensionem aliquam mereatur, ruminant apud se qui pro Ripaldæ partibus stare volunt.

§. 10. Circa infallibilitatem Sedis Apostolicæ.

D*isp. 12. n. 3.* Postquam mendaci calamo præmiserat: » Quæ probatio ed constantior est, quò Baiani ingenuè fatentur, suam ab Ecclesia doctrinam esse proscriptam, & nihil aliud quod respondeant inueniant, quàm suam

sententiam esse omnino Augustinianam, quam ipsa Ecclesia veneratur & celebrat; atque adeo Bullas contra Baium abique examine doctrinæ Augustinianæ editas, quod Theologi Scholastici eius prorsus ignorantes fuerint. Quæ an sanctæ fidei responsio sit, iudicet viri Catholici. Ut nos tantò magis exosos apud Sedem Apostolicam totumque populum Christianum reddat, fingere non veretur, nos tria magna absurda, de quibus nihil unquam somniamus, Sedi Apostolicæ tribuere. Primum *eam sibi contradicentia docere*: nimirum, *D. Augustini doctrinam in omnibus quæ de Gratia Dei contra Pelagianos scripsisse tenendam, & doctrinam Baij per omnia Augustinianam esse respuendam*. Secundò, *In ijs quæ inter Augustinum & Pontifices Ecclesiæ contradicentia sunt, preferendam esse doctrinam quæ constiterit esse Augustini, ei doctrina quæ constiterit esse Sedis Apostolicæ*. Et tertio, *Errorē potius Ecclesiæ indicanti & deficiēti, vel ob defectū examinis, vel ob defectum sciētiæ itrepisse, quàm in eam incidisse Augustinum*. Cum insigni hoc epiphonemate, quod quàm magnus religionis & modestiæ cādidatus sit Ripalda, non obscurè indicat. *Tāta est Baiarum Religio atque modestia*. Et mox: Quid nunc dicent, cum etiam post examinata & visa ipsorum scripta Urbanus Papa VIII. Baij doctrinam tertio damnauerit? Num etiam nunc ea quæ ipsis ab Augustino inuenta & ponderata sunt, fuerunt in Ecclesiā à Theologis ignorata? Deponant iam Ecclesiæ iudicio proteruiam, aut palam Ecclesiæ aduersarios se prodant.

Verum non opus est, falsidice Ripalda, ut alterutrum faciamus. Tantum enim abest, ut proteruiam aliquam erga Sedem Apostolicam deponere debeamus; ut quidquid hætenus pro sententia D. Augustini de Prædestinatione, Gratia, Libero Arbitrio, & annexis pugnamus; id ad tuendum infallibilitatem istius Sedis contra te tuique similes: qui illam ex infidiis aggredimini & per cuniculos subuertere nitimini, potissimum fecerimus. Dū enim doctrinam Molinæ, quæstioni olim sub Clemente VIII. & Paulo V. subiectam, & nondum liberatam, Augustinianæ toties per Summos Pontifices, & Concilia generalia particulariaque approbatæ, præferre, & inter fidei dogmata collocare vultis; quò aliò collimatis? Deus etiam, ut confidimus, qui nos hætenus in fide Catholica & vera, minimèque fucata erga Sedem Apostolicam obedientiam conseruauit, conseruare quoque perget vsque in finem; pugnantes præsertim secundum officij nostri in præsentī exigentiam: & partitales porro pugiones, postremum locum tenere non debent imposturæ illæ tuæ, Ripalda, quas iam pro parte aliqua recensuimus. Qui ut tibi cuiusque efficacius securiūque deinceps eximantur: Ecce *coram toto mundo bonæ & sinceræ fide declaramus*: Nos nullam prorsus ex propositionibus aut sententiis præfatis, nobis à Ripalda calumniosè impositis unquam tenuisse aut docuisse, nec in præsentī tenere aut docere; sed è conuerso, easdem omnes & singulas pro hæreticis, aut ut minimū, pro valde in Theologia erroneis, semper habuisse, & habere. Rogamus etiam, ut si quis huic declarationi nostræ non plenam adhibeat fidem, utpote Ripaldæ aut alterius alicuius auctoritati nimium deferens; præclarum illum Augustinianæ mentis

mentis interpretem, quem Ripalda ubique sub inuidioso Baiani nomine exagitat, consulere: & quid ille in rei veritate doceat, inuestigare dignetur. Inueniet enim cum planè opposita istis quæ Ripalda nobis imponit, ex Augustino suo tradere, & operosè inculcare. Ac luce meridianâ clariùs intelliget, spiritum qui Ripaldæ calumiam in hoc infami opere direxit, non veritatis & modestiæ spiritum fuisse, sed mendaciorum & calumniarum. Quod aliàs non obscurè etiã præ se ferunt, efferata & prorsus exorbitantia, quibus in singulis ferè paginis nomini & æstimationi nostræ detrudere conatur, conuitia & probra. Exemplo sint hæc pauca.

Alia quedam Conuitia & Calumniæ Ripaldæ in D. Augustini discipulos.

Disp. 6. n. 5. » Baiani subdolè loquuntur, & mentem Baij vocibus catholicis dissimulant.

Disp. 12. n. 59. » Priusquam gradum promoueamus, nota ingenue lector immoestiam, ne dicam furorem seu rabiem Baianorum in eos qui suis dogmatibus contradicunt, cum nec ipsi Augustino, quem vnice Magistrum & Doctorem prædicant, professione colunt, vbi eis quoquo modo repugnat, parcere velint.

Disp. 12. n. 119. » Baiani osiores Philosophiæ, illam solam amant quæ erroribus plena est, & omnium Catholicorum doctrinæ contradicit.

Eadem disp. n. 147. » Vbiq̃ue Baiani suam ignorantiam produunt, & cum Theologiam nunquam didicerint, in Theologicas propositiones Scholasticas frequenter velut in somnia incidunt.

Disp. 17. n. 91. » Baiani cæcutientibus oculis scripta Patrum legunt, & solis oculis lectorem eludere volunt.

Disp. 17. n. 141. » Ostensum est Catlini doctrinæ Baianam per omnia consensire (doctrinam scilicet de libertate consistente cum gratia prædeterminante.)

Disp. 17. n. 146. » Rursusprehenditur Baianos eludere velle sacra testimonia Conciliorum & Patrum, necnon Scholasticorum omnium.

Disp. 19. n. 73. » Hæc mirum est blasphemari à Baianis, qui omnis Philosophiæ & Scholasticæ Theologiæ ignorantes sunt, & de ignorantia gloriantur.

Disp. 23. n. 12. » Baianorum sententia omnibus Scholis Catholicis peregrina, & inaudita est.

Disp. 23. n. 11. » Baiani aliorum patrocinio & suffragiis destituti non sunt, quia eis per omnia suffragantur hæretici nostri temporis; vt cernas, an ex fontibus Augustinianæ doctrinæ, vt ipsi iactitant, an ex lacubus hæreticorum hæc sententia (de defectu scilicet gratiæ sufficientis quoad quosdani in statu naturæ lapsæ) hausta sit?

Augia Stabulum purgare deberet, qui omnes huiusmodi in nos congestas sordes, ex conuulso Ripalda libro connerere veller. Vnde ad fidem quam Ripalda in Patribus citandis seruat, gradum faciemus.

De falsis Citationibus Ripaldæ.

Quod hæretici quemadmodum Scripturas Sacras, ita Sanctorum Patrum scripta deprauent & corrumpant, vt ea faciant seruire suis erroribus, haud miramur; quia ipsos ille spiritus agit & regit qui est Pater mendacij. Sed non possumus non vehementer admirari, etiam inter Catholicos Doctores inueniri, qui simile quid facere audeant, vt dogmatibus suis fidem apud imperitos concilient. Quod vt veritati Christianæ summè injuriolum, ita Christi Spiritui, qui est Spiritus veritatis, adeò est contrarium, vt nesciamus quomodo ab homine Christiano, qui veritatem amet & quærat, istud fieri possit. Facit tamen hoc Io. Martinez de Ripalda (parsum toto suo libro; & quidem tam densè, vt pleræque paginæ nigræ sint istis criminibus falsi. Torquet passim verba Sanctorum Patrum ad sensus manifestè alienos ab eo quem suis locis inspecta habere dignoscuntur: sæpiissimè ea mutilat & truncat, vel aliter corrumpit, aliquid addendo aut demendo: dissimulat sæpius antecessoria vel consequentia, à quibus pendet intellectus loci quem citat; & quæ in textu Patrum magno intervallo distant, quasi immediatè sibi cohererent, coniungit, atque hac arte non rarò reddens sensum alium quam in textu ipso verba discontinua habeant. Quorum omnium & singulorum exempla aliquot ex aliis innumeris selegimus, quæ hic infrà Lectori representamus.

Fecimus autem hic duas columnas maioris claritatis gratiâ. Prima continet citationes Ripaldæ cum nostris animaduersionibus. Secunda continet verum & integrum Textum Patrum, quem Ripalda corrumpit, vel aliquam eius partem peruersè citat. Conferat Lector simul vtramque Columnam, & veris criminibus, non falsis calumniis Ripaldam à nobis onerari intelliget.

*Falsificationes Textuum D. Augustini.**§. 1. Ripalda accipit verba disputantis pro sententia resoluentis.*

RIPALDA DISPUT. 5. N. 44

Augustinus de Spiritu & littera c. 33. ait Ripalda, voluntatem credendi noluit ita esse purè Dei donum, vt non sit etiam opus arbitrij liberè recipientis illud: Si autem dixerimus huiusmodi voluntatem non esse nisi donum Dei, metuendum est, ne infideles non immeritò, sed iuste excusari videantur: ideo non credidisse, quòd dare illis Deus istam noluit voluntatem. Igitur vt excusatio sit vana, dicendum est, Deum illis quantum est ex se cum auxilio gratiæ voluntatem

AVGVST. LIB. DE SPIRIT. ET. LIT.
CAP. 33.

Sed consequens est paululum quærere, vtrum voluntas illa qua credimus etiam ipsa Dei donum sit: an ex illo naturaliter insito libero adhibeatur arbitrio. Si enim dixerimus eam non esse donum Dei, metuendum est ne existimemus inuenisse nos aliquid quod Apostolo increpanti & discenti: Quid enim habes quod non accepisti? Si autem accepisti, quid gloriaris quasi non acceperis? respondere possimus: ecce habemus voluntatem credendi quam nō accepimus: ecce ubi gloriamur quod nō acceperim.

Si

» tem dedisse, sed illos pro suo arbitrio noluisse recipere. Itaque potest » meritum esse donatum & acceptum » à Deo, quamvis auxilium donans » possit Arbitrio non recipiente frustrari. Hactenus Ripalda.

Vbi ex opposita disputatione Augustini hæc verba: *si autem dixerimus* &c. citat tanquam sententiam resolutionem; cum manifestum sit esse verba disputantis, non resolventis. Proponuntur enim tanquam argumentum pro prima parte questionis quam ibi mouet August. vnde sicut argumenta quæ D. Thomas in suis articulis præmittit corpori, non continent sententiam D. Thomæ; ita nec ista verba citata à Ripalda continent hoc loco sententiam D. Augustini.

Insuper in istis verbis citatis præter alias varias particulas Ripalda omittit particulam *veluti*, ante *iuste*; eum tamen non omnino æquiualeant hæc duo: *iuste excusari*, & *veluti iuste excusari*.

Eodem modo quo hic, hallucinatur iterum Ripalda disput. 24. nu. 47. vbi verba Augustini disputantis lib. de corr. & grat cap. 10. accipit tanquam verba decernentis: & insuper textum corrumpit: quem locum propterea hic subiungimus.

§. 2.

RIPALDA DISPUT. 24. N. 47.
EX AVGVST.

Sed illud magis querendum, operosiusque tractandum est, quomodo respondeamus eis, qui dicunt EVM (primum hominem) PECCASSE, ET DESERTOREM BONI FVISSE. Non ergo habuit in illo bono perseverantiam: & si non habuit, non utriusque accepit. Quomodo enim & accepisset perseverantiam, & non perseverasset? porro si propterea non habuit, quia non accepit, quid ipse non perseverando peccavit, qui perseverantiam non accepit? Nec enim dici potest ideo non accepisse, quia non est discretus à massa perditionis gratia largitate: nondum quippe erat illa in genere humano perditionis massa antequam peccasset. Sic Ripalda hunc

AVGVST. DE COR. ET GRAT. C. 10.

Sed illud magis querendum, operosiusque tractandum est, quomodo respondeamus eis, qui dicunt: Si in illa rectitudine in qua sine vitio factus est, habuit perseverantiam, procul dubio perseveravit in ea. Et si perseveravit, utique non peccavit, nec illam suam rectitudinem Deumque deseruit. Eum autem peccasse, & desertorem boni fuisse, veritas clamat. Non ergo habuit in illo bono perseverantiam, & si non habuit, non utriusque accepit. Quomodo enim & accepisset perseverantiam, & non perseverasset? Porro si pro-

hunc locum citat. Et immediatè subjungit: » Planè etiam hìc perseverantiam Adami supponit, *Augustinus*, » accipiendam à Deo donante illam.

Vult autem Ripalda probare ex isto loco Augustinum, nullum discrimen essentialè statuisse inter adjutoria gratiæ data Adamo in statu naturæ integræ, & inter ea quæ in statu naturæ lapsæ dantur nobis ad perseverandum.

Vbi primùm attende Lector, quomodo Ripalda hunc locum Augustini mutilat & corrumpat, circa initium post hæc verba: *Quomodo respondeamus eis qui dicunt*: Insuper quomodo truncet in fine pendentem adhuc sententiam, omittens hæc verba: *ex quo tracta est origo vitiosa*.

Deinde perpende an ista verba quæ hìc urget pro se Ripalda: *Porrò si propterea non habuit, quia non accepit* &c. non sint verba Augustini obiectiōnem tantūm proponentis; non autem ex animi sui sensu decernentis vel supponentis; id quod Ripalda dicit.

Denique ut videas quanta sit hìc cæcitas Ripaldæ, arripe librum Augustini, & perlege ea quæ isti disputationi pro resolutione subjungit & prosequitur vique ad finem capituli duodecissimi, latissimum discrimen statuens, & lucidissimè explicans, inter adjutorium perseverantiæ, quo primus homo ante lapsum perseverare poterat, si voluisset; & adjutorium quo in hoc statu naturæ lapsæ iusti perseverant. In qua doctrina Augustini velut clarissimo sole Ripalda prorsus caligat, & tenebras illi offundere hìc tentat: sicut & ante tentavit Disp. 5. n. 53. utens eodem planè discursu, & cum eadem verborum Augustini corruptione.

Similiter iterum caligat Ripalda Disp. 7. n. 48. citans hæc verba Augustini de Corrept. & Grat. cap. 10. *Deum sic ordinasse Angelorum, & hominum vitam, ut in ea prius ostenderet, quid posset eorum liberum arbitrium, deinde quid posset sua gratia beneficium*. Dicit enim Augustinum ibi eodem modo loqui de Angelorum ac de lapsorum hominum perseverantia, & inter utrosque omnino parèm constituisse ordinationem. Quod adeò clarè falsum esse liquet ex iis quæ tum in isto, tum in sequentibus capitulis docet Augustinus, ut cæcus sit qui non videat.

pterea non habuit quia non accepit, quid ipse non perseverando peccavit, qui perseverantiam non accepit? Neque enim dici potest ideo non accepisse, quia non est discretus à massa perditionis, gratia largitate. Nondum quippe erat illa in genere humano perditionis massa antequam peccasset, EX QVO TRACTA EST ORIGO VITIATA.

Huic quæstioni responsionem mox subjungens Augustinus: *Quapropter saluberrimè consuevit, inquit, quod rectissimè credimus, Deum Dominumque rerum omnium qui creavit omnia bona valde, & mala ex bonis exortura esse præstitit, & scivit magis ad suam omnipotentissimam bonitatem pertinere etiam de malis benefacere quàm mala esse non sinere; sic ordinasse Angelorum & hominum vitam, ut in ea prius ostenderet, quid posset eorum liberum arbitrium, deinde quid posset sua gratia beneficium, iustitiæque iudicium &c.*

RIPALDA DISP. 5. N. 46.

EX AVGVST.

Sed post illam ruinam maior est misericordia, quando & ipsum liberum arbitrium LIBERVVM est à servitute, cui dominatur cum morte peccatum. Hoc loco Ripalda post, arbitrium, substituit liberum pro liberandum.

Ibidem paulò infrà mutilat Augustini Textum lib. de Corrupt. & Grat. cap. 11. omittendo hæc verba Apostoli intermedia: *Infelix ego homo, quis me liberabis de corpore mortis huius? Gratia Dei per Iesum Christum Dominum nostrum.* An fortè Ripalda nos quantumvis infirmos libentiùs audit liberos dici, quàm liberandos, quia gratiæ sufficienti omnibus, iuxta Ripaldam, semper præseuti magis fauet, liberos nos dici, quàm liberandos?

S. 4. Mutilat Textum, ut ipsius proposito meliùs congruat.

RIPALDA DISP. 7. N. 104. EX AVG.

DE SPIRITU ET LITTERA.

Consentire autem vocationi, vel ab ea dissentire, propria voluntatis est, quæ res non solum non infirmat quod dictum est: Quid habes quod non accepisti? Verum etiam confirmat. Accipere quippe & habere anima non potest dona, de quibus hoc audit, nisi consentiendo; ac per hoc accipere & habere utique accipientis & habentis est.

Mutilat hunc Textum Ripalda omittendo hæc verba intermedia: *Accipere hoc quid habeat, & quid accipiat, Dei est.* Cur verò istam partem Ripalda omisit, nisi ut verisimiliorem redderet collectionem, quæ ex isto loco Augustini colligere conatur gratiam quæ interiorius movemur à Deo ad credendum vel benè agendum, sic relinqui in potestate arbitrii nostri, ut possimus illi sic dissentire, ut cum illa componamus dissentium? Quam collectionem suam Ripalda intelligeret aliam esse à mente Augustini isto loco, si perpenderet hæc quæ immediatè ibidem subiungit Augustinus: *Iam si ad illam profunditatem scrutandam quisquam nos coarctet; cur illi ita suadeatur ut persuadeatur, illi autem non ita: duo sola occurrunt interim quæ respondere mihi placeat: O altitudo divitiarum! & nuncquid iniquitas apud Deum? Cui responsio ista displicet, quæras doctiores, sed caveat ne inveniatur præsumptores.* Quæ verba apertè indicant, quòd vni persuadetur, ut consentiat, alteri non; in causam altiore, quàm in arbitrii volubilis determinationem, referendum esse.

AVGVSTINVS ENCHIRID.

CAP. 106.

Sed post illam ruinam maior est misericordia, quando & ipsum liberum arbitrium LIBERANDVM est à servitute, cui dominatur cum morte peccatum.

AVGVSTINVS DE SPIRITU ET LITTERA CAP. 34.

Consentire autem vocationi Dei, vel ab ea dissentire, sicut dixi, propria voluntatis est. Quæ res non solum non infirmat, quod dictum est: Quid enim habes quod non accepisti? Verum etiam confirmat. Accipere quippe & habere anima non potest dona, de quibus hoc audit, nisi consentiendo: AC PER HOC QUID HABEAT, ET QUID ACCIPIAT DEI EST: Accipere autem & habere, utique accipientis & habentis est.

§ 5. Omittendo negationē facit sensum contradictorii sensui Augustini.

RIPALDA DISP. 10. N. 26. EX LIB.

I. RETRACT. CAP. 13.

Quamuis & illa quæ immeritò non voluntaria peccata dicuntur, quia vel à nescientibus, vel à coactis perpetratur, non omnino possunt sine voluntate committi, quoniam & ille qui peccat ignorans, VOLUNTARIE VTIQUE PECCAT, quod cum faciendum non sit, putat esse faciendum. Ita citat hunc locum Ripalda, ut ex eo probet D.

Augustinum sentire non esse verè & propriè peccata, ea quæ fiunt contra ius naturæ ex inuincibili ignorantia: cuius oppositum satis apertè docet Augustinus eodem loco. Sed Ripalda ut hunc locum aptet suo proposito, omittit negationem quam habet Augustini Textus ante immeritò, & sic reddit Ripalda sensum istius partis contradictorium sensui Auctoris. Et ne benignè interpretemur negationem istam prætermisam esse per incuriam Typographi, obstat Ripalda, mox post citata à se verba inculcans & repetens: » Vbi expensum de, inquit, illa quæ immeritò non voluntaria peccata, dicuntur; ut intelligas » ab Augustino censeri immeritò dici peccata quæ voluntaria non sunt, quia » non sunt propriè peccata quæ sunt inuoluntaria. Vides hic Lector manifestam Imposturam Ripaldæ: quæ iterum eodem modo grauatur Augustinum Disp. 18. n. 39. & insuper utroque loco velut cæcus & contra seipsum pugnans, pro eo quod Textus Augustini habet: voluntate vti que facit, substituit, voluntariè vti que peccat.

§. 6. Torquet verba Augustini apertè contra Textum.

RIPALDA DISPUT. 9. N. 63. EX
LIB. 5. CONT. IUL. CAP. 7.

Ripalda asserit Augustinum concessisse Iuliano quod libido sit homini naturalis, etiam secluso peccato. Ad quod probandum adducit locum Augustini qui est in altera columna, & innox subdit: » En Augustinus » concedit Iuliano, libidinem homini esse naturalem, eo sanè modo, quo à » Iuliano assererebatur naturalis, scilicet secluso peccato, ex sola ipsa constitutione naturæ.

Sed imponit hic iterum manifestè Ripalda Augustino, ut evidentissimè demonstrent hæc quæ istis verbis à Ripalda citatis, vix tribus lineis interjectis præmittit Augustinus: Quod autem nunc agitur, naturalem esse libidinem, & ego dico, quia cum illa nascitur omnis homo; & tu multo amplius, qui dicis, quod cum illa sit conditus primus homo. Quæ verba Ripalda vel non aduertit, vel neglexit. Ex quibus tamen clarissimè liquet Augustinum istis verbis quæ statim

AVGVSTINVS. LIB. I. RETRACT.
CAP. 13.

Quamuis & illa quæ NON immeritò non voluntaria peccata dicuntur, quia vel à nescientibus vel à coactis perpetrantur, non omnino possunt sine voluntate committi: quoniam & ille qui peccat ignorans, VOLUNTATE VTIQUE FACIT, quod cum faciendum non sit, putat esse faciendum.

AVGVSTINVS LIB. 5. CONTRA IULIANVM CAP. 7.

Cum igitur libidinem & naturalem esse, & vinci posse, ambo dicamus; verum bonum vincamus, an malum, ipsa inter nos vertitur quæstio.

statim subjunxit, & citantur à Ripalda, non intelligere libidinem homini esse naturalem eo modo quo dicebat Iulianus. Quia Iulianus dicebat libidinem esse naturalem, quòd cum illa sit conditus primus homo, asserens illam ex principiis naturæ, non ex peccato ortam: Augustinus verò eam naturalem dicebat, quia cum illa nascitur omnis homo, siue, quia inest à natiuitate, sed contra hæc ex peccato Adæ, non autem ex ipsa conditione naturæ. Vnde mox subiungit Augustinus, de eadem libidine loquens: *Adhuc non enigmat, ut intelligat naturam non esse, sed vitium, contra quòd viriute pugnamus?* Quibus verbis Augustinus iterum ab Impostura Ripaldæ se liberat.

§. 7. Magno intervallo distantia peruersè coniungit.

RIPALDA DISPUTATIONE. 14.

NVM. 51. A

AVGVST. LIB. DE SPIRIT. ET. LIT

CAP. 31.

» **A**ugustinus de spiritu & littera
» cap. 31. ait Ripalda, ex profes-
» so disputans, verum fides sit in no-
» stra potestate, seu libertate, post
» multa concludit: *Professio fides in*
» *potestate est. Sed cum potestas datur,*
» *non necessitas imponitur, ut cum Da-*
» *uid Saulis occidendi potestatem acce-*
» *pisset maluit parcere quam ferire. Et*
» *ergo potestas libera credendi exclu-*
» *dit necessitatem oppositam indiffe-*
» *rentiæ non credendi, sicut potestas*
» *occidendi Saullem in Dauid relicta,*
» *suit soluta à necessitate occidendi,*
» *& indifferens ad non occidendum.*
» *Hæc Ripalda; sed pessimâ fide.]*

Primo namque, ea quæ in Textu Augustini magno intervallo distant, Ripalda in sua citatione tanquam immediatè sibi cohærentia coniungit. Nam inter istam partem: *Professio fides in potestate est,* & hanc: *sed cum potestas datur &c.* interjacent apud Augustinum nouemdecim linee. Secundo, cum hæc sententia: *sed cum potestas datur &c.* prolata sit ab Augustino immediatè ad declarandum, quòd licet potestas crucifigendi Christum fuerit Pilato data, non tamen propterea imposita fuerit ei necessitas id agendi, Ripalda istam sententiam citat tanquam prolata immediatè ad declarandam indifferentiam voluntatis sub gratia constitutæ ad volendum & nolendum credere. Quò etiam trahit exemplum Davidis tanquam allatum

Probat Augustinus hoc capite fidem esse in nostra potestate: & postquam dixisset hoc quemque in potestate habere: *quod si vult, facit: si non vult, non facit,* paulò post subiungit.

Vide nunc virum quisque credat, noluerit: aut non credat si voluerit. Quod si absurdum est: Quid est enim credere nisi consensire verum esse quod dicitur? Consensio autem utique volentis est: PROFACTO FIDES IN POTESTATE EST. Sed sicut Apostolus dicit, non est potestas nisi à Deo.

Ac deinde multis interiectis de mala voluntate, & potestate malam voluntatem exequendi, & speciatim de potestate Pilati ad crucifigendum Christum, & Christi responso: *Non haberes in me potestatem, nisi data esset tibi desuper,* subiungit Augustinus: *SED CUM POTESTAS DATVR, NON NECESSITAS VT I QVE IMPOSITVR. VNDE CUM DAVID SAULIS OCCIDENDI potestatem accepisset, maluit parcere quam ferire.*

Augustino etiam proximè ad eundem finem, & insuper mutat interpunctionem Textus, & particulam *unde in* *ut*, hâc arte efficiens, ut maiori verisimilitudine videatur dictum Davidis exemplum, proximè allatum ab Augustino ad probandam prædictam voluntatis indifferentiam. Denique fallitur hic Ripalda non satis distinguens voluntatem, & potestatem, & non intelligens Augustinum hoc loco tantum loqui de ea necessitate quæ non obedit voluntati, siue, ut eam describit idem Augustinus lib. 1. de Civit. cap. 10. *quæ non est in nostrâ potestate, sed etiam si nolumus, efficit quod potest.* Quod & in aliis locis pluribus Ripaldæ accidit, ut mox iterum notamus.

§. 8. *Urget Textum contra ea quæ sequuntur.*

RIPALDA ITERUM DISPVT. 14.

NVM. 51.

AUGUSTINVS LIB 5. DE CIVIT. DEI

CAP. 10.

EX hoc opposito loco probat iterum Ripalda libertatem ab omni necessitate solutam esse debere. Unde verbis istis Augustini à se citatis immediate subdit: » En quoties, inquit, remouet necessitatem à libertate, quæ coronam meretur, & quæ uin constanter doceat eam nullo necessitatis vinculo adstrictam esse debere. Sed hic hallucinatur Ripalda non attendens ad ista quæ ibidem statim subdit Augustinus: *Quod autem ex viis natura, non ex conditione natura sit quedam peccandi necessitas, audiat homo, atque ut eadem necessitas non sit, discat Deo dicere: De necessitatibus meis educ me.* Quibus verbis manifestè docet Augustinus hominem in statu naturæ corruptæ pati aliquam necessitatem ad malum, si gratia Dei ipsi desit. Et propterea locum Hieronymi sibi obiectum à Pelagio, intelligit Augustinus de naturâ nostrâ prout à Deo primum & sine vitio condita est. Deinde (quod Ripalda iterum non aduertit) loquitur hic Augustinus de eâ necessitate quæ voluntati nostræ non obedit, ut supra dicebamus: qualis non est ista determinatio ad volendum bonum, quam Deus per suam gratiam operatur in nobis prædeterminando nostram voluntatem: ut manifestè indicant ista verba Augustini: *Sed in rellè faciendo, ideo nullum est vinculum necessitatis, quia libertas est charitatis:* quæ, iuxta Augustini doctrinam variis in locis ab eo traditam, etiam in Beatis locum habent; in quibus tamen voluntatis non manet proximè indifferens ad amandum Deum & non amandum, ut etiam docet Ripalda.

§. 9. *Imponit iterum Augustino apertè contra Textum.*

RIPALDA ITERUM DISP. 14. N. 51.

ALio rursus testimonio Augustini probat Ripalda voluntates nostras

AUGUST. LIB. 5. DE CIVIT. DEI. C. 10.

Nec illa necessitas formidanda est, quam formidando, Stoici laborant

nostras, siue libertatem nullo necessi-
tatis vinculo adstringi.» Item, inquit,
» lib. 5. de Ciuit. cap. 10. Scribit
» Augustinus: *Stoicos in his causis,*
quas sub necessitate esse noluerunt, po-
suisse voluntates nostras, ne videlicet
non essent libera, si subderentur necessi-
tati. Quod Augustinus, addit Ripal-
» da, non improbat, sed plaudit.

Examina Lector alteram colum-
nam, in qua expressimus integrum
Augustini Textum, ut Imposturæ Ripal-
dæ melius apparerent. Vide imprimis,
vbi plaudat Augustinus, & an
probet quod Ripalda ei imponit: volun-
tates scilicet nostras sub nulla nec-
essitate esse posse saluâ libertate. Re-
fert primò Augustinus sententiam
Stoicorum, & rationem ipsorum: ac
deinde (quod Ripaldam falsitatis ar-
guit) vt ostendat non omnem necessi-
tatem libertati contrariam esse, di-
stinguit necessitatem in duas species:
quarum prima est quæ facit vt res non
sit in potestate nostra, siue *qua etiam si*
nolumus, efficit quod potest, qualis est necessitas moriendi: & hanc fatetur Au-
gustinus aduersam libertati. Altera est: *secundum quam dicimus necesse esse, vt*
ita sit aliquid vel ita fiat, non tamen efficit quod potest etiam si nolumus: & de
hac dicit Augustinus non esse formidandum, ne nobis auferat libertatem vo-
luntatis. Quam distinctionem necessitatis Ripalda satis aduertit (nam disput.
16. nu. 56. eam explicat, suo tamen, non Augustini sensu) sed illam hic cal-
lidè dissimulat, vnam tantum partem Textus ita citando, & vrgendo, vt hinc
Lector non aliud apprehendat, quàm quod omnem necessitatem absque dif-
finitione Augustinus isto loco remoueat ab humanis voluntatibus.

Quod iterum Ripalda simili arte facit Disp. 18. n. 30. vbi enim Augustinus
habet: *Si enim necessitas nostra illa dicenda est, qua non est in nostra potestate,*
sed etiam si nolumus, efficit quod potest, sicut est necessitas mortis: manifestum est
voluntates nostras quibus rectè vel perperam viuunt, sub TALI necessitate non
esse: Ripalda omissis prioribus, & deinde in verbis quæ citat suppressa voce,
TALI (quæ clarè ostendunt Augustinum ibi agere de certa specie necessita-
tis, non de qualibet) posteriorem partem istius sententiæ quasi absolute posi-
tam, & vt ab Augustino de qualibet necessitate assertam, hunc in modum ci-
tat: *Manifestum est voluntates nostras quibus rectè vel perperam viuunt, sub ne-*
cessitate non esse. Quis non simili arte quidlibet imponat Sanctis Patribus,
cum aliquo colore veritatis, maximè apud imperitos?

RIPALDA DISPUTATIONE 18.
NUM. 28.

Qui motus si culpa deputatur, voluntarius est, & in potestate voluntatis, in eoque similis est illi motui, quo deorsum &c.

Et infra:

Propterea quid opus est querere, unde iste motus existat, cum eum, non nisi animi, & voluntarium, atque in nostrâ positum potestate, & ob hoc culpabilem esse fateamur, ut eo motu improbo atque cohibito voluntatem nostram ad fruendum sempiterno bono, ab amore temporalium convertemus.

Ita hos duos textus citat Ripalda variè mutilatos, & utrique inserit sua verba, primo quidem hanc partem: *Et in potestate voluntatis*: secundò autem hanc partem, atque in nostrâ positum potestate.

Quod existimamus ipsum ideo fecisse, ut faciliùs persuaderet Lectori, quòd omnis motus voluntarius debeat esse indifferens ad opposita: nam ubicumque audit nomen *potestatis*, contendit importari potestatem moralem, quæ sit indifferens ad opposita.

§. 11. *Capit obiectionem pro sententia resolutiva, & ei coniungit alia verba valde distantia.*

RIPALDA DISPUTATIONE 23.
NUM. 117.

Semper præsentem esse homini eam gratiam quâ præcepta implere possit, probat Ripalda: » Quia alioquin oppositum agens, quod sine gratia vitare non potest, minimè peccaret, ut ipse Augustinus tradit, inquit, lib. de Nat. & Grat. cap. 67. *Quaecumque ista causa est voluntatis, si non potest ei resisti, sine peccato*

AVGVSTINVS LIB. 3. DE LIBERO
ARBITRIO CAP. I.

Qui motus si culpa deputatur, unde qui dubitat, irrisione dignus tibi visus est, non est utique naturalis sed voluntarius: in eoque similis illi motui quo deorsum lapis fertur &c.

Et paulò infra.

Propterea quid opus est querere, unde iste motus existat quo voluntas avertitur ab incommutabili bono ad commutabile bonum, cum eum non nisi animi, & voluntarium, & ob hoc culpabilem esse fateamur, omnisque de hac re disciplina utilis ad id valeat, ut eo motu improbo atque cohibito, voluntatem nostram ad fruendum sempiterno bono à lapsu temporalium convertemus.

AVGVSTINVS LIB. DE NAT. ET
GRAT. CAP. 67.

Veniamus ad nos: Iterum, inquit (obiectione est Pelagij) Augustinus Episcopus in libris de libero arbitrio: *quæcumque ista causa est voluntatis, si non potest ei resisti, sine peccato ei ceditur: si autem potest, non ei cedatur, & non peccabitur. An forte fallit incautum? ergo caueat ne fallatur. An tanta fallacia est, ut caueri omni-*

peccato ei cedatur: si autem potest, non cedatur, & non peccabitur. An forte fallis incantum? Ergo caueat, ne fallatur. An fallacia est ut caueri omnino non possit? Si ita est, nulla ergo peccata sunt. Quis enim peccat in eo, quod caueri nullo modo potest? Peccatur autem: caueri igitur potest. Sine ergo imminet tentatio, siue insit, caueri potest. Ex quibus immediatè infert Ripalda: Ergo qui peccat agens opus prohibitum, præditus est gratia sufficienti, quâ illud cauere possit.

no non possit? Si ita est, nulla ergo peccata sunt. Quis enim peccat in eo quod caueri nullo modo potest? Peccatur autem, caueri igitur potest. Agnosco, verba mea sunt, sed etiam ipse dignetur agnoscere superius cuncta quæ dicta sunt &c.

Et post multa:

Siue ergo imminet, siue insit, caueri potest.

Sed ista Ripaldæ collectio nititur multis fallaciis. Nam imprimis verba ista postrema: *Siue ergo imminet* &c. quæ Ripalda immediatè connectit prioribus, distant ab his apud Augustinum sedecim integris lineis. Deinde verba ista priora proponuntur hic ab Augustino tanquam sibi obiecta à Pelagio ex lib. 3. de Libero arbitrio, quæ Ripalda citat tanquam assertiuè hoc loco posita. Et quàmvis Augustinus dicat hic se ista verba pro suis agnoscere, ad ea tamen sic respondet; ut eius responsio planè evertat collectionem Ripaldæ. Vbi quod hanc responsionem aggrediens, Pelagio dixit Augustinus, posset respectiuè dici & Ripaldæ: *Agnosco, verba mea sunt, sed etiam ipse dignetur agnoscere superius cuncta quæ dicta sunt.* Inter quæ vnum est istud cap. præcedenti: *Quod autem ex viuis natura, non ex conuictione natura sit quædam peccandi necessitas, audiat homo, atque ut eadem necessitas non sit, discat.* Deo dicere: *De necessitatibus meis educ me.* Item illud cap. 22. *Nec cogitat prauaricatorem legis quàm dignè lux deserat veritatis; quâ deseruit utique sit cæcus, & plus necesse est offendas* &c.

Porrò cuiuspiam mirum videri potest: cur Ripalda hunc locum Augustini: *Quæcunque ista causa est voluntatis* &c. citauerit ex libro de Natura & Gratia. vbi tantum per modum obiectionis facta à Pelagio ponitur; & non potius ex libro tertio de Libero Arbitrio cap. 18. Vbi ab Augustino absolutè asseritur. Sed causa in promptu est: quia nimirum in hoc libro de Libero Arbitrio Augustinus istis verbis suis immediatè subiicit: *Et tamen etiam per ignorantiam facta quedam improbantur, & corrigenda indicantur, sicut in diuinis auctoritatibus legimus.* Ait enim Apostolus: *Misericordiam consecutus sum, quia ignorans feci.* Ait & Propheta: *Delicta iuuentutis, & ignorantia mea ne memineris.* Sunt etiam necessitatè facta improbanda, vbi vult homo rectè facere, & non potest &c. Sed hæc omnia hominum sunt, ex illa mortis damnatione venientium: Nam si n est ista pœna hominibus, sed natura: nulla ista peccata sunt: quæ omnia collectio. i. Ripaldæ apertè aduersantur.

§. 12. Designat Ripalda varia loca Augustini, imponens ei contrarium eius quod in iisdem locis Augustinus docet.

Disputat. 9. nu. 24. Ripalda dicit Augustinum lib. 1. contra duas Epistolas Pelagianorum cap. 10. lib. 6. contra Iul. cap. 10. vel potius 23. docere

re Paulum isto loco ad Rom. 7. *Nunc autem iam non ego operor illud &c.* non suam propriam iusti, sed alienam peccatoris personam induere. Cuius oppositum utroque isto loco expressè docet Augustinus, ibidem retractans quod alibi aliter ante docuerat.

Item Disput. 18. nu. 35. citat cap. 65. & 67. lib. de Nat. & Grat. & cap. 10. lib. 5. de Ciuit. Dei: Insuper caput 14. lib. de Vera Religione, & caput 1. cum seqq. lib. de perfect. Iustitiæ: Vbi dicit Augustinum admittere quod hæc definitio peccati ab eo tradita lib. de duabus animabus: *Peccatum est voluntas retinendi vel consequendi quod iustitia verat, & unde liberum est abstinere*, conueniat omni propriè dicto peccato, etiam naturæ lapsæ. Quod D. Augustinus nullo istorum locorum docet; sed potius ex illis ipsis locis contrarium sentire conuincitur. Videat Lector & iudicet, & simul conferat caput 14. libri de Vera Religione cum cap. 13. lib. 1. Retract. vbi explicat Augustinus locum ad quem Ripalda hic respicit.

Credendum est autem Ripaldam in lib. de Perfect. Iustitiæ cap. 1. & seqq. accepisse pro verbis Augustini obiectiones Cœlestij Pelagij, in quibus ibi contendit Cœlestius peccata, à nobis nullâ necessitate committi, sed semper caueri posse; alioquin non fore peccata. Cui reponit Augustinus cap. 2. *Respondemus vitari posse peccatum, si natura vitata sanetur gratiâ Dei per Iesum Christum Dominum nostrum. Intantum enim sana non est, in quantum id quod faciendum est, aut cecitate non videt, aut infirmitate non implet.* Et cap. 4. *Per arbitrij libertatem factum ut esset homo cum peccato; sed iam panalis vitiostia subsecuta ex libertate fecit necessitatem.* Vnde ad Deum fides clamat: *De necessitatibus meis educ me. Sub quibus positi, vel non possumus quod volumus intelligere, vel quod intellexerimus, volumus nec valeamus implere.* Item cap. 6. *Peccatum est autem cum vel non est charitas que esse debet, vel minor est quam debet, siue hoc voluntate vitari possit, siue non possit: quia si potest, præsens voluntas hoc facit; si autem non potest, præterita voluntas hoc fecit: & tamen vitari potest, non quando voluntas superba laudatur, sed quando humilis adinuatur.* Quid clarius contra plerasque Ripaldæ Imposturas circa varia loca Augustini, à nobis hætenus repræsentatas? Sed videamus quomodo tractet alios Patres.

§. 13. Falsificationes Textus D. Hieronymi.

Imponit Hieronymo mutilando Textum

RIPALDA DISPUT. 20.
NUM. 23.

Probat hic Ripalda ex opposito loco Hieronymi, Gentes etiam Infideles naturaliter ea quæ legis sunt fecisse, iuxta illud Pauli ad Rom. 2. *Gentes quæ legem non habent, naturaliter quæ legis sunt faciunt.* » Apostolum,

HIERONYMVS IN CAP. 24. ISAIAE
AD ILLVD: quia transgressi legem sunt &c.

A *Vdiant Iudæi, qui se solos legem accepisse Domini gloriatur, quod vniuersæ primùm Gentes, totusque orbis naturalem acceperis legem; Et idcirco postea lex data sit per Moysen*

„Iam, inquit Ripalda, eo eloquio
 „comprehendisse Gentes etiam Infi-
 „deles, assertor est Hieronymus ad
 „caput 24. Isaia, dicens: *Audiant*
Iudei, qui se solos legem accepisse glo-
riantur, quod vniuersa primum Gentes,
totusque orbis naturalem acceperit le-
gem. De qua Apostolus loquitur: cum
enim Gentes legem non habent &c. ita Ripalda.

Sed manifestè fallitur, & fallit suo more. Non enim dicit hoc loco D. Hieronymus vniuersas Gentes ea quæ legis sunt, fecisse; sed dicit vniuersas naturalem legem accepisse, quod à priori longè differt. Nihilominus, ut Lector apprehenderet D. Hieronymum censuisse, quod etiam istud prius, nempe *ea quæ legis sunt, fecisse*, Apostolus tribuerit Gentibus quoque Incredulis, Ripalda mutilauit Textum, omittendo hæc verba intermedia: *Et idcirco postea lex data sit per Moysen, quia prima lex dissipata est.* Quibus verbis apertissimè significat Hieronymus, legem naturalem datam vniuersis Gentibus, obseruatam ab illis non fuisse, nec eas quæ legis sunt fecisse. Deinde quod D. Hieronymus ista verba Pauli: *Gentes quæ legem non habent, naturaliter ea quæ legis sunt faciunt* &c. non extendat ad Gentes incredulas, manifestum est ex his quæ istis verbis Pauli immediatè subiungit: *qui igitur has leges obseruauerint, premia consequentur.* Hinc enim liquet Hieronymum ista verba Pauli: *Ea quæ legis sunt, faciunt*, intelligere de obseruatione legis fructuosa & meritoria: qualis non potest esse, nisi ex fide.

§. 14. Falsificationes Textus D. Ambrosij.

Imponit hic Ambrosio quòd supra Hieronymo, & corrumpit Textum.

RIPALDA DISPUTATIONE 20.
 NVM. 24.

AMBROSIVS LIB. DE FUGA SÆ-
 CVLI CAP. 3.

PROBAT etià Ripalda ex D. Ambrosio illud Pauli: *Naturaliter ea quæ legis sunt, faciunt*, etiam ad Gentes infideles pertinere: locum ita citat.

Lex autem gemina est, naturalis, & scripta. Naturalis in corde, scripta in tabulis. Omnes ergo sub lege, sed naturali. Sed non est omnino, ut unusquisque sibi sit lex. Ille autem sibi lex est, quò facit sponte, quæ legis sunt, & in corde suo scriptum opus legis ostendit. Primum natura ipsa boni operis magistra

LEX autem gemina est, naturalis & scripta. Naturalis in corde, scripta in tabulis. Omnes ergo sub lege, sed naturali. Sed non est omnino, ut unusquisque sibi sit lex. Ille autem sibi lex est, qui facit sponte quæ legis sunt, & in corde suo scriptum opus legis ostendit. Habes quæ bona legis sint, quæ tamen non solum scire vel audire perfunctoriè, sed etiam facere debemus. Non enim au-

fra est. Scis non furandum, & furaris, non adulterandum, & adulteras. Quibus verbis, Ripalda censet Ambrosium luculenter exprimere, Paulum, sicut suo sermonem legem naturalem omnibus hominibus communem comprehendit, ira etiam sub eis, qui ea, quæ legis sunt, faciunt, omnes homines, quibus natura magistra est, siue credentes, siue non credentes comprehendisse.

Sed hic iterum fallax & falsus est Ripalda. Quod ut Lector videat, conferat primò citationem Ripaldæ cum vero Textu Ambrosij in 2. columna, & aduertat quomodo istum Textum mutillet circa medium, omitendo aliquot lineas quæ ipsi aduersantur. Deinde quomodo rursus in fine eundem Textum mutillet & corrumpat. Denique examinet, an in isto Textu Ambrosius velleuiter insinuet, illud Pauli: *naturaliter ea quæ legi sunt, faciunt*, dictum esse etiam de Gentibus incredulis, quod Ripalda asserit ab Ambrosio luculenter hic doceri. Quod tam procul distat à vero, ut oppositum sit manifestum. Perpendenda sunt ista verba Ambrosij: *Sed non est omnium, ut unusquisque sibi sit lex. Ille autem sibi lex est, qui facit sponte quæ legis sunt, & in corde suo scriptum opus legis ostendit*; ac deinde ea quæ subiunguntur, & Ripalda omisit: ubi Ambrosius monet nos ea quæ sunt legis, non tantum scire, sed etiam facere debere; & quod factores legis iustificabuntur: quæ omnia clamant D. Ambrosium verba ista Pauli: *naturaliter ea quæ legis sunt, faciunt*, intelligere de fæctione salutari & conducente ad salutem, adeoque ista pertinere dumtaxat ad Gentes fideles.

§. 15. Falsificationes Textus Hilarij.

Fallit Lectorem, mutilando & truncando textum.

RIPALDA DISPUTATIONE. 18.
NVM. 60.

» Hilarius, ait Ripalda, ad Psal.
» 2. Tunc loquetur ad eos in ira
» sua, sic explicat: *Vnicuique nostrum*
» *libertatem vita, sensumque permisit,*
» *non necessitatem in alterutrum assigens.*
» *Quid enim honoris ac premij, bonita-*
» *tis necessitas meretur?* » Argue, sub-
» dit Ripalda, à contrario: Nam si
» necess-

HILARIUS IN PSAL. 2.

Nam vnicuique nostrum libertatem vita sensusque permisit, non necessitate in alterutrum assigens, ut vnumquemque ex natura bonum, malumve esse lex cogeret: sed qui nos per benevolentiam utendæ beatitudinis suæ creasset, profectum nobis ad

„necessitas deturbat à nostris operi-
 „ribus bonitatem moralem, meri-
 „tum, honorem, & præmium; pari-
 „ter quodque moralem malitiam, de-
 „meritum, vituperationem, & sup-
 „plicium. Ita Ripalda.

Sed iterum malâ fide. Mutilat enim
 Textum Hilarij, & truncat in fine, ne Lector aduertat de qua necessitate Hi-
 larius hic loquatur. Qui imprimis loquitur de necessitate quæ sit nobis à Deo
 infusa cum ipsâ natura, non autem de ea quæ sit tantum ex peccato contracta:
 deinde loquitur de necessitate coactiua (qualem Manichæi asseriebant) quæ
 voluntatem sic in partem vnâ agit, vt eripiat ei dominium sui actus: sicut
 verumque manifestè declarat ista circa initium per Ripaldam suppressa: *Vt*
vnunquemque ex natura bonum, malumve esse lex cogeret &c. Et deinde ista
 in fine ab eo truncata: *Cum malos nos esse vis quadam nobis conscriba non sineret,*
 Quod autem possit esse aliqua necessitas, quæ non sinat nos malos esse, saluis
 libertate & merito, in bonis operibus nostris, patuit in Christo qui mereri po-
 tuit, & tamen non poterat peccare. Similiter quod possit esse quædam necessi-
 tas contracta ex peccato, quæ saluis libertate & morali malitia ac vituperio
 in operibus nostris, non sinat nos bonos esse, si fortè ex peccati præcedentis
 merito gratia Dei nobis desit, patet exemplo Dæmonum & omnium damnato-
 rum, qui in malo sunt ita obdurati, vt non possint bonum velle. Pergit Ripalda
 fallere in eadem materia.

§. 16. Falsificationes Textus D. Chrysostomi.

Mutilat Ripalda Textum, & equiuocationem facit.

RIPALDA DISPUTATIONE 17.

N. M. 81.

PRobat Ripalda ex Chrysostomo
 Christum nullam habuisse necessi-
 tatem moriendi: siue indifferētis fuis-
 se voluntatis ad volendum & nolendū
 mori, „Eam indifferētiā, inquit,
 „testatur Chrysostomus ad Hæb. 12.
 „Hom. 28. illa verba: *Proposito sibi*
 „*gaudio sustinuit crucem confusione*
 „*contempta*, sic exponens: *Hoc est,*
 „*licebat illi nihil pati, si voluisset. Erat*
 „*igitur arbitrii illius, si voluisset, non ve-*
 „*nire ad crucem. Potestatem quippe ha-*
 „*beo, inquit, ponere animam meam, &*
 „*potestatem habeo iterum sumendi eam.*
 Igitur qui nullam habuit ne-
 cessitatem vt crucifigeretur,
 crucifixus est propter nos.

D. CHRYSOSTOMVS HOM. 28. IN C. 12.

AD Hæb. ad illud: *Proposito sibi*
gaudio sustinuit crucem.

Hoc est licebat illi nihil pati, si vo-
 luisset: Non enim peccatum
 fecit, neque dolus inuentus est
 in ore ipsius, sicut & ipse dixit in
 Evangelio: Venit princeps mū-
 di huius, & in me non habet
 quicquam. Erat igitur arbitrii illius
 si voluisset, non venire ad crucem. Potē-
 statem quippe habeo, inquit, ponere ani-
 mam meam, & potestatem habeo iterum
 sumendi eam. Si igitur qui nullam ha-
 buit necessitatem vt crucifigeretur, cruci-
 fixus est propter nos, quare ma-
 gis nos iustum est omnia fortiter
 tolerare?

Quæ postrema verba vrgens Ripalda : » Omnem , inquit , excludit necessitas moriendi , cum nullam admittit , atque adeo etiam indifferentiæ contrariam .

Hic rursus infidelis est Ripalda , iisdem ferè modis , quibus iam proxime antè . Primò enim truncat in fine sententiam , & suppressâ notâ conditionali , mutat sensum . Secundò , quod præcipuum est , omittit circa initium hæc verba : *Non enim peccatum fecit , neque dolus inuentus est in ore ipsius , sicut & ipse dixit in Evangelio : Venit princeps mundi huius , & in me non habet quicquam* : ne iterum Lector aduertat de qua necessitate hoc loco sit sermo . Verba enim ista continent rationem istius quod infert Chrysostomus : *Igitur qui nullam habuit necessitatem ut crucifigeretur &c.* Et proinde declarant Chrysostomū hic agere de necessitate illa moriendi , cuius causâ est peccatū : quæ vel est indigentia qua indiget quis mori ut peccatum suum expiet , vel reatus pœnæ , vel etiam ineuictibilis moriendi necessitas , qualem nos ex peccato Adami contraximus , & superare non possumus , quantumvis velimus . Quas omnes moriendi necessitates Christo , qui nullum peccatum fecit , abfuisse Chrysostomus hoc loco docet , non tangens illam difficultatem : An humana Christi voluntas sic fuerit indifferens ad volendum , & nolendum mori , ut supposito iam præcepto moriendi à Deo Patre ipsi imposto , & spectatis omnibus rationibus ac motiuis quæ suadebant & ipsum inclinabant , ut pro humani generis Redemptione mortem amplecteretur , potuerit equidem nolle mori . Vnde impertinenter & simul dolosè Ripalda hunc locum Chrysostomi adfert ; ad probandum indifferentiam voluntatis ad volendum & nolendum ; necessariam esse ad libertatem .

§. 17. Falsificationes Textuum D. Prosperi.

Corrumpit Textum , & imponit Prospero sententiam Cassiani Semipelagiani , quam Prosper impugnatur .

RIPALDA DISPUTATIONE 3.
NVM. 302.

D. PROSPER CONTRA COLLATORUM
REM CAP. 29.

PROBAT Ripalda proxime subiecto testimonio Prosperi , nobis inesse virtutes naturales , per quas absque auxilio gratiæ operamur opera virtuosa & moraliter bona , sed inutilia ad salutem . *Nunquid virtutum semina , qua naturaliter habebamus inserta , opitulatione sua excitauit in nobis ? Sed ait 2. Petri 1. qui nunc omnia nobis , quæ ad vitam æternam , & pietatem donauit .* Quibus verbis ita corruptè citatis statim Ripalda subiiciens suam interpretationem : » Ex-

BEATUS Petrus Apostolus : Gratia vobis , inquit , & pax adimpleatur in recognitione Domini nostri Iesu Christi , qui nunc omnia nobis diuinæ virtute suæ , quæ ad vitam & pietatem pertinent , donauit . *Nunquid ait : Qui virtutum semina , quæ naturaliter habebamus inserta , opitulatione sua excitauit in nobis ? Sed ait : Quæ nunc omnia nobis quæ ad vitam & pietatem pertinent , donauit . Quod dicendo , cuius virtutis inissum in natura posuit , quod non ab eo collocatum sit , qui cuncta donauit .* » cludit ,

„cludit, inquit, testimonio Petri, ab opitulatione, & auxilio gratiæ virtu-
 „tes naturales, & eas solas, quæ ad vitam conferunt æternam, refert ad
 „illam.

Admiranda hic est Ripaldæ hallucinatio, aut certè pessima fides. Imponit enim Prosperoid quod Prosper isto loco manifestè impugnat. Agit enim ibi D. Prosper contra Collatorem, qui dicebat inesse omni animæ naturaliter virtutum semina, beneficio Creatoris inserta. Verba Collatoris sunt: *Dubitari ergo non potest, inesse quidem omni animæ naturaliter virtutum semina, beneficio Creatoris inserta: sed nisi hac opitulatione Dei fuerint excitata, ad incrementum perfectionis non poterunt pervenire.* Quam Collatoris sententiam refellere incipiens D. Prosper: *Si dubitari non potest, inquit, inesse omni animæ naturaliter virtutum semina beneficio creatoris inserta: solus Adam pravaricatus est, & in peccato eius nemo peccavit &c.* Ac deinde postquam eandem sententiam multis argumentis toto cap. 27. & 28. impugnasset, illam cap. 29. impugnans testimonio B. Petri, interrogat? *Nunquid ait (nempe D. Petrus) qui virtutum semina quæ naturaliter habebamus inserta, opitulatione sua excitavit in nobis?* subaudi, minimè. *Sed ait: qui nunc omnia nobis quæ ad vitam & pietatem pertinent, donavit.* Quod dicendo &c. At Ripalda in tanta luce caligans, amputatis ex Textu Prosperi duabus particulis, ait, & qui, locum hunc ita citat & vrget, tanquam si Prosper ibi sentiret, & assereret naturaliter nobis inesse virtutum semina: quod ipsum impugnat Prosper per tria capita.

Turpiùs adhuc hallucinatur Ripalda circa alterum locum eiusdem Prosperi, quem huic subiicimus.

§. 18.

D. PROSPER CARMINE DE INGRAT. CAP. 10.

Cap. 10. **N**unc igitur, quoniam quid nostris displicuisset,
Ostensum est: quàm sana fides sit vestra, patefcatur.
Gratia quæ Christi populus sumus, hoc cohibetur
Limite vobiscum, & formam hanc adscribitis illi:
Vt cunctos vocet illa quidem, inviteturque, nec vllum
Præteriens, studeat communem adferre salutem
Omnibus, & totum peccato absolvere mundum.
Sed proprio quemque arbitrio parere vocanti:
Iudicioque suo motà se extendere mente
Ad lucem oblata, quæ se non subtrahat vlli:
Sed cupidos recti iuuet, illustretque volentes.
Hinc adiutoris Domini bonitate magistra
Crescere virtutum studia, ut quod quisque petendum
Mandatis didicit, ingi sceleretur amore.
Esse autem edoctis istam communiter æquam.

Libertatem

*Libertatem animis, ut cursum explere beatum
 Persistendo queant: finem effectumque petunt
 Dante Deo, ingenio qui nunquam desit honestis.
 Sed quia non idem est cunctis vigor, & variarum
 Illecebris rerum trahitur dispersa voluntas,
 Sponte aliquos vitiis succumbere, qui potuissent
 A lapsu reuocare pedem, stabilesque manere.*

Cap. II. *Iam quia summam, ut potuit, sententia vestra
 Decursa est: Dic unde probes quod gratia Christi
 Nullum omnino hominem de cunctis qui generantur
 Prætereat, cui non regnum, vitamque beatam
 Impertiri velis? &c. Hactenus Prosper.*

RIPALDA DISPUT. 23. NUM. 84.

*Ex præcedentibus Versibus arripit sententiam Semipelagianorum
 pro sententia Prosperi & Catholicæ.*

» **R**ursus mens Augustini, ait Ripalda, & veritas nostræ doctrinæ (de
 » *Gratia sufficiens omnibus hominibus communis*) colligitur manifestè ex
 » scriptis discipulorum eius. Perpetuus, *inquit*, in ea asserenda fuit Prosper
 » gratiam Dei omnibus hominibus generalem prædicans. Quod postquam
 conatus est Ripalda ostendere ex pluribus testimoniis Prosperi contra men-
 tem ipsius expositis, subdit nu. 87. » Ex quibus indubitatum est, *inquit*, con-
 » stantem fuisse Prosperi mentem in asserenda gratia auxiliante Dei purè suf-
 » ficienti; quippe omnibus etiam non cooperantibus communi. Quod rursus,
 » *ait*, pulchrè cecinit lib. de Ingratis cap. 10. disserens de Gratia quam Eccle-
 » sia Catholicæ proficitur.

Vt cunctos vocet illa quidem, invitetque, nec vllum

Præteriens, studeat communem asserre salutem

Omnibus, & totum peccato absolvere mundum.

Sed proprio quemque arbitrio parere vocanti:

Iudicioque suo morâ se extendere mente:

Ad lucem oblatam, quæ se non subtrahat vlli:

Quibus versibus Prosperi exuberant, & cum magno apparatu mox ripal-
 da subiicit: » Audis gratiam Dei cunctos vocare, nullum præterire, nulli sub-
 » trahi, & in omnium arbitrio, eius obedientiam constitui; idèoque inobe-
 » dientiam ad culpam deputari?

Quis hic iterum non admiretur ripaldæ cæcitatem? Attende tu Lector ad
 istos versus Prosperi, quos supra citamus, & perspicies quàm enormiter ri-
 palda erret. refert enim ibi Prosper & describit toto c. 10. sententiam aduer-
 sariorum, quam ripalda pro sententia Prosperi rapit. refert Prosper quid
 Semi-

Semipelagiani de Gratia & Libero arbitrio sentirent; Ripalda dicit Prosperum ibi differere de Gratia quam Ecclesia Catholica proficitur. Refellit Prosper cap. 11. & seqq. sententiam istam quam cap. 10. descriperat: Ripalda eandem sententiam suam facit. Si ergo ista est Ripaldæ sententia, quæ ibidem à Prospero describitur; Ripalda cum Semipelagianis sentit.

§. 19. Falsificationes Textuum Fulgentij.

Accipit verba in obiectione aduersariorum posita, pro verbis Fulgentij.

RIPALDA DISPUTATIONE 8.
NVM. 198.

FVLGENTIVS LIB. DE INCARNAT. ET
GRAT. CAP. 21.

FALLITUR etiam sæpius, vel fallit Ripalda cum citat B. Fulgentium; & potissimè ubi ex eo probare conatur, dari aliqua opera virtuosa & moraliter bona, quæ sine adiutorio gratiæ fiant tum à fidelibus, tum ab infidelibus: quas Ripaldæ falsitates ostendimus per aliquot exempla hic subiecta.

Primum est hoc loco, ubi citat tanquam Fulgentij verba: *Nullus est qui naturaliter possit aliquid boni velle, quod pertinet ad vitam æternam.* Ex quibus immediatè Ripalda infert: » Ergo bonum est quòd possit naturaliter velle, non pertinens ad vitam æternam.

Ubi Ripalda bis fallitur: Priusò circa suum antecedens, dum citat verba aduersariorum tanquam verba Fulgentij ab eo hic asserta: Nam licet ista sententia: *Nullus est qui naturaliter* &c. verissima sit, non tamen asseritur hoc loco à Fulgentio, sed refertur tantum tanquam pars obiectionis ab aduersariis factæ: sicut secunda columna clarè demonstrat. Quam obiectionem dicit Fulgentius se mirari, & postea diluit. Secundò fallitur Ripalda circa stupidam consequentiam, quam ex dictis verbis facit. Aliud quippe est, bonum velle; aliud, bonum bene velle: primum posse hominem naturaliter sine adiutorio gratiæ, nemo ambigit; posse verò posterius absque auxiliante Dei gratia, D. Augustinus negat. Contra quem nihil & ridiculè concludit Ripalda ex verbis supra citatis.

MIRAMUR autem quosdam dicere: Si volentes Deus facit ut velint credere, nullus autem est qui naturaliter posset credere in Filio Dei, aut aliquid boni velle quod pertinet ad vitam æternam, cur ergo non facit omnes velle, cum non sit personarum acceptor Deus? Ex quibus verbis quæ litteris vestris indita sunt &c.

§. 20. Non intelligit Fulgentiū, & ad prauum sensum verba eius trahit.

RIPALDA DISPUT. 20. N. 70.

FVLGENTIVS IBIDEM. C. 17.

Mentem Augustini, quòd dicitur ante fidem opera moraliter bona expertia omni malitia, probat, ait

Omnesque unanimis, uno ore in Beati Petri sententiam transierunt, dicentes: Ergo & Gentibus Deus

» ait Ripalda, discipulorum testi-
 » monia Fulgentius de Incarnatione
 » & Gratia cap. 17. sic habet: Ergo
 & Gentibus Deus pœnitentiam ad vitam dedit. *Alt. 2. Nempe cum ipse Saluator noster, propriæ vocis imperio humanam conuertit voluntatem dicens: Pœnite-
 te Euangelio. Claret tamen, quia ut homo in Deum credere incipiat, à Deo accipit pœnitentiam ad vitam, ita ut omnino credere non possit, nisi pœnitentiam dono Dei miserantis acceperit.*
 » En pœnitentia præuia, ait Ripalda,
 » prouidetur Gentibus medium ad
 » suscipiendum fidem, quæ eatenus

Deus pœnitentiam ad vitam dedit. *Nempe cum ipse Saluator noster propriæ vocis imperio humanam conuenit voluntatem dicens: Pœnite-
 mini & credite Euangelio. Claret tamen, quia ut homo in Deum credere incipiat, à Deo accipit pœnitentiam ad vitam, ita ut omnino credere non possit, nisi pœnitentiam dono Dei miserantis acceperit.* Quæ est autem pœnitentia hominis, nisi mutatio voluntatis? Deus ergo qui homini pœnitentiam dat, ipse mutat hominis voluntatem &c.

» in potestate Gentium constituta est, quatenus suorum scelerum pœnitentes
 » in iustificationem & fidem perueniant. Ergo ante fidem præcedit pœnitentia, quæ disponatur Infideles ad fidem. Hæc Ripalda.

Vbi primò in Textu Fulgentij pro *conuenit*, substituit *conuertit*. Et deinde collectione istâ quam ex verbis Fulgentij facit, multis inuoluit se erroribus. Si enim hæc eius collectio intelligatur de pœnitentia aliqua naturali antecedente fidem, per quam Infideles disponantur ad fidem & iustificationem, & per quam fides ponatur in eorum potestate, collectio illa ad Pelagianismum pertinet, & injuriam infert Fulgentio, qui loco isto citato manifestè loquitur de pœnitentia quam Deus misericorditer per gratiam suam homini inspirat. Si verò intelligatur dicta collectio de pœnitentia supernaturali, & ex interiori motione Spiritus Sancti profecta; hæc non præcedit fidem, sed sequitur, iuxta Concilium Trident. sess. 6. cap. 6. vbi inter actus quibus homines impij liberè mouentur & disponuntur ad iustitiam, non pœnitentiam, sed fidem primam statuit.

Sed quid collectio Ripaldæ intellecta de pœnitentia quam Deus nobis inspirat, faciet ad præsentem difficultatem, in qua de operibus per solas naturæ vires factis quæstio est? Isti enim contra quos Ripalda antè citata Fulgentij verba urget, non negant in istis qui in Christum nondum credunt, vel perfectam Dei fidem non habent, & eatenus Infideles sunt, inueniri quandoque opera omnis malitiæ expertia, quæ ex illuminatione diuina velut inchoatione quâdam fidei, & ex Spiritus Sancti transitorio impulsu, voluntates eorum tangente oriantur. Quæcumque ergo Ripalda hæc se verterit, hærebit in luto.

Denique, ut Fulgentium ab omni impostura Ripaldæ liberemus, quando Sanctus Fulgentius dicit, quod homo *credere non possit nisi pœnitentiam dono Dei miserantis acceperit*, non loquitur de pœnitentia quæ est detestatio scelerum commissorum, ut Ripalda peruersè intelligit: sed pœnitentiam vocat quam-

quaecumque mutationem voluntatis, & potissimè illam quâ homo incipit bonum velle, provt seipsum explicat, verbis à Ripalda citatis immediatè subjungens : *Quæ est autem pœnitentia hominis : nisi mutatio voluntatis ?* &c. Quâlis mutatio tunc etiam sit cum is qui nolebat vel non volebat credere, iam incipit velle credere, etiamsi peccata sua nondum detestetur : de qua credendi voluntate agit hoc loco Fulgentius, & multis probat (quod etiam diriguntur verba quæ citat Ripalda) illam non esse ex nobis ; sed ex Deo. Vnde rursus patet quàm imperitè colligat Ripalda ex prædicto loco Fulgentij, in Infidelibus ante fidem inveniri opera moraliter bona : puta detestationem scelerum ; cum pœnitentia de qua potissimè Fulgentius ibi loquitur, sit ipsa voluntas credendi ; quæ ex communi omnium Doctorum sensu ad fidem pertinet.

§. 21. Corruptit & mutilat Textum, & confundit legem cum Iustitia legis.

RIPALDA IBIDEM NUM. 72. ET
DISPUT. 8. NUM. 250.

FULGENTIUS IBIDEM
CAP. 27.

» Fulgentius cap. 27. de Iustitia
» legis ait, inquit Ripalda : *Potest esse naturaliter & in corde Iudæorum, & in corde Gentium, quæ tamen sine fide Christi non iustificat sectatores suos, Hæc viique fuit in Paulo, quando fuit Incredulus, secundum emulationem persequens Ecclesiam Dei, & secundum iustitiam, quæ ex lege est, conversatus sine querela.* Quibus immediatè subjungit Ripalda : » Cernis, inquit, » iustitiam legis naturalem in corde » Iudæorum atque Gentilium inutillem ad iustificandum sine fide &c.

Hic iterum magna est hallucinatio

Ripaldæ, & multæ corruptelæ Textus per eum citati. Fulgentius dicit legem naturaliter esse in cordibus tam Gentiliū quàm Iudæorū. Ripalda intelligit hoc dictum de iustitia legis, siue de operibus quæ iuxta legis præscriptum absque fide fiunt. Fulgentius habet, *potest quidem naturaliter esse & in corde Gentilium, & in corde fidelium Iudæorum.* Ripalda inuertens ordinem & mutilans verba : *potest esse naturaliter & in corde Iudæorum, & in corde Gentilium.* Fulgentius : *in corde Pauli.* Ripalda : *in Paulo.* Fulgentius ait : *Nullatenus iustificat.* Ripalda : *non iustificat.* Fulgentius addit : *sed eos tenet vinculo impietatis obstrictos.* Ripalda hæc omisit, videns illa sibi apertè repugnare, dum scilicet locum Fulgentij quem citat, intelligit de iustitia, siue operibus legis, & ex eodem loco probat tam in Gentilibus quàm Iudæis fuisse sine fide aliqua opera moraliter bona & absque labe. *Sed eos tenet vinculo impietatis obstrictos.* Hocine

est Sanctorum Patrum verba tractare ea fide, qua Doctores Catholici debent? Videat Lector cap. 5. §. 16. ubi circa alium locum Fulgentij plures Ripaldæ errores ostenduntur.

§. 22. Falsificationes Textus S. Bernardi.
Obtrudit Bernardo sua propria verba.

RIPALDA DISPUTATIONE 14.
NUM. 55.

BERNARDVS TRACT. DE GRAT. ET
LIB. ARBIT.

IN materia libertatis & gratiæ vix ullus inter Patres apertius Ripaldæ repugnat quàm Bernardus. Quem Ripalda cupiens sibi amicum reddere, attexit sub eodem caractere sua verba verbis Bernardi; hoc modo cum citans: *Est verà ratio data voluntati, ut instruat illam, non ut destruat. Destrueret autem, si necessitatem ei ullam imponeret, quò minus liberè pro arbitrio sese volueret, sine in malum*

Est verò ratio data voluntati, ut instruat illam, non destruat: destrueret autem, si necessitatem ei ullam imponeret, quò minus liberè pro arbitrio sese volueret, sine in malum consentiens appetitui, aut nequam spiritui, ut sit animalis, non percipiens, vel certè & persequens ea quæ sunt Spiritus Dei: sine ad bonum gratiam sequens, & fiat spiritualis, quæ omnia dijudicans ipsa minimè indicetur.

consentiens appetitui, sine in bonum gratiam sequens. Ergo sine ullo vinculo necessitatis voluntas se potest volvere, ut sequatur gratiam, atque ut gratia dissentiens, consentiat appetitui. In qua citatione hæc conclusio: Ergo sine ullo vinculo necessitatis voluntas se potest volvere ut sequatur gratiam, atque ut gratia dissentiens, consentiat appetitui: Verba sunt Ripaldæ, non Bernardi; quæ Ripalda velut ingenij sui factum, cum mutilatione & truncatione veri Textus Bernardi, Bernardo supponit, & immediate post exclamat: » Quid expressius pro libertate inimica necessitati, cum ideo eam destrui necessitate doceat, quia libertas ad consensum & dissensum volubilis & indifferens est.

Hic Ripalda omnem fidem perdit, & duo crimina falsi simul committit: unum, sua verba pro verbis Bernardi Lectori obtrudendo; alterum, veri Textus Bernardi sensum corrumpendo, dum scilicet adiecto verbis Bernardi consequente tanquam illato à Bernardo, trahit verba Bernardi tanquam antecedens ad sensum istius consequentis; quo significatur ut Ripalda exponit, quod libertas voluntatis etiam sub gratia constituta, ad consensum & dissensum volubilis sit & indifferens; alioquin voluntatem non fore liberam: qui sensus à mente Bernardi prorsus est alienus, & ex diametro repugnat doctrinæ quam hoc eodem libro Bernardus diuersis locis tradit.

E quibus vnus est iste: Sicut celestis Angelus, aut etiam Deus ipse permanet liberè bonus, & propria videlicet voluntate, non aliqua extrinseca necessitate: sic profecto Diabolus aequè liberè in malum corruit, & persistit, suo utique voluntario nutu, non alieno impulsu. Manet ergo libertas voluntatis, ubi etiam sit captiuitas mentis, iam plena quidem in malis, quàm & in bonis, sed in bonis ordinatior. Et post multa: Nemo proinde puenit ideo dictum liberum arbitrium, quod aequè inter bonum aut malum potestate aut facultate versetur, cum cadere per se quidem

se quidem poterit, non autem resurgere, nisi per Domini Spiritum. Alioquin nec Deus, nec Angeli Sancti, cum ita sint boni ut non possint esse & mali: nec prauaricadores item Angeli, cum ita sint mali, ut iam non valeant esse boni, liberi arbitrij esse dicuntur. Et paulò infra: Ceterum nec Deus caret libero arbitrio, nec Diabolus; quoniam quòd ille esse non potest malus, non infirma facit necessitas, sed firma in bono voluntas, & voluntaria firmitas: quòdque is quod non valeat in bonum respirare, non aliena facit violentia oppressio, sed sua ipsius in malo obstinata voluntas, ac voluntaria obstinatio. Quibus & aliis pluribus locis dum agnoscit Bernardus veram libertatem in Dæmonibus, qui tamen non possunt iam bonum velle, & in Angelis Beatis, qui non possunt malum velle, sed ad bonam voluntatem & Dei amorem determinati sunt: Item etiam in Deo, qui permanet liber & bonus, ut Bernardus ait, & cuius voluntas tam firma in bono est ut non tantum non possit malum velle, sed etiam nequeat quod rectum & iustum est non amare: manifestum sit Bernardum non requirere ad libertatem voluntatis, ut ipsa cum iisdem prærequisitis sit volubilis & indifferens ad bonum & malum, vel ad duo opposita.

Cum ergo Bernardus remouet necessitatem à voluntate libera, non de qua libet necessitate loquitur, sed de necessitate coactiua aut brutali, quæ potentiam sic agit, ut eripiat ei dominium sui actus, & non finit ut voluntas iudicio rationis directa seipsam pro suo beneplacito moueat in actum, consentiendo gratiæ cum ab ea præuenitur, & inclinatur in bonum; vel consentiendo sensuali appetitui, aut malo spiritui, cum ab iis ad malum sollicitatur. Quam Bernardi mentem apertè demonstrant loca iam à nobis citata, & alia plura eiusdem libri: eundemque sensum locus à Ripalda citatus Lectoris animo, Bernardi magis quàm Ripaldæ Philosophià inbuto, facillè ingenerabit, si integer repræsentetur, & demantur ea quæ Ripalda infideliter illi attexit.

§. 23. Mutilat Textum & sensum peruertit, dissimulando sequentia.

RIPALDA DISPUT. 20.

NVM. 42.

Librum de Amore Dei qui exstat inter Opera Bernardi, etiam pro se rapit Ripalda. Ex quo pro operibus ante fidem ex omni circumstantia moraliter bonis citat hanc sententiam: Philosophi mundi huius olim iniustitiam coluerunt & affectu amoris, & effectu operis, in tantum ut diceretur ab eis: Oderunt peccare boni virtutis amore. Vnde infert Ripalda suo sensu: Ergo Infideles amore virtutis oderunt peccatum, & iustitiam colunt.

Quis

BERNARDVS VEL FORTE GVILIELMVS

ABBAS LIB. DE AMORE

DEI CAP. 8.

Philosophi mundi huius olim eam (iustitiam) coluerunt & affectu amoris & effectu operis, in tantum ut diceretur DE EIS ab eis: Oderunt peccare boni virtutis amore. Sed conuincuntur iniustitiam non amasse, qui non amauerunt te, à quo fons & origo, & in quem finis & recursus vera iustitia; & sine quo omnes iustitia hominum, sicut pannus menstruata: Non enim habebant fidem quæ per dilectionem operatur, licet affectu aut quendam amorem,

E 3

& opera

Quis hic lecta ista sententiâ sic à Textu per Ripaldam auulsâ, & Ripaldæ collectioni assentiens, non statim credat Philosophos istos Gentiles, magnos sanctos fuisse, qui nimirum iustitiam coluerint, & affectu amoris, & effectu operis; & consequenter amore virtutis peccatum oderint, ut Ripalda colligit? Sed vide Lector alteram columnam, & perlege ea quæ citatæ isti sententiæ immediatè ab eodem Auctore subiiciuntur, quibus & Ripaldæ fallaciam prodit, & Philosophis istis omnem sanctitatis larvam detrahens, docet in illis non fuisse verum amorem virtutis. Nam *conuincuntur*, inquit, *iustitiam non amasse* (nempe propter ipsammet iustitiam, & idcirco nec amasse quod iustum & rectum est propter iustitiam, seu æquitatem & rectitudinem) *qui non amauerunt se*; Deum scilicet, qui est ipsa æquitas & rectitudo, relucens in istis naturæ legibus, quas omnium mentibus inscripsit: *Et sine quo omnes iustitia hominum, sicut pannus menstruatus*, id est, peccati fordibus respersæ. Et licet affectuum quandam amorem, quo quærebant iusti videri & suspici ab hominibus, & opera quadam haberent honestatis, id est, secundum se, & ex obiecto suo honesta, tamen quia ex fonte vera iustitia non prodibant, sed illa viribus suis arrogabant, nec in vera iustitia finem ibant, per verum Dei amorem, sed ea per affectum humanæ laudis aut vanæ gloriæ ad seipsos retorquebant, idcirco ista sic operantes tanto desperatiùs errabant, quanto fortius extra viam currebant. Quomodo ergo iustitiam isti coluerunt, aut peccatum oderunt virtutis amore, ut Ripalda ex verbis à se citatis, dissimulando proximè sequentia, fallaciter colligit? Qui insuper mutilauit verba ista quæ citat, omitendo hanc partem, *De eis*, quæ non frustrâ ab Auctore adjecta est. Videtur enim ista phrasîs, *in tantum ut diceretur de eis ab eis*, duo nobis innuere. Primum, quod dictum istud: *Oderunt peccare boni virtutis amore*, Philosophi isti Gentiles ex quadam mentis elatione sibi ipsis attribuerint: secundum, quod licet istud in ipsis locum habuerit iudicio hominum, qui vident ea tantum quæ exterius apparent; non tamen iudicio Dei, qui intuetur cor, & animi intima quæque introspectans, videt in quem scopum affectus vniuscuiusque colliment.

§. 24. Falsificationes Textus D. Thomæ.

Ripalda obtrudit Diuo Thomæ sua verba, sicut supra Diuo Bernardo.

RIPALDA DISPUTATIONE, 23.
NUM. 108.

D. THOMAS I. P. Q. 49. ART. 2.
AD 3.

Dari omnibus gratias sufficientes ad salutem probat Ripalda ex D. Thoma, quem hoc modo citat: *Deus non deficit in agendo, quod est necessarium ad salutem. Non solum electis, sed etiam reprobis.* Vbi iterum sua verba

Deus non deficit ab agendo quod est necessarium ad salutem.

partem

partem Textus facit, & ea Lectori obtrudit pro verbis D. Thomæ. Hæc enim postrema: *Non solum electis, sed etiam reprobis*, D. Thomas non habet, sed addita sunt à Ripalda: quâ additione corrumpit etiam sensum verborum D. Thomæ. Nam D. Thomas ibi loquitur tam de salute naturali, quàm supernaturali, & de salute omnium rerum creaturarum, vt doctrina istius Articuli, & obiectio ad quam istis verbis responderet, manifestè declarant. Ripalda verò eadem verba per suam additionem imperitè restringit ad salutem supernaturalem hominum.

Sensus quippè responsionis S. Thomæ hic est: Quandoquidem tunc tantum absentia causæ agentis dicatur causa defectus, quando debebatur præsentia, & Deus nunquam cum rebus debetur, subtrahat influxum, ipse proinde non fit propriè loquendo, causa defectuum, ex hoc solo, quod non facit; sicuti nauta est causa submerisionis navis quam non gubernat: adeoque non sequi, quod si Deus suo influxu est causa salutis omnium rerum, sit etiam causa omnis perditionis & mali, influxum suum auxiliumve negando.

Multa alia loca D. Thomæ sparsim per totum suum librum Ripalda torquet contra mentem eiusdem Sancti Doctoris, vel ea mutilat aut truncat, sicut circa Textus Patrum superiùs ostensum est ipsum fecisse. In cæteris etiam Scholasticis citandis non meliori fide utitur, quàm cum D. Thomæ, vel Sanctis Patribus: sed illos nunc præterimus, partim ne prolixiores simus, partim quia facilè quisque intelligit eum, qui in Sanctis Patribus tractandis infidelis fuit, fidelem non fuisse in tractandis Doctoribus Scholasticis.

Præterimus etiam eadem de causâ multos alios Patres quorum verba peruersè Ripalda citat & corrumpit, sicut istorum quos supra produximus. Quos autem Auctores & cuius notæ alios Ripalda in doctrinæ suæ patrocinium aduocet, porrò videamus.

CAPVT V.

Ripaldæ praxes à Christiana sinceritate alienæ deteguntur: Prima Suspectos vel Apocryphos Authores pro classicis venditandis. Secunda hæreticos sub nomine Orthodoxorum Patrum obtrudendi: Tertia vnicos Auctores in plures multiplicandi.

§. I. PROÆMIALIS.

Non mirum si Ripalda vitis in angulo mundi degentibus calumniatur, qui Patribus vita functis, sed per Bibliothecas ubique dispersis imponere non veretur: imitans in hoc veteres Semipelagianos, à Cælestino Papa idèò cum indignatione repressos.

Ripaldæ zelus & calumniandi libido non se cohibuit, quin vnâ nobiscum venerandam Patrum canitiem incefferet. Quod equidem nos ob id diuinitus prouisum confidimus, vt tunc impudenter de nobis mentienti discredant, qui Ecclesiæ Proceres nobiscum defamatos perspexerint. Neque enim vsque adeo humanæ intelligentiæ caligat obtutus, aut ab Ecclesiæ filiis spiri-

a Cyprian.
lib. de zelo
& liuore.

tus discretionis abscellit, vt non videant, multò esse facilius calumniari de hominibus in mundi angulo degentibus, quàm de Patrum opusculis per Bibliothecas ybique dispersis. Veruntamen, vt olim martyr Cyprianus admonuit: « Zelus terminum non habet: » Et vide quid Cyprianus ibidem superius præmiserat: « Zelo excecante sensus nostros, atque in ditionem suam mentis arcana redigente: Dei timor spernitur, magisterium Christi negligitur: iudicij dies non prouidetur: inflat superbia, exacerbat sœuitia, peridia præuaricatur, impatientia concurrit, furit discordia, ira feruescit: nec se iam potest cohibere vel regere, qui factus est potestatis alienæ. Hinc Dominiæ pacis vinculum rumpitur, hinc charitas fraterna violatur, hinc adulteratur veritas, vnitas scinditur, ad hæreses atque schismata profilitur ». Quæ quidem sublatentis zeli liuorisque symptomata quàm crebrò in Ripaldam Syntagmatis serie sese ingerant, partim ex dictis præcedentibus liquet, partim ex mox subiiciendis liquebit. Congruè autem accidit, vt quorum imitatus est Ripalda sensum, hæreditaret & zelum: veterum nimirum Semipelagianisini procursorum, de quibus in Epist. ad Gallicanos Episcopos scribens Papa Cælestinus cap. 1. cum præmonuisset: « Vt vitentur huiusmodi, qui laborant per terras aliud quàm ille noster iussit agricola seminare », mox subiicit: « didit: » Nec tamen mirari possumus, si hæc erga viuentes hi nunc tentare audent, qui nituntur etiam quiescentium fratrum memoriam dissipare. Quid porro Ripalda erga Louanienſes Theologos iam viuentes ausus sit tentare, in præcedentibus patuit: nunc quomodo memoriam quiescentium in cœlo Magistrorum nescit dissipare, breuiter perstringemus.

Vide supra
c. 4. & hic
inferius
§. 15.

§. 2. *Ripalda Discipulos Augustini calumniosè agnominat Baianos, quos Petauus eius Socius petulcè vocat Armacanos. Ripalda Ruffini imitator, & ob id Grunnius ipsè appellatus.*

Sanctos igitur Patres in cœlo quidem iam olim quiescentes, sed tamen per mundi Bibliothecas in scriptis suis viuentes, eadem fide tractat Ripalda, qua pridem Rufinus Aquileienſis Monachus, Hieronymi ob id stylo confixus. Et quanquam pro eo quod Ripalda nos agnominat *Baianos*, quemadmodum & eius Socius Petauus *Armacanos*, retaliando possemus eum vocare *Molinianum*, vel fortè aliquid amplius, contenti tamen nunc erimus vocabulo *Grunnij*, quod præfato Ruffino indidit olim Hieronymus: Repetentes ac Ripaldæ accommodantes illud eiusdem Hieronymi de veteri suo Grunnio: b « Miserabilis Grunnius, qui ad calumniandos Sanctos viros aperuit os suum, linguamque suam docuit mendacium: Sixti Pythagorici hominis gentilissimi, vnum librum interpretatus est in Latinum, diuisitque eum in duo volumina; & sub nomine Sancti Martyris Sixti, vrbis Romanæ Episcopi, ausus est edere. Agnoscat igitur nouus Grunnius in prodromo isto suo ausum suum, & erubescat de obtruso leſtoribus suis Pelagio hæresiarchæ pro Augustino & Hieronymo, Ambrosiastro Pelagiano pro Ambrosio Catholico, Massiliensibus Semipelagianis pro Prospero & Fulgentio gratiæ patronis, aliisque

b Hieron.
lib. 4. Cō-
ment. in c.
11. Hiero-
niz.

aliisque sectariis pro Doctōribus Orthodoxis. Audiāt præterea ex eodem Hieronymo aliud præcurſoris ſui Ruſſini facinus, à ſe in ſuo opere iteratum: « Nec mirum, ait ille de Ruſſino, ſi gentilem Philoſophum in Martyrem & Romanæ urbis Episcopum tranſtulerit; cūm Euſebij quoque Cæſarienſis primum pro Origene librum, Pamphili martyris vocabulo commutaret; vt facilius tali laudatore libros impiſſimos Periarcon Romanis conciliaret auribus». Et in præmio dialogorum aduerſus Pelagianos: « Ruſſinus, inquit, non vni vrbis, ſed orbi blaſphemias Origenis & Periarcon libros quantum in ſe fuit, intulit: ita vt Euſebij quoque primum librum deſenſionis Origenis, ſub nomine Pamphili martyris ederet». Et in Epist. ad Cteſiphontem cap. 2. « Librum primum, inquit, ſex librorum deſenſionis Origenis, Euſebij Cæſarienſis, quem fuiſſe Arrianum nemo eſt qui neſciat, nomine Pamphili martyris prænotauit: quò ſcilicet egregia illa quatuor Origenis Periarcon volumina Latinis infunderet auribus». Oſtendamus nunc quomodo nouis Grunnii hocce veteris Grunnii facinus iterauerit; vt pateat quā congruè eius portet vocabulum, cuius imitatur piaculum. Ripalda itaque diſp. 18. n. 66. ad probandum, non eſſe neceſſitatem peccandi ſine gratia, obtrudit Lectori librum iſtum deſenſionis Origenis, Pamphili martyris nomine prænotatum: *Pamphilus martyr, inquit, in Apologia pro Origene in Sect. 3. quæ incipit. Qui de nato, ex perſona Origenis ſcribit, Non nos neceſſitati eſſe ſubſcitos &c.* Nec eſt quod reſpondeatur, veterem Grunnium tranſtulſiſſe in Latinum prædictum Euſebij librum, & inſuper nomine Pamphili martyris prænotariſſe ipſum: Ripaldam verò non niſi in hoc poſtremo eum fuiſſe imitatum. Non enim ob id veterem Grunnium culpat Hieronymus, quod Apologeticum Euſebii pro Origene in Latinum tranſtulerit: ſed quod nomine Pamphili martyris prænotauerit. Ac per hoc Ripalda veterem Grunnium imitatus eſt in illo ipſo facinore, quod Hieronymus illi impropèrauerat. Nec denique eſt quòd pro nouo Grunnio excuſando allegetur ipſius Hieronymi authoritas, dicentis de Pamphilo martyre. « Scripſit, antequam Euſebius Cæſarienſis ſcriberet, Apologeticum pro Origene». Nam & hoc ipſum à veteri ſibi Grunnio obiectum Hieronymus diluit, agnoſcendo ſe eiufdem Grunnii fraude deceptum: « De tuo codice, aitei, quaſi Pamphili exemplar accepimus. Credidi Chriſtiano, credidi Monacho: non putauit tantum ſceleris à te poſſe conſingi». Conſimili ſtrophâ idem ipſe Grunnii, & ex ipſo hæreſiarcha Pelagius, Auguſtinum decepit, obtrudendo ei præmemoratum Sixti Pythagorici librum, ſub nomine Sixti Papæ & martyris, vt videre eſt lib. 2. Retract. cap. 42. Vnde verendum nobis fuit, ne Ripalda ſimilibus ſuis ſtrophis quamplurimos imperitos deciperet, & in ſuas partes à veritate abduceret, cum conſtet, celeberrimos illos Eccleſiæ Doctōres, Hieronymum & Auguſtinum, olim fuiſſe conſimili artificio deceptos.

5. 3. *Ripalda ſua dogmata reprobatōrum Auctōrum ſuffragiis fulcit: ſignanter Ruſſini, Euſebij, & Origenis.*

NEquè verò Hieronymi in Origenem, eiufque fautores Ruſſinum & Euſebium, toties iteratæ cenſuræ abſterruere Ripaldam, quo minus hos ipſos in ſui dogmatis partocinium accerſeret. Ruſſinum quidem diſputat. 20.

c Hieron. l.
6. commẽt
in cap. 18.
Ezechielis,

d D. Hier. l.
de Scriptōr.
Eccleſ. c. 75

c Hieron. l.
3. Apolog.
contra Ruſ-
ſinum c. 4.
Vide Aug.
lib de Nat.
& Grat. c.
64.

f Hieron.
Epist. ad
Ctesiph. c. 2

g Hieron.
ibid.

h D. Tho.
l. 3. contra
Gentes c.
88. & 89.
Prou. 21. 7.
Phil. 2. 13.

n. 82. Eusebium verò Disp. 8. n. 214. & Disp. 14. n. 73. 94. 122. & 146. & Disp. 15. n. 43. & Disp. 16. n. 71. & Disp. 17. n. 84. & Disp. 18. n. 58. & Disp. 19. n. 16. Ipsum denique Origenem, f » Pelagiani erroris (Hieronymo teste) principem », Disp. 14. n. 71. & 86. & Disp. 15. n. 42. & quidem ex illis ipsis Periarchon libris, quos Hieronymus superius relatus *Impiissimos* vocat atque *Blasphemos*. Et quanquam Hieronymo pro immani piaculo exprobrauerit hæresiarchæ Pelagio, g » Doctrina tua Origenis ramusculus est » : aded tamen Ripalda istud non est piaculum, & operosè contendat, doctrinam suam esse Origenis ramusculum. Vnde cum Disp. 15. n. 42. pro astruenda libertatis indifferentia ad opposita, Origenem ex lib. 1. & 3. Periarchon, & ex libro 2. aduersus Cellum, & ex Homil. 4. in Cantica allegasset, subsequenter euasione præclusurus adiunxit : *Nec refert, Origenis scripta erroribus esse repleta. Quia nullus Patrum, & Scriptorum, qui eos diligentissimè notarunt, retulit inter eos doctrinam de indifferentia ad libertatem necessariam.* Quod quidem & nos verum esse fateamur, si intelligatur de indifferentia à Catholicis agnita : pernegamus autem, si de indifferentia à Ripalda, post mundi Philosophos & veteres gratiæ hostes contrita. Nam, vt de cæteris sileamus, Angelicus certè Doctòr temeritatem Ripaldæ jaçantia coarguit, vbi ait : h » Solus Deus potest mouere voluntatem per modum agentis absque violentia. Hinc est quod dicitur Prouerb. 21. » Cor Regis in manu Domini, & quodcumque voluerit inclinabis illud : & ad » Philipp. 2. *Deus est qui operatur in nobis & velle & perficere pro bona voluntate.* Quidam verò non intelligentes qualiter motum voluntatis Deus in nobis » causare possit absque præiudicio libertatis voluntatis, conati sunt has auctoritates malè exponere : vt scilicet dicerent, quòd Deus causat in nobis » velle & perficere, in quantum dat nobis virtutem volendi ; non autem sic, » quòd faciat nos velle hoc vel illud : sicut Origenes exponit in 3. Periarchon, » liberum arbitrium defendens contra auctoritates prædictas ». Si Ripalda & eius Socij huic Angelici Doctòris attestations acquiescerent, non solum ab Origenis defensione, sed etiam à Catholicæ doctrinæ impugnatione desisterent. Quid est enim quod maiori animositate & obstinaciâ aduersus nos hodie propugnant, quàm quòd *Deus causet in nobis velle & perficere, in quantum dat nobis virtutem volendi ; non autem sic, quòd faciat nos velle hoc vel illud ?* Et tamen Angelicus Doctòr iam citatus apertissimè testatur, quòd Origenes sic senserit in 3. Periarchon, *Liberum arbitrium defendens CONTRA AVCTORITATES PRÆDICTAS.* Quid est ergo quòd jaçantissimus Ripalda Disp. proximè citata Sect. 11. eandem ipsam de libertatis indifferentia sententiam ipsi Angelico Doctòri obrudere satagit, quam superius Sect. 6. Origeni attribuerat in 3. Periarchon ; vbi Angelico Doctore attestante, *Liberum arbitrium defendis contra auctoritates prædictas ?* An fortè dicturus est, Angelicum Doctorem maluisse liberum arbitrium cum Origene contra scripturas defendere, quàm ab Origene desciscere ?

§. 4. *Origenes cum Patronis suis, Pontificum ac Synodorum auctoritate damnatus, à Ripaldae Sociis nihilominus defensus : & cur ?*

SI Ripaldam non deterruit auctoritas Hieronymi, libros Periarchon censentis *impiissimos* ; cur saltem non deterruit Romani Cocilij sub Gelasio habiti

habiti decretum, quo reprobatur Origenes cum vniuersis suis fautoribus, à B. Hieronymo pridem reprehensis? Inuenisset ibi de præcuratore suo Rustino scriptum: » Quoniam B. Hieronymus eum in aliquibus de arbitrij libertate notauit: illa sententius, quæ prædictum B. Hieronymum sentire cognoscimus: & » non solum de Rustino, sed etiam de vniuersis, quos vir sæpius memoratus, » zelo Dei, & fidei religione reprehendit ». Inuenisset & de Origene ibidem immediatè subtextum: » Item Origenis nonnulla Opuscula, quæ vir Beatissimus Hieronymus non repudiat, legenda suscipimus: reliqua autem omnia » cum auctore suo dicius esse reuenda ». Quærimus nunc, quoniam ex his membro Ripalda vellet comprehendi libros Periarchon, toties à se in patrocinijs sui dogmatis accitis? Si primo: reclamabit apertè Hieronymus, eos reprobans ut *impissimos & blasphemos*. Si secundo: quâ fronte in nos auctoritatem eorum torquet, quos Romana Synodus decernit *cum suo auctore esse reuendos*? Nec verendum existimamus, ne ab hac Synodali censura quisquam fidelium & sinat abduci, auctoritate vel argutijs Iesuitæ Halloix, cuius pro Origenis defensione volumen sub idem tempus cum Ripaldano syntagmate prodijt: quinimò confidimus, quemlibet verè Catholicum cum Cardinale Baronio potius exclamaturum: i » Miratus sum vehementer, post damnationem Origenis » ab Anastasio Papa Pontificiâ auctoritate inflictam, post eiusdem reprobationem in Sexta Synodo pronuntiatam, post tot antiquorum Patrum in idipsum conspirantes sententias; adhuc recentiores quosdam ausos esse pro eodem nouas edere Apologias, & auctoritate totius Catholicæ Ecclesiæ iudicatas sæpius controuersias denuò temerè excitare ». Et sanè haud leuis aut vana est suspicio, Origenis defensionem idcirco à Socijs hæc tempestate fuisse susceptam, ut suis dogmatibus patronum è veteribus ab omni sinistra opinione purgatum conquirerent. Nam, ut scitè Tertullianus aduertit: » Quibus fuit » propositum aliter docendi, eos necessitas coëgit aliter disponendi instrumenta doctrinæ ».

§. 5. *Gennadij Massiliensis patrocinijs Ripalda implorat: quem fuisse Semipelagianum nemo passim ignorat.*

Nunc ad alios transeamus, quorum auctoritatis pondere Ripalda nos premere, & sua senfa nititur fulcire. In his est Gennadius Massiliensis Presbyter, quem nominatim allegat disp. 8. n. 198. & 206. & Disp. 19. n. 11. Innominatim verò tanquam auctorem libri *De Ecclesiasticis dogmatibus* Disp. 15. n. 75. & Disp. 24. n. 72. & 85. Quod igitur ad Gennadium nominatim allegatum spectat, reponimus Ripaldæ censuram sui consodalis Theophili Raynaudi in hæc verba: i » Gennadius ex Cassiani & Fausti laudibus, Prosperi autem refectione, non obscurè se prodit Semipelagianum ». Addimus & huic similem Cardinalis Bellarmini, de Gennadio in libro de Scriptor. Eccles. dicentis: » Scripsit librum de Viris Illustribus, in quo suspensionem non paruam reliquit suæ » non rectæ fidei: Laudauit enim Cassianum & Faustum, qui Semipelagiani » fuerunt; & Sanctum Prosperum depressit, qui pro gratia Dei contra Pelagiū » fortissimè dimicauit ». Addimus denique hanc Cardinalis Baronius in Annalibus Ecclesiasticis: » Quod ad Gennadij doctrinam spectat, ipsum aliquando, » do, & quæ ac Faustum, impugnando Pelagium fauisse Pelagianis erroribus,

i Baron. T. 2. Annal. ad an. Christi 356. nu. 40. Vide Bellar. lib. de Scriptor. Ecclesiast. in Origene.

k Tertul. 1. de prescripte. c. 38.

l Theoph. Rayn. De sens. Valent. c. 7. §. 5. Vide Gennad. lib. de Viris Illust. c. 84. & 85. m Baron. Tom. 6. ann. naliū ad an. 490. n. 45. Vide Possuinin apparatu Sacro in Gennad.

» qui eius scripta accuratè perlegerit, intelliget ». Quod denique ad librum de Ecclesiasticis dogmatibus, ab eodem Ripalda sine auctoris nomine allegatum, attinet; reponimus illud, quod ab octingentis circiter annis Ecclesia Lugdunensis in libro aduersus Ioannem Scotum cognomento Erigenam prodidit: » Hominem absque laboris sui studio ad Deum peruenire non posse, non est » Catholicum sed Pelagianum. Inuenitur in libello, cuius titulus Dogmatum Ecclesiasticorum, quædam talis definitio: sed omninò, vt alia nonnulla in eodem libello, Pelagiani erroris est. Et idè quicunque eum propter alia quædam vtilia legit, cùm huiusmodi ibi sensus inuenierit, meminerit sollicitè » te Apostoli dicentis: *Omnia probate, quod bonum est tenete*. Sed quàm fuerit immemor Apostolici huius documenti Ripalda, videamus. Citat ille ex dicto libello caput 21. & 24. quorum prius Semipelagianum est: posterius tamen si sanum, infideliter tamen à Ripalda citatur. Ad marginem prioris ab octoginta iam ferè annis hanc notam adscripserunt Louanienfes Theologi. » Cautè » te legendum est caput, contra quod subiicitur antidotum: » Vbi audis antidotum, virus agnosce. Sed quod illud antidotum? Triginta nimirum capita proximè sequentia, descripta partim ex Epistola Cælestini Papæ ad Episcopos Gallicanos, partim ex Canonibus Synodorum Carthagenensis & Arausicanæ. Monuit hoc post Louanienfes Cardinalis Baronius ad annum proximè ex ipso citatum n. 46. vbi de Gennadiano illo opere Ecclesiasticorum dogmatum loquens ait: » Quæ à capite 21. eiusdem Commentarij vsque ad 52. interjacent, » non esse Gennadij, sed Gennadij correctoris, optimè obseruauit doctissima » Schola Louanienfis. En numero interiacentium iterum capitum est alterum illud à Ripalda truncatè citatum; quod integrum coincidit cum Canone 7. Synodi Arausicanæ. Quem Canonem Ripalda superiùs disp. 8. n. 194. nominatim citauerat, sed similiter truncatum. Vtrobique quippè de medio amputauit hanc clausulam, *Sine salutari, id est, Euangelicæ prædicationi consentire*: quæ videbat feriri doctrinam suam de fide naturali, haustam ex Molina in Concordia q. 14. art. 13. disp. 7. & seq. Tota verò Ripaldæ isto loco intentio inanitur & eliditur per Canonem 22. eiusdem Synodi Arausicanæ, qui transcriptus est ex August. Tract. 5. in Ioannem sub initium.

§. 6. *Cassianum & Faustum Ripalda allegare non audeat: quorum tamen sensus Ennodij Ticinensis verbis expressa obtrudit. Vbi obiter de Clemente Alexandrino, Tertulliano, & Lactantio.*

SED cùm tantam Ripalda posuerit operam in coarctandis auctoribus de Pelagianismo conuictis aut suspectis, mirum cur omiserit Cassianum & Faustum. An fortè eum deterruit censura Gelasii in Synodo Romana in vtrumque reprobantis? Quæ igitur fronte auctoritatem vsurpat Gennadii, vtrumque approbantis? Cur toties citat Clementem Alexandrinum, Tertullianum, Lactantium: quorum opusculà ibidem pro apocryphis habenda decernuntur? Quorsum etiam non omisit, Ennodium Ticinensem, qui in Epistola ad Constantinum, toties ab eo allegatà, Fausti dogma tantùm non verbatim expressit: prout videre est conferendo dictam Ennodij Epistolam cum scriptis Fausti, siquidem lib. 1. de Libero arbitrio cap. 8. 11. & 13. Neque verò authoris istius

teme-

temeritas se cohibuit, quin in eadem Epistola effutiret: *Proinde quò se toxica Libyca pestis extendant.* Quibus verbis doctrinam Augustini tanquam ex Lybia seu Africa venientem inuidiosè traducit, & *Libyca pestis* vocabulo sugillat. Quapropter de Epistolæ istius auctore, quisunque ille fuerit, dicere non veremur: Ex Fausti imitatione; & Augustini reprehensione, non obscurè se prodit Semipelagianum. Vidit sanè Ripalda auctoris istius cum Gennadio consonantiam: & idcirco postquam disp. 15. n. 75. allegasset ex Gennadij libro de Ecclesiasticis dogmatibus cap. 21. hæc verba: » Initium salutis nostræ Deo » miserante habemus: ut autem acquiescamus salutiferæ inspirationi, nostræ potestatis est: » mox n. 76. hæc auctoris istius verba allegavit: » Debemus » gratiæ, quòd vocamur; debemus gratiæ, quòd occultis itineribus, nisi resistamus, sapor nobis vitalis infunditur. Nostræ autem electionis est, quòd » beneficia cum monstrata sectamur. Quæ quidem sententiæ non minùs inter se, quàm cum illa Cassiani positione à Prospero explosa concordant: n. » Ma- » net in homine liberum semper arbitrium, quo gratiam Dei possit vel negli- » gere, vel amare. » Quid porro Massilienses per huiusmodi loquendi formu- las intenderint, indicat Fulgentius, cùm de eis loquens: o » Non credunt, in- » quis, ipsius gratiæ opus esse in homine, ut gratia suscipiatur ab homine. » Nec est quòd pro astruenda istius Epistolæ auctoritate opponatur nobis decre- tum Romanæ Synodi sub Symmacho habitæ; vel aliorum Pontificum elo- gia, à Iacobò Sirmundo Ennodianis Epistolis præfixa. Nam nec in illo decreto, nec in omnibus istis elogijs vlla harum Epistolarum mentio fit; sed duntaxat libelli Apologetici pro Synodo conscripti, aduersùs eos qui contra Synodum scribere præsumperunt. De Epistolis altum vbique silentium.

286

5. 7. *Ripalda progreditur in allegandis auctoribus de fide suspectis, & ob id impro-
batis. Quod imprimis ostenditur in Arnobio Iuniore, Theodoro Origene
transcriptore, & Marco Eremita seu Exercitore.*

Sed nunquid si Ripalda cecidit causâ in Origene, Eusebio, Rufino, Genna-
dio, & Ennodio, cadet pariter in Arnobio Iuniore, quem ex Commenta-
rio in Psalmos citat disp. 20. n. 104. ? Item in Theodoro, quem adducit disp.
14. n. 74. & 91. & passim alias ? Item in Marco Eremita, quem obtrudit disp. 12.
n. 147. & 154. & disp. 14. n. 78. & 181. & disp. 15. n. 72. & disp. 18. n. 69. & disp.
25. n. 107. & disp. 24. n. 69. ? Item in Macario Seniore, quem allegat disp. 12.
n. 23. & 52. & disp. 14. n. 77. & n. 159. & disp. 15. n. 46. & disp. 18. n. 66. & disp.
19. n. 16. & disp. 23. n. 173. & disp. 24. n. 68. & 85. Item in Moyse Barcepha,
quem citat disp. 14. n. 187. & disp. 15. n. 77. ? Item in Nemefio, quem siue sub
propria persona nominatim, siue sub larva & affecto nomine Gregorij Ny-
cæni obtrudere nritur disp. 14. n. 43. 121. 137. 145 & 157. & disp. 15. n. 51. & 109.
& disp. 16. n. 71. & disp. 18. n. 65. & 121. ? Cadet prorsus. Nam imprimis
quod ad Arnobium Iuniorem attinet, eum Maiores nostri antè 60 annos in
iustificacione suæ censuræ aduersùs Ripaldæ socios cap. 3. perhibuerunt.
» Eadem cum Massiliensibus sensisse. » Et ne id gratis perhibere putarentur,
allegarunt loca quibus in Comm. Psalmorù, » Dei gratiâ infideliter confitetur,

n. Cassian.
apud Prosp.
lib. contra
Collat. c. 10
o Fulg. l. 1.
de veritate
Prædest.
c. 14.

» eamque secundum merita nostra dari, nullà verborum ambiguitate tradit». Et mox infra ibidem adjunxerunt: » Vnde nec illum dubitamus esse Ambrosium, cuius Opuscula Gelasius Pontifex Apocrypha censuit». Et nonnullis de Origene similiter repudiando interpositis, Theodoretum in materia predestinationis & gratiæ minimè audiendum iudicauerunt: vpotè » Qui Originem secutus, eiusque verba transcribens, incautus non predestinationem ad gloriam in modò, sed ad gratiam quoque, ex prauis meritis statuit». Sequitur Marcus Eremita: de quo in libro de Scriptor. Eccles. cap. 231. loquens Aubertus Myræus, inter alia ait: » Eius nomine in Bibliotheca Patrum edita leguntur varia Opuscula Theologica, quæ erroribus contra fidem Catholicam lecent». Si fortè Ripalda hanc Miræi censuram ignorauit aut spreuit, cur saltem non acquieuit suo Socio Possëuino? An nescit eum in suo Apparatu sacro, ita de hoc Marco scripsisse: » Non pauca in hoc Auctore, quisquis ille fuerit, obseruauit & cautè esse legenda ostendit Magister Sacri Palatii»? Quæ Magistri Sacri Palatii obseruatio habetur præfixa operibus eiusdem Marci in ipsa Bibliotheca Sanctorum Patrum, editionis Colonienfis Tom. 4. pag. 933. & seq. Vbi præmissa duorum Marcorum Eremitarum mentione, hæc subiunguntur: » Vtri autem horum, opera quæ hic subiunguntur, tribuenda sint, in ambiguo est. Forsan neutri; nam si opus ab hæreticis non sit deprauatum (quod facillè contingere potuit) indignum planè est, quod vel illi, vel huic Marco ascribitur, cum vterque vir fuerit Sanctissimus, & opus ipsum multas contineat sententias à rectæ fidei regula exorbitantes». Et pauculis interpositis ad calcem adjungit Magister: » Vt cùnque sit, cautissimè semper, & cum acri iudicio legendum est, propter sentes & vepres errorum, in quæ nonnunquam offendi possit». Sed quid mirum si Ripalda sentes & vepres ex Marco Eremita obrudere voluerit, qui scorpiones & colubros ex libris Periarcho Origenis obrudere non erubuit? An nescit illud Hieronymi ad Auitum Epist. 59. de libris Periarcho: » Scias detestanda tibi in eis esse quamplurima: & iuxta sermonem Domini, inter scorpiones & colubros incedendum»? Quod si nec Miræi, nec Possëuini, nec ipsius Magistri Sacri Palatii auctoritas Ripaldam deterruit, cur saltè non detulit Cardinali Bellarmino, qui lib. de Scriptor. Eccles. hunc Marcum Eremitam ita depingit: » Scripsit multa Opuscula Theologica, quæ extant in Biblioth. SS. Patrum Tom. 5. edit. 2. Sed ea opera ita scatent erroribus contra fidem, vt suspicari cogar, vel ab hæreticis nostri temporis conficta, aut valdè deprauata fuisse. Neque alia de causa huius auctoris memini; nisi vt admonerem, cautissimè esse legendum. Non enim defant alii authores pii, qui sine tali periculo legi possunt».

§. 3. Idem ostenditur in Macario Ægyptio. Ripalda suo patrone Genadio ingratus arguitur. Eiusdem praxi partiendi vnum auctorem in plures perstringitur. Simili praxi voluminis Ripaldani editores vnicum hæreticum typographum in duos Catholicos, unicam hæreticam urbem in duas Catholicas multiplicauerunt.

Sed supplebit fortassè Macarius Ægyptius quicquid deest ponderis Marco Eremitæ? Quomodo verò id præstabit, in opere per Ripaldam obruto, quod constat esse supposititium, vel ab hæreticis deprauatum? Si Ripalda tam crebrò

crebrò inspexisset caput 10. Gennadii de Viris Illustribus, quàm caput 21. eiusdem de Dogmatibus Ecclesiasticis, perfacile coniecisset, non nisi per abusum ascribi Macario opus illud Homiliaticum: » Macarius, *ait ibi Gennadius*, Monachus ille Ægyptius, signis & virtutibus clarus, vnam TANTVM ad Iuniores » professionis suæ scripsit Epistolam ». Si Ripalda ex hac Epistolâ (quæ teste Miræo, extat Brugis Manuscripta in Coll. Soc. Iesu, inter reliquias Bibl. Pamelianæ) aliquid sub Macarii nomine allegasset, non saltem Gennadio patrono suo contradixisset. Cum verò non ex ea Epistola, sed ex Homiliatico opere testimonia sub Macarii nomine accumulet, non solum veritati se prodit infestus, sed suo etiam patrono Gennadio ingratus. Forsan si Possesuino suo aurem præbuisset, non ita fidenter Macarii Homilias allegasset: » Vt inoffenso pede, *ait ille in Apparatu sacro*, in legendis istis homiliis vnusquisque incedat, prælegat » quæ Magister Sacri Palatii in primo sui Indicis Tomo Romæ edito an. 1607. inseruit ». In Bibl. Patrum edit. Colonienfis an. 1618. præfixa est istis Homiliis admonitio ad Lectorem, quæ his verbis terminatur: » Illud oportune obseruamus, quædam illis inesse obscura, & à proprio exactoque more » loquendi Theologorum quadantenus aliena; proindeque cum iudicio & circumspectè legenda. Et subest suspicio, ne ab aliquo Pelagiano sint aliquæ interpolatæ ». Quamuis igitur Ripaldæ, reclamante suo Gennadio, annueremus, Homilias istas pro parte saltem esse Macarij; nihil tamen ei roboris inde accrescet, nisi prius ostenderis, se non ex adulterina Pelagiani interpolatione, sed ex genuina Macarij lucubratione testimonia prompsisse. Illud verò quàm ridiculum: quod vnam eandemque Homiliam 15. iisdem prorsus verbis, nunc sub nomine Macarij, nunc sub nomine Marci Eremitæ obtrudat. Sub nomine quidem Macarij Disp. 12. n. 23. & 51. & alibi: sub nomine autem Marci Eremitæ Disp. 12. n. 147. & 154. Suspicaretur quis fortè errorem esse Typographi, propter affinitatem vocabulorū *Macarij & Marci*, nisi Marco vtrobique subjungeretur *Heremita*. Laterem proinde vel Æthiopem lavant operis Ripaldani editores, dū in synopsi errorum monent, pro *Marco* legendū *Macarium*; quasi præter auctoris mentē alter pro altero irrepsisset. Sicut & ibidem credi volunt, pro *Non immerisò*, contra eiusdem mentem irrepsisse, *immerisò*. De quo superius cap. 4. §. 5. Ripaldæ Socius Mart. Becanus non sine causa insultat Batau cuidam Calvinistæ, quòd vnum eundemque auctorem semel sub nomine *Petri de Alliaco*, semel sub nomine *Cameracensis*, obtrusisset. Vnde cum ei Becanus regeisset: p » Quod maxime ridiculum est, miserum Petrum de » Alliaco in duos homines partitus es: contuad subiunxit insultationem hanc, Ripaldæ per quæ ac Batau illi congruentem: » I nunc, & persuade vulgo, veritatis studiosum re esse: mihi certè nunquam persuadebis ». Persuadebitne igitur Ripalda vlli vnquam cordato, veritatis studiosum se esse; cui perpetuus penè ludus est, vnicum auctorem in plures partiti? Huius ludi specimen iam exhibuimus in auctore Homiliæ 15. præmemoratæ; quem illè in Macarium & Marcum Eremitam diuisit. Aliud specimen exhibemus in auctore librorum de Vocatione Gentium; quem ille in Prosperum diuisit & Ambrosium. Prospero quippe libros illos ascribit Disp. 3. n. 251. & 290. & Disp. 12. n. 129. & Disp. 20. n. 12. 17. 73. 81. & 114. & Disp. 21. n. 29. & alibi: Sub Ambrosii

Vide Miræum in Notis ad Gennadium de Viris Illust. cap. 10.

p Becanus 1 p. Tract. 1 c. 16. q. 4. in fine.

broſij autem nomine eodem libros venditat Diſp. 12. n. 56. Tertium ſpecimen exhibemus in authore librorum Hypnoſticon, quem Diſp. 8. nu. 260. pro Auguſtino venditat: diſp. autem 14. n. 112. & diſp. 15. n. 75. velut alium quempiam, apud Auguſtinum. Quartum ſpecimen exhibemus in Ambroſiaſtro; quē paſſim obtrudit ſub nomine Ambroſij, ut infra videbimus: nonnunquam vero ſub nomine *Auſtoris Commentariorum qui aſcribuntur Ambroſio*. Videat eum Lector diſp. 20. n. 45 ubi intra paucas lineolas prædictum Ambroſiaſtrum bis citatum, tanquam duos diſtinctos ſcriptores, reperiet. Atque hanc Ripaldæ praxim conſodales eius, qui operis editionem procurarunt, etiam ad Typographum & Typographiæ locum extenderunt. Quamvis enim conſtet librum fuiſſe Amſterlodami in Hollandia Typis Ioannis Blauv Caluiſtæ excuſum, quædam tamen exemplaria in programmate excuſum mentiuntur, *Colonia Agrippina apud Corneliū ab Egmondi Et ſocios: alia, Moguntia ſumptibus Auſonij Alebini Et SOCIORVM*. Ita ingeniōſi artiſces ex vno hæretico Typographo duos Catholicos, & ex vna hæretica vrbe duas Catholicas effinxerunt: veriti fortasſe ne quod de Ianſenij libro mendaciter Ripaldæ diſp. 14. n. 19. garrit, *Libri Ianſeniani editio poſthuma fuit, & inter diſcipulos Baij, & Hollandos fidei periculofa homines fabricata*: in librum Ripaldæ, mutatis paululū nominibus, veraciter retorqueretur, hoc modo: *Libri Ripaldani editio poſthuma fuit, & inter diſcipulos Leſſij, & Hollandos fidei periculofa homines fabricata*. Si Batauuſ ille Caluiſta à Becano ſuperiūs exploſus adhuc viuat, verendum eſt ne Ripaldæ, vel cuiſpiam de Ripaldani operis editoribus reponat illud ſibi ab eodem Becano impropertatum: q. Pro vno coronato duos libenter accipis. Nec deerunt forte alij, qui illud Propheticum oggerant: *Multipliçaſti gentem, non magnificaſti lætitiā*.

5. 9. *Iſipſum oſtenditur in Moyſe Barcepha, & Nemefio: quem ſiue gratificandi ſtudio, ſiue auctoritatis concilianda zelo, Ripaldæ de Philoſopho Pelagianifmum redoſcente, Episcopum creat.*

Superſunt adhuc duo ex Auctoriſus præmentionatis, Moyſes Barcepha, & Nemefius. De quorum primo Cardinalis Bellarminuſ lib. de Scriptor. Eccleſ. loquens: „Scriptiſt, inquit, librum de Paradifo, in partes duas diuiſum; qui extat in primo Tomo Bibliothecæ SS. Patrum editionis 2. Eſt autem hic liber cautè legendus: quia non pauca affirmat contra veram Theologiam. Similia de eodem habet Aubertuſ Miræuſ lib. de Scriptor. Eccleſ. cap. 287. Videri præterea de eodem poteſt Poſſeuinuſ in Apparatu ſacro, cum obſervationibus Magiſtri Sacri Palatii, ad quas ille remittit. Atque hic ipſe liber eſt, quem Ripaldæ nobis obiecit & pro ſe uſurpat locis præcitatis. De Nemefio, altero Ripaldæ patrono, ita ſcribit Cardinaliſ Bellarminuſ lib. de Scriptor. Eccleſ. in Gregorio Niceno, Obſeruat. 3.: „Libri octo de Philoſophia non videntur eſſe ſancti Gregorij Niceni: Nam in lib. docet. Animam non creati in corpore, ſed ante corpus fuiſſe creatam; qui eſt error Origeniſ. Et præterea totum hoc opus Philoſophicum eſt, ET SAPIT PELAGIANISMVM. Adde quòd hoc idem opus inuenitur in Bibliotheca SS. Patrum Tom. 9. ex editione 1. ſub nomine cuiuſdam Nemefij Philoſophi Chriſtiani: eo ſolū excepto,

q. Ibidem
ſuperiūſ n.
16.
Iſa. 9. 3.

» excepto, quòd apud Nycænum diuiditur in octolibros; apud Nemesium
 » est vnus liber in capita 45. diuisus; & inscribitur, *de Homine*, siue *de A-*
ma». Quanta porrò sit huius Nemesiani operis, quod Bellarmino teste *to-*
tum Philosophicum est & sapit Pelagianismum, cum Ripalda dogmate conso-

nantia, dicat nobis ipse Ripalda disp. 15. n. 53. » Accedunt, *inquiens*, quæ ex
 » Nemésio, qui Nyssenus à plerisque putatur, prouulimus n. 47. 121. 137. 145.
 » & 157. Quibus adeò expressa est pro libertate arbitrij indifferentia ad vtrum-
 » que, omnis necessitatis & determinationis antecedentis experts; vt nullus
 » fuerit, siue Philosophus, siue Pelagianus, siue recentior Catholicus, quibus
 » Baianistæ nostram doctrinam tribuunt, qui disertius eam indifferentiam as-
 » seruerit ad libertatem arbitrij necessariam». Mirum proinde non est, quod
 postquam Ripalda superius disput. 14. n. 137. testimonium huius Nemésij al-
 legasset, mox n. 138. Ennodium Ticinensem ex Epistola ad Constantium, de
 qua supra, subiunxerit: » Aurea, *inquiens*, sunt ad rem verba Ennodij Tici-
 nensis» &c. Sed quænam illa res, ad quam *aurea sunt verba Ennodij*? Respon-
 derat Ripalda superius disp. 8. n. 101. Ad astruendum nimirum hæresiarchæ
 Pelagij dogma in Libello fidei suæ ad Papam Innocentium: Quem Libellum
 Ripalda ibi obtrudit sub titulo *Explanationis fidei Hieronymi ad Damasum*.
 Itaque ex mente Ripaldæ consonant inter se Nemésius & Ennodius: consonat
 autem Ennodius Pelagio, ac per hoc Nemésius eidem Pelagio. Nunquid ergo
 scitè de Nemésiano opere agebat Bellarminus: » Totum hoc opus Philoso-
 » phicum est, & sapit Pelagianismum»? Sed Ripalda, siue ad gratificandum
 tanto suo patrono, siue ad maiorem auctoritatem Nemésiano operi concilian-
 dum, ipsum Nemésium creauit *Episcopum Emisenum*, vt videre est disp. 8. n.
 219. & disp. 18. n. 66. præterens vnum Nicasium Ellebodium non Bellarmino
 modò, sed reliquis etiam Scriptoribus, Nemésium statuentibus Philosophum
 non Episcopum. In Bibliotheca Patrum habentur Nemésiano operi præfixa
 hæc verba: » Nicasius Ellebodius Græcâ in Nemésium præfatione siue Episto-
 » lâ ait, Nemésium Emesæ vrbs Phœnices Episcopum extitisse: Apud alios
 » omnes altum est de illo silentium». Sed, vt diximus, Ripalda siue gratifica-
 di, siue auctoritatis ei conciliandæ studio, maluit cum Ellebodio eum fingere
 Episcopum, quàm cum aliis omnibus de eius Episcopatu silere.

§. 10 *Ripalda scelestissimos Hæresiarchas sub Orthodoxorum Patrum nomi-
 bus obtrudit. Quod imprimis ostenditur in Pelagio, quem pro Hiero-
 nymo venditat, ex Commentariis in Paulinas Epistolas.*

ILLam porrò Ripaldæ impudentiam quis dignè exaggeret, quòd scele-
 tissimos hæresiarchas, eorùmque complices pro celeberrimis fidei Ca-
 tholicæ propugnatoribus obtrudat? Quis scelestior Pelagio? Quis celebrior
 fide aduersus eum vindex Augustino aut Hieronymo? Et tamen Ripalda
 vsque adeò ima summis miscuit, vt Pelagium pro Augustino & Hieronymo
 venditauerit. Scripsisse Pelagium in Paulinas Epistolas Commentaria testa-
 tur Augustinus lib. de Gestis Palæstinis cap. 16. & lib. terrio de Peccat. merit.

per varia capita. Extant illa inter notâ Hieronymi opera Tomo 8. Vnde Cardinalis Bellarminus libro de Scriptor. Eccles. in Obseruatione super illo Hieronymi Tomo: "Cōmentaria in omnes Epistolas, *inquis*, non solum nō sunt Hieronymi, sed, quod magis mirum est, Pelagij hæresiarchæ sunt. Nam S. Augustinus lib. 3. de peccat. meritis & remissione c. 1. dicit, se legisse Cōmentaria Pelagij breuia in omnes Epistolas Pauli: & infrâ cap. 12. allegat quædam ex Cōmentario in caput 7. prioris ad Corinthios, quæ in his Cōmentariis inueniuntur. Vide Auctorem horum Commentariorum in caput 5. 6. 7. 8. & 11. ad Romanos: item 1. Cor. 4. Philip. 1. & 3. & in caput 6. prioris ad Timotheum: & inuenies sententias manifestè Pelagianas". Ripalda nihilominus disp. 23. n. 198. Commentaria ista sub Hieronymi nomine obtrudit. Cùm enim superiùs n. 197. Ambrosiastrum sub Ambrosij nomine venditasset, subdidit ibi: "Item Hieronymus 1. ad Timoth. 2. *Qui vult omnes homines saluos fieri*, sic explicat: Si ipsi tamen vocanti Deo consentire voluerint". Sed Hieronymus ille tuus, ô Ripalda, Pelagius hæresiarcha est: vt præter Bellarminum iam citatum perhibet Estius Commentario in illum ipsum Apostoli locum: "Sciendum est, *inquies*, nonnullos Apostolicam sententiam hoc modo interpretari: *Qui vult omnes homines saluos fieri*, modò & ipsi velint. Huiusmodi enim conditionem in verbis Apostoli latere existimant Cōmentatores AMBROSIASTER ET PELAGIVS". Qui rursus in 1. dist. 46. §. 4. eandem interpretationem referens ac refellens: "Eadem interpretatio, *inquies*, reperitur in breui Cōmentario qui fertur inter opera Hieronymi: Non *DEBITATUR ESSE PELAGII*: in quo verbis Apostoli subiungitur hæc conditio: Si ipsi tamen vocanti Deo consentire voluerint. Et paulò post: ille se pro omnibus dedit, si omnes redimi vellent. Verùm has interpretationes vt parum consentaneas doctrinæ quam Scriptura tradit de gratia Christi, quàm nimirum operante sit hoc ipsum, vt homines acceptent & velint, passim Augustinus refellit". Sed imitatus est Ripalda Iesuitas Louanienses, qui in Apologia Articulorum suorum à Sacra Facultate ante 60. annos censuratorum, eundem Pelagij Cōmentarium sub Hieronymi nomine venditarunt. Si ergo Ripaldam non puduit in venditando hæreticos pro Ecclesiæ Doctores imitari Majores suos, cur nos pigeret imitari nostros? Si Ripalda legisset Iustificacionem Censuræ Louaniensis aduersus Apologiam suorum Sociorum, non paucos hæreticos pro Sanctis Patribus obtrudendum; inuenisset hæc verba cap. 3. "Multos in hoc numero videmus, quos ad ferendum testimonium non putamus idoneos: Imprimis auctorem illum Scholiorum apud Hieronymum in Epistolas Pauli; quem esse Pelagium, plusquam probabile est".

- §. 11. *Ripalda eundem Hæresiarcham Pelagium pro Hieronymo rursus, itemque pro Augustino obtrudit, ex libello Professionis Fidei ad Innocentium Papam. Vbi denuò de vnius Auctoris in plures partitione.*

Scripsit idem Hæresiarcha Pelagius libellum, seu professionem fidei suæ; quem ex Oriente Romam destinauit cum litteris ad Papam Innocentiũ I. Sed eo interim defuncto traditus est Zozimo successor; propt̃ aliquoties Augustinus

gustinus perhibet, signanter lib. de Gratia Christi cap. 30. & 31. Quo postremo loco integram inde recitat sententiam, quæ usque hodie visitur in eodem Pelagij libello, inter nota Hieronymi Opera Tom. 19. idu titulo *Explanatio nis fidei* Hieronymi ad Damasum; atque etiam inter Augustini Opera Tom. 10. sub titulo *Sermonis 3. de Sancta Trinitate*, qui est 19. de Tempore. Transcripsit eundem Cardinalis Baronius Tom. 5. Annalium, ad annum Christi 417. n. 31. & seqq. ex vetusto Codice Bibliothecæ Vaticanæ, sub hoc vero titulo: *Libellus fidei Pelagii ad Innocentium cum Epistola transmissa*. De eodem Cardinalis Bellarminus lib. de Scriptor. Eccles. in Observationibus super Tomo 9. Hieronymi: » Symbolum, inquit, ad Damasum, quod incipit: Credimus in » Deum Patrem: & clauditur illis verbis: Se imperitum & maleuolum, vel » non Catholicum, non me hæreticum comprobabit: non est Hieronymi ad » Damasum, sed pelagii ad Innocentium. Id ostendit S. Augustinus in lib. de » Gratia Christi cap. 30. 31. 32. & 33. ubi dicit pelagium misisse ad Innocen- » tium Papam Libellum fidei suæ: & ibidem refert verba eius libelli, quæ sunt » illa ipsa quæ in hoc Symbolo continentur». In editione Louanienſi Opuscu- lorum Augustini aduersus pelagianos à centum minùs sex annis iam peracta, ad caput 32. libri de Gratia Christi, ubi Augustinus mentionem præfati libelli ingerit, adscripta habetur hæc nota marginalis: » Hic liber fidei in operibus » Hieronymi inscribitur, Hieronymi ad Damasum». Quibus omnibus non obstantibus Ripalda disp. 8. n. 301. & disp. 23. n. 96. Libellum istum sub Hieronymi nomine venditat; eiusque testimonio contendit, sententiam suam de bicorni arbitrii ad bonum & malum indifferentiam, ad Catholicam fidem pertinere: quia nimirum postquam ibi pseudo-Hieronymus, id est, hæresiarcha Pelagius dixisset: » Nos dicimus hominem semper & peccare & non peccare » posse, ut semper liberi consecramur esse arbitrii»: continuò subiunxit hanc apostrophem ad papam: » Hæc est fides, Beatissime papa, quam in Ecclesia » Catholica didicimus». Circa quam apostrophem obseruatu dignum est, impostorem qui libellum istum Sermonibus Augustini de Tempore inferuit, inu- tasse illud, *Beatissime Papa*, in hoc plurale, *delectissimi fratres*: quia nimirum Sermo seu homilia ad multitudinem dirigitur. Sed quàm mala fide in hoc negotio processerit Ripalda, colligat inde Lector, quòd disp. 15. n. 52. cum ordinatum suum testimonium ex libello isto allegasset, adiecerit: » Esto, hoc » testimonium hieronymi non sit, ab omnibus tamen Catholicis Scriptoribus » tanquam dogmaticum recipitur». Ecce hic agnoscit non esse Hieronymi; quod tamen non solum superius disp. 8. sed etiam inferius disp. 23. confidentissimè ei ascribit. Quis hæc pendens non cum Augustino exclamet: » Ne- » scio quid dicam, nisi ut doleam præsumptionem humanam, & mirer pa- » tientiam diuinam»? Illud porrò à Ripalda subiunctum de Pelagii sententia, ab omnibus pro dogmatica recepta, tam falsum est, quàm quod superius hic §. 3. de Origene à nemine quod arbitrii indifferentiam reprehensio essetuerat. Quis enim vel mediocriter in Augustino versatus ignoret, Pelagianos pertinacissimè aduersus eum contendisse, arbitrii libertatem exigere peccandi & non peccandi possibilitatem; ipsum verò aduersus eos contrarium euicisse argumentis desumptis ex libertate Dei, Christi hominis, & Beatorum omnium

r August.
Epist. 174.
Vide Aug.
lib. de Nar.
& Grat. c.
46. & 49. &
lib. 1. operis
imperf. cõ-
tra Iul. cap.
102. & seq.
& Bernard.
lib. de Gra.
& lib. arbit.
cap. 8.

libertate perfectâ pollentium, sed peccare nequientium? Quam Augustini doctrinam adeo patenter amplexus est Anselmus, ut suum de libero arbitrio Dialogum ab hoc titulo ordiri voluerit: *Quod potestas peccandi non pertineat ad libertatem arbitrii*. Eat nunc Ripalda, & clamet cum Pelagio: » Nos dicimus, hominem semper & peccare & non peccare posse, ut semper liberi » constiteamus esse arbitrii». Nec hoc contentus, adjungat de proprio: » Esto » hoc testimonium Hieronymi non sit, ab omnibus tamen Catholicis Scri- » ptoribus tanquam dogmaticum recipitur». Illud verò quis non irrideat, quod Ripalda ad consuetas suas artes conuersus, vnum eundemque hæresiarcham Pelagium in duos præclarissimos Ecclesiæ Doctores, Hieronymum & Augustinum, partitus sit? De Hieronymo quidem id modò ostendimus: de Augustino idipsum patet ex disp. 23. n. 116. vbi eundem Pelagij Libellum sub Augustini nomine venditat. Volens namque ex præceptorum implendorum possibilitate probare gratiæ sufficientem generalitatem: » Apertissima sunt, » inquit, & creberrima asserta Patrum. Augustinus Serm. 191. de Tempore: » Execramur, inquit, blasphemiam eorum qui dicunt, impossibile aliquid ho- » mini à Deo esse præceptum; & mandata Dei non à singulis, sed ab omnibus » in communi posse seruari». Verum, ut iam suprà indicauimus, Sermo iste non est Augustini, sed ipsissimus hæresiarchæ Pelagij Libellus, nouo Prologo & finali apostrophe à Pelagiano aliquo impostore interpolatus, ut Homiliæ seu Sermonis speciem præferret. Qua de re qui dubitat, cum Symbolo fidei Pseudo-Hieronymi ad Damasum, de quo iam actum est. Vnde ab 80. circiter annis Louanienses Theologi nomen Augustini de titulo expunxerunt.

§. 12. *Hæresiarcham Pelagium rursus pro Hieronymo & Augustino obrudis, ex Epistola ad Demetriadem: frustra reclamantibus Pseudo-Orosio & Beda.*

Vide Bel-
larmi lib. de
Scriptor.
Eccles. in
Hieron.
Tom. 9.

Scriptis præterea idem Hæresiarcha Pelagius librum seu Epistolam satis prolixam ad virginem Demetriadem, quæ extat inter notâ Hieronymi opera Tomo 9. circumferebaturque inter Augustini Epistolas Tomo 2. ordine 142. Sed in correctione operum Augustini reiecta est in Appendicem per Censores Louanienses ab annis iam circiter 80. impugnaturque ab Augustino & Alipio Epist. 143. ad Iulianam virginis Demetriadis matrē, & rursus ab Augustino lib. de Gratia Christi cap. 22. 27. 37. 38. & 40. Meminit eiusdem Epistolæ ut à Pelagio conscriptæ auctor apologetici de libero arbitrio, à Ripalda aliquoties sub Pauli Orosij nomine allegati. Meminit & Beda lib. 1. in Cantica, vbi eam velut Iuliani Pelagiani factum impugnat; acriter eos carpens qui Hieronymum contendebant eius auctorem. Postquam enim capite quinto varias inde sententias Beda commemorasset, sequentis capitis initio subtexuit: » In his singulis quas ex vno eius excerpti libello sententiis: » quanti sint errores, facile cuius docto patet. Quas idè tam multas coa- » ceruatim posui, ut pluribus errorum probamentis conuincerentur hi, » qui huic librum à Catholico Beati Hieronymi calamo scriptum contem- » dunt: cautioreque erga eius lectionem redderentur, quem hæreticum esse di-

» se didicissent. Quibus etiam sententiis pariter omnibus strictim responde-
 » re commodum duxi, utpotè quæ cunctis (ut dixi) clariùs luce quam sint
 » nefandæ, pateant. His tamen non obstantibus Ripalda disputatione 8.
 num. 220. & disputatione 20 num. 40. hunc librum seu Epistolam sub Be-
 ti|Hieronymi nomine obtrudit: assignans ei utrobique hanc sententiam,
 quam Beda inter eas numerat; quas censet *nefandas*: » Multos Philosopho-
 » rum audiui, & legimus, & vidimus, castos, patientes, benignos, mo-
 » destos, liberales, abstinentes, iustitiam amatores non minus quam sapien-
 » tiaz. De qua sententia post verba ex ipso proximè citata subdit continuo
 Beda: » Quod ergo dicit, multos Philosophorum, patientiam, castitatem,
 » modestiam, aliasque de naturæ bono habere virtutes: constat, quia qui-
 » cunque Philosophorum Christum Dei virtutem & Dei sapientiam ne-
 » scierunt, hi nullam veram sapientiam habere potuerunt. Viderit au-
 tem Ripalda quomodo se ab eorum societate secernet, quibus Augustinus ait:
 » Acerbissimi gratiæ huius inimici exempla nobis opponitis impio-
 » rum, quos dicitis alienos à fide abundare virtutibus, in quibus sine ad-
 » iutorio gratiæ solum est naturæ bonum, licet superstitionibus mancipatum;
 » qui solis libertatis ingenitæ viribus, & misericordes crebrò, & modesti,
 » & casti iuveniuntur, & sobrii. Viderit præterea quantà temeritate Ba-
 zianis pro grandi piaculo impropere disputatione 2. num. sexto quòd er-
 roris damnandas censeant has sententias, in Pelagiano sensu viurpatis:
 » Adscribimus iniquitatem iusto, pio crudelitatem, dum Deum impossi-
 » bile aliquid præcepisse conquerimur: Item: » Nec impossibile aliquid
 » voluit imperare, qui iustus est; nec damnaturus hominem fuit pro eo quod
 » vitare non potuit, qui pius est. An nescit has sententias esse prædicamen-
 ta Pelagij in eadem Epistola ad Demetriadem capite decimo sexto. Quà
 igitur fronte disputatione 23. num. 117. postremam earum obtrudit sub Au-
 gustini nomine Sermonem 61. de Tempore, non contentus de Pelagio forma-
 se Hieronymum, nisi formaret & Augustinum? An nescit Augustini nomen
 iam dudum de titulo Sermonis istius fuisse expunctum? An nescit, Bedam
 Augustini studiosissimum, prædictas duas sententias recensuisse inter eas
 quas superius citatus vocat *nefandas*? Audiat ergo vel inuitus eundem Be-
 dam ad calcem capitis 5. præmemorati, de duabus istis sententiis signatè scribē-
 tem: » Si modicum fermentum, Apostolo teste, totam massam corrumpit, quantò
 » magis venenum quàm maximum? Adscribimus, inquit, iniquitatem iusto,
 » pio crudelitatem, dum eum primò impossibile aliquid præcepisse conqueri-
 » mur: proinde pro his damnandum ab eo putamus hominem, quæ vitare
 » non potuit. Et paulò post: » Nec impossibile aliquid potuit imperare, qui iu-
 » stus est; nec damnaturus est hominem ob ea quæ non potuit vitare, qui pius
 » est. Non equidem ignoramus prædictas sententias certo aliquo sensu posse
 esse veras; sed eas cum Beda erroris damnandas censemus in sensu Pelagiano:
 » Quod dicit, inquit Beda sequenti capite 6. & nos cum ipso, Dominum non
 » impossibile aliquid præcepisse, qui iustus est: verum profectò dicit, si ad eius
 » respicit auxilium, cui catholica vox supplicat, *Deduc me in semita mandato-
 rum tuorum*. » Si verò viribus animi sui fidit, refellit eum veridica eiusdè iusti

Sentent.
Pelagij in
Epist. ad
Demetriad.
cap. 3.

f Aug. lib.
4. contra
Iul. c. 3.

1. Cor. 5. 6.

Psal. 18. 35.

- Ioan. 15. 5. " conditoris sententia, qua dicit, *Sine me nihil potestis facere*. Quod dicit; Eum
 " qui pius est non damnaturum esse hominem pro eo quod vicare non potuit;
 " contradicit eiusdem pij Redemptoris & Iusti iudicis sententiæ, quæ etiam
 Ioan. 3. 3. " de parulis ait, *Nisi quis renatus fuerit ex aqua & Spiritu Sancto, non potest*
 " *videre regnum Dei*". Quàm porro non procul abeat, quoad mandatorum
 possibilitatem, Ripaldanus sensus à sensu Pelagiano per Bedam improbatum,
 facile perspicitur ex tota eius disput. 18. cuius Titulus in superiori margine
 foliatim descriptus sic habet: *Non est peccandi necessitas sine gratia*. Quod per
 inde valet, ac si dicatur: Possibilis est mandatorum observantia sine gratia.

§. 13. *Ripalda sub Augustini nomine obtrudit Auctores librorum de Prædestinatione & Gratia, de Spiritu & Anima, & Hypnognosticon: qui singulatim discutiantur.*

Pergit porro in sua pessima praxi Ripalda, & librum *de Prædestinatione & Gratia* sub eiusdem Augustini nomine obtrudit disp. 7. n. 115. & disp. 10. n. 46. & disp. 23. n. 39. 233. & 268. & disput. 24. n. 29. Cui quidem libro in Appendicem Tomi 7. Augustini reiecto Louanienſes Theologi antè 80. circiter annos hanc præfixere censuram: *Suspecti Auctoris liber*. Rursus Facultas Theologica Louanienſis in *Inſtificatione ſuæ Censuræ* cap. 3. Iesuitis Louanienſibus eundem librum in ſua Apologia ſub eiusdem Augustini nomine venditantibus reſpondit: " Aded manifestum est, Augustini librum non esse, " vt contra ipsum scriptus sit potius. Vt mirum sit, seridè eum à nonnullis citari potuisse; qui & dicere aui sunt; retractasse ibi Augustinum priorem sententiam; sed idèd in Retractationum libris eius nullam fieri mentionem, quia post illos sit scriptus". Cui Facultatis iudicio subscribens Cardinalis Bellarminus lib. de Scriptor. Eccles. in Observationibus super Tomo 7. Augustini: " Liber de Prædestinatione & Gratia, inquit, non videtur esse Augustini, Nam discrepat à phrasi & doctrina Augustini: siquidem cap. 16. " dicit hic auctor, non quem potuisse iuste à Deo damnari, etiamsi non peccasset. Contrarium docet S. Augustinus Epist. 105. & 106. & lib. 2. de Peccatorum meritis & remiss. cap. 16. & alibi". Quam Bellarmini censuram latius & accuratius prosequens Posssevinus in Apparatu sacro, super eodem Tomo 7. Augustini: " Liber, inquit, de Prædestinatione & Gratia, non videtur Augustini: Nam nec à Possidio, nec à Beda citatur; & simul discrepat à doctrina Augustini: imò videtur SAPERE OPINIONEM CASSIANI; nam cap. 9. tribuit libero arbitrio soli, eligere bonum præcedente vocatione. Item cap. 11. tribuit Deo velle, quia vocat & illuminat; at homini contum. Præterea dicit, quod primò Deus vocat, secundò homo aperit & dilatat os, tertidè Deus illud implet. Et cap. 12. obijcit argumentum Pelagij, & non soluit, nisi sicut Cassianus soluiſſet. Et cap. 15. ad difficillimam quæſtionem ita reſpondet, vt in Nabuchodonosor penitente ponat initium bonæ voluntatis, & Deo tribuat perfectionem. Vt omittam quod cap. 16. " dicit, hominem etiamsi non peccasset, iuste à Deo damnari potuisse: contra Augustinum in Epist. ad Paulinum, & lib. 2. de Peccatorum meritis & remiss.

» remiss. cap. 16. & contra Concilium Arausicum». Non minori temeritate idem Ripalda disp. 22. n. 161. obtrudit Augustino librum *de Spiritu & Anima*: quem Louanienſes Theologi ab 80. circiter annis in appendicem Tomi 3. Operum Augustini reiecerunt, hac censurâ prænotatum: » Non est hic liber » Sancti Augustini, sed cuiusdam multò recentioris. Nam cap. 47. citat Boëtium, & cap. 48. habet ex Gennadio de Ecclesiasticis dogmatibus permul-
 ta causè legenda». Conſimili artificio Ripalda disp. 8. n. 260. obtrudit Augustino libros Hypognoſticon imitans in hoc priſcos Semipelagianismi fautores, de quibus ab octo iam circiter ſæculis Ecclesia Lugdunenſis lib. *de Tenenda Scriptura veritate & ſellanda Patrum auctoritate*, ita ſcribit cap. 9.
 » Circumſerunt quidam libellum velut ipſius (*Augustini*) nomine titulum, quem Græco vocabulo Hypognoſticon appellant: quem neque ille Sanctus » Episcopus (*Poſſidius*) qui utique vitam ipſius ſcripſit, & Indicem omnium » librorum, ſiue Epistoſarum eius diligentiffimè in fine eiufdem ſcripturæ ſub-
 » iunxit, qui utique omnia eius ſcripta optimè nouerat, utpote ab ipſo nutri-
 » tus, & cum eo multis curricula annorum conuerſatus: inter cæteros libros » eius memorat: neque ullus ferè Eccleſiaſticus Scriptor eius mentionem fa-
 » cere inuenitur, & idèò falſà ſuſcriptiōne titularum minimè dubium eſt.
 » Hunc ergo iſti, reliſtis eius authenticis & clariffimis libris quos vniuerſa » Eccleſia ſequitur, conſingunt ſuo errore atque mendacio, velut poſt omnes » libros ſuos præfatum Pontificem, vltimum conſcripſiſſe: & aſſerunt quòd » quicquid in præcedentibus libris ſuis de Gratia & Libero arbitrio, de Præ-
 » deſtinatione & Præſcientia Dei perperam dixerat, in iſto correxit. Quod » omninò abſit à nobis, ut tam nefarium commentum ſuſcipere patiamur; ut
 » propter iſtiusmodi librum, qui neque in catalogo librorum eius, neque in » libris Retractionum eius, neque in Scriptis alicuius viri Eccleſiaſtici fortè » memoratus reperitur, & maniſeſtiſſimè prædicti Doctōris ſenſibus, imò Ca-
 » tholicæ ſinceritati probatur aduerſus, nec ipſo ſtylo vllatenus cum eius » eloquio conſonat; abijciamus clariffima veritatis dogmata, quæ in veriſſi-
 » mis & probatiſſimis libris eius, non ſolùm in cæteris mundi partibus, ſed » etiam in ipſa Sede Apoſtolica, omnis Catholica ſuſcipit & ſeruat Eccleſia.
 » Quæ omnia idcirco tam diligenter replicanda credidimus, ut tantum ma-
 » lum de contemptu & abiectiōne Sanctiſſimorum Patrum, tantum menda-
 » cium de libris fideliffimi & ſinceriffimi Doctōris, per quod clariffimam veri-
 » tatem reſpuendam, & fallaciarum umbras ac nebulas ſequendas iſti perſua-
 » dent, penitus à noſtris animis repellamus. Quia ſi iſtiusmodi fallaciam in-
 » cautè ſuſcipimus, intrabit putredo de veneno ſerpentis, & nihil integrum » remanebit». Si Lugdunenſis Eccleſia tam acri reprehensione dignam cen-
 ſuit fallaciam eorum, qui ſolos Hypognoſticon libros, non vſquequaque re-
 probandos, Augustino ſuppoſuerunt; quantis putabimus execrationum ful-
 minibus reprimendam cenſuiſſet temeritatem Ripaldæ, qui & illos ipſos Hy-
 pognoſticon libros, & non paucos alios longè eis deteriores eidem Augustino
 ſupponere non erubuit?

§. 14. *Ripalda sicut pro Augustino Pelagium, ita pro Augustini præceptore Ambrosio obtrudit Pelagij præfultorem Ambrosiastrum, Luciferiani schismatis propagatorem, a Hieronymo dictum Orbis Deucalionem.*

NEquè verò contentus fuit Ripalda, Augustinum cum Hieronymo in hanc scenam producere, nisi Augustini Magistrum Ambrosium, & fidissimos discipulos Prosperum & Fulgentium, in eandem vel inuitos protruderet. Nam disp. 8. n. 165. & 166. & disp. 12. n. 128. & disp. 14. n. 63. & disp. 15. n. 49. & disp. 20. n. 11. & 45. & disp. 21. n. 12. & disp. 23. n. 197. & 227. sub Ambrosij larua Auctorem Commentariorum in Paulinas Epistolas obtrudit: quem adeò exploratum est non esse Ambrosium, vt vix aliter in Scholis nuncupetur, quàm *Ambrosiafter*. Cardinalis Bellarminus lib. de Scriptor. Eccles. in Obseruationibus super Tomo 5. operum Ambrosij, multis argumentis ex professo ostendit Auctorem illorum Commentariorum non esse Ambrosium; ex quorum secundo patet, Ripaldam audaciorem fuisse Pelagio. Probat quippe ibi Bellarminus Auctorem illum non esse Ambrosium: "Quia Pelagius ipse, qui Ambrosii testimonia Augustino objicere solet, ex his Commentariis nihil obiecit, cum tamen in his Commentariis sint non pauca, quæ Pelagii errores continere videntur: vt perspicuum est ex Commentariis in Epistolam ad Romanos". Ecce quomodo Ripaldæ audacia audaciam Pelagii transcenderit. Nam quod Pelagius non ausus est vel semel obijcere, Ripaldam non puduit etiam decies ingeminare. De iisdem Commentariis loquens Possseuinus in Apparatu sacro, super operibus Ambrosii: "Tantè minus, *inquit*, videntur Ambrosii, quod in Epistolam ad Romanos videantur alicubi sapere Pelagianismum". Probat hoc ipsum quamplurimis argumentis Florentius Conrius Archiepiscopus Tuamensis Tract. de Statu parvulorum sine baptismo decedentium, cap. 8. 9. & 10. præfigens octauo capiti hunc titulum: "Ostenditur manifestè Commentarium in Epistolam ad Romanos, qui Beato Ambrosio tribuitur, non esse ipsius, sed alicuius Pelagiani: error est, que illius Commentarii de Possibilitate naturæ, & de Gratia Christi, notantur". Nono autem hunc: "Declaratur quomodo prædictus Commentarius prædestinationem diuinam destruat, eam ad solam præscientiam reducendo; atque adeò scandalum crucis euacuando". Decimo denique hunc: "Ostenditur illum Commentarium euacuare peccatum originale". Quanto potè auctoritatis robore polleat iste Conrii Tractat. inde licet cerne-re, quòd consonis suffragiis ab vtriusque Academiæ Belgicæ Theologis vnà cum Archiepiscopo Dubliniensis sit approbatus. Vixit potè ac scripsit præimprobatus Ambrosiafter tempore Damasi Papæ, vt ipse testatur in caput tertium prioris ad Timothæum: "Ecclesia, *inquiens*: Domus Dei dicitur, cuius hodie Rector est Damasus". Probabiliter verò colligit Bellarminus loco proximè citato, & Possseuinus in Apparatu sacro, super Tomo quarto Augustini, eundem Ambrosiastrum fuisse etiam auctorem *Questionum vtriusque testamenti* apud Augustinum: Qua de re videri potest Censura Quæstionibus istis præfixa per Louanienses in appendice ad Tomum quartum Augustini. Censet præterea Bellarminus & Possseuinus post Ioan-

nem à Louanio, eum fuisse Hilarium Diaconum, Luciferiani schismatis propagatorem: quem Hieronymus in Dialogo aduersus Luciferianos cap. 9. *Deuocationem orbi* ironice appellat. Ad quæ Hieronymi verba Marianus Victorius in Notis. » Appositè, *inquit*, Hilarium Diaconum, orbis Deuocationem appellat: quasi totus mundus in hæreticorum baptismo, veluti in altero orbis diluuiio, petiturus fuisset, nisi ab vno Hilario per alterum restitueretur baptisma ».

§. 15. *Ripalda pro Prospero Semipelagianismi debellatore, Semipelagianos impudentissime obtrudit. Obiter de Ripaldani Operis Approbatoribus: quorum professio Iesuitica studiosè suppressitur, sed Censoria dignitas signatè exprimitur.*

SED qui Augustino eiusque magistro Ambrosio tam impudenter illudit, fortè Augustini discipulos Prosperum & Fulgentium est reueritus? Absit omnino: Scriptum est enim, *Non est discipulus super magistrum*. Sicut ergo Ripalda pro Augustino Pelagium, ita pro Prospero & Fulgentio Augustini discipulos, Massilienses Pelagij catulos obtrudit. Nam Disp. 23. n. 87. ad probandum dari omnibus gratiam sufficientem pro arbitrij nutu repudiabilem, Massiliensium dogma à Prospero relatum, ipsi Prospero affinxit: perinde ac si quis Psalmographo, aut Spiritui Sancto per os eius loquenti affingeret Atheismum Insipientis, eò quòd scriptum sit: *Dixit Insipiens in corde suo, Non est Deus*: aut si quis Ripaldæ ipsi articulos omnes Baianos in eius Opere memoratos adscriberet. Neque solùm Prospero, sed Catholicæ etiam Ecclesiæ hæresim Massiliensium Ripalda ibidem attribuit. Nam cùm superiùs in eadem Sectione testimonia quædam sub Prosperi nomine imperitiùs coaceruasset, subdidit ibi: » Ex quibus indubitatum est, constantem fuisse Prosperi mentem in asserenda gratia auxiliante Dei purè sufficienti, quippe omnibus etiam non cooperantibus communi. Quod rursus pulchrè cecinit Lib. de Ingrat. cap. 10. disserens de Gratia, quam ECCLESIA CATHOLICA proficitur.

Matth. 10.
24.

Psal. 13. 1.

Vide Cap.
4. §. 18.

*Vi cunctos vocet illa quidem, inuitetque nec vllum
Præteriens, studeat communem adferre salutem
Criminibus, & totum peccato absolvere mundum
Sed proprio quemque arbitrio parere vocanti:
Iudicioque suo motà se extendere mente
Ad lucem oblata, quæ se non subtrahat ulli.*

Et Gennadio & Fausto, ô Ripalda, synagogam Massiliensium pro Ecclesia Dei Catholica venditare didicisti: quorum prior in libro de Viris Illustribus cap. 84. dicit se legisse Prosperi Librum » Aduersus opuscula sub persona Cassiani, quæ ECCLESIA DEI salutaria probat: posterior Lib. 1. de Libero Arbitrio cap. 6. Augustinum eiusque discipulos carpens, cùm præmisset: » donum nostrum Iesum Christum aient humanam carnem non pro omnium salute sumpsisse, nec pro omnibus mortuum esse: » continuo subdidit, de re quæ nunc agitur: » Hoc omnimodis CATHOLICA detestatur ECCLESIA ». Huius itaque Ecclesiæ Gennadianæ ac Faustinae suffragio triumphans Ripalda,

II insultat

insultat aduersario, subiungens ibidem: " Audis, gratiam cunctos vocare, nullum præterire, nulli subtrahi, & in omnium arbitrio eius obedientiam " constitui, ideoque inobedientiam ad culpam deputari? " Audio sanè, respondet Baianus ille cui insultas: & regeo tibi, quod præceptor meus Augustinus præfultori suo Iuliano olim insonuit: " Prolixâ contradicendi disputa-
 tione multum sudasti, sed non sincerasti. Perstitisti quippe in sententia tua " praua, quamvis meam rectam ipso experimento probares non abs te potuisse conuelli. In qua tua contradictione prætereo gestus & iactationes tuas, tanquàm hominis anhelantis, & peruenire quò nititur non valentis; & in " nebulis tamen quas perturbatus offundit, se peruenisse fingentis. " Audio sanè, ait tibi turtius idem Baianus: atque ut cunctis te non sincerasse appareat, præfigo tuis versibus, quod eisdem Prosper præfixerat: u *Gratia qua Christi populus sumus hoc cohibetur limite Vobiscum, & formam hanc Adscriptis illi. Sed quibusdam, inquires, hoc Prosper occinit? Vtique illis, quorum tu dogma ibidem consequenter descriptum, ipsi describenti obtrudere machina-
 ris. Illis, inquam, quibus inferius cap. 34. eiusdem libri occinit: Vos igitur soli queruli. solique superbi: Vos soli Ingrati, quos vris gratia: cuius omne opus arbitrio vultis subsistere vestro. Illis denique, quibus post pauca ibidem ita insultat, ut eius insultatio non minùs in Ripalda, quàm in ipsos quadret, cum utrorumque idem sit dogma, ipso Ripalda non solum fatente, sed etiam operose probare nitente. Insultatio illa sic habet: I proci! insana impietas, artesque malignas anser, & Auctorem comitare exclusa Britannum. Vbi siue quis dicat esse execrationem dogmatis, siue insultationem dogmatizantium, non admodum interest. Mirum profectò si Ripaldæ & eius Approbatoribus Consocij ignoscent, qui Molinistici dogmatis mysteria toti mundo tam exerte propalarunt. Inter nos & Socios hæcenus disceptabatur, an ipsorum & Massiliensium dogmata coinciderent. Asserebant nostri, abnuebant Socii. Eligitur à Sociis nouus Goliath Ripalda, qui singulari certamine litem decideret. Ille utroque profitemur, Sociorum doctrinam pulchrè à Prospero describi lib. de Ingratis cap. 10. Manifestum est autem unicuique caput illud insipienti, describi ibi à Prospero dogma Massiliensium. Ac per hoc fatente Ripalda cum suis Approbatoribus, Sociorum dogma est dogma Massiliensium. Sed quinam illi Approbatores? Lucas Guadings, fidei Censor. Augustinus de Castro, fidei Censor. Gonsalus de Castilla, fidei Censor. Primus ait; Dignissimum prelo indico Opus insigne R. P. Ioannis de Ripalda &c. Secundus ait; Pro defendenda denique Catholica fide venit in tempore Liber R. P. Ioannis de Ripalda &c. Tertius ait: Laudabile Opus R. P. Ioannis de Ripalda &c. Sed forte tres illi fidei Censores Operis Approbatores non sunt de Societate, præsertim cum id in signaturis non exprimitur? Imò verò sunt, & quidem ex præcipuis; proxi fida relatione intelleximus. Sed expedire visum est in signaturis id subticere, ne Sociorum pro Socio testimonia vilescerent. Iudicet porro æquissimum Hispanicæ Inquisitionis tribunal, quâ pœnâ plectendi sint, qui Censorum fides titulo sic abutuntur.*

Aug. l. 4.
 contra Iul.
 cap. 9.

u Prosp. l.
 de Ingrat.
 cap. 10. in
 principio.

PRO Fulgentio, altero Augustini discipulo, eisdem Massilienses vel certè Pelagianos Ripalda obtrudit disp. 8. n. 248. disp. 19. n. 16. & disput. 20. n. 70. Quibus locis ad probandum inesse hominibus sine ope gratiæ possibilitatem benè moraliter agendi, inducit Fulgentium libro de Incarnatione & Gratiæ cap. 25. docentem ac probantem. "Quoddam etiam illi, qui fidei gratiam non recipiunt, illa quæ ad honestatem morum & vitæ societatem pertinent, naturali quâdam lege seruant". Sed si Ripaldam non puduit, Fulgentium fingere Pelagiano idiomate blaterantem; nec nos pigebit, eundem inducere Augustinianâ linguâ loquentem; & Ripaldæ, quod Augustinus Iuliano Pelagiano oggesserat, regerentem: "Non est multum, ut ipsa verba mea ponam, ut videant qui hæc legunt, quemadmodum scriptis meis insidieris; & quâ conscientia, vel tardis, vel ignavis cordibus abutatis: ut ideò te existiment respondere, quia non vis tacere". Audiatur ergo Ripalda vel inuitus integrum loci à se allegati Textum, & dediscat aliquando pro gratiæ defensoribus contraditores eiusdem obtrudere: "De his, *ait loco à Ripalda citato Fulgentius*, in quibus natura diuino sanatur munere, ut in Deum naturaliter credant; quique gratis per fidem iustificati etiam ad benè operandum auxilium gratiæ subsequenti accipiunt, ut Apostolus dicit: *Cum enim Genes quæ legem non habent, naturaliter quæ legis sunt faciunt, eiusmodi legem non habentes ipsi sibi sunt lex, qui ostendunt opus legis scriptum in cordibus suis*. Quem quidem Apostoli locum, H I Q V I GRATIÆ CONTRADICUNT, Gentibus incredulis assignare contendunt; ex hoc videlicet, quod etiam illi qui fidei gratiam non recipiunt, illa quæ ad honestatem morum, & humanæ societatis vinculum pertinent, naturali quadam lege sic seruant, ut etiam eos qui illa violare contendunt, iudiciorum æquitatem ac severitatem coëerceant: Atque ut nouerint tardicordes, quibus Ripalda abuti tentauit, quemadmodum Fulgentio, fuerit insidiatus; videat quid ibidem proximè sequatur: "Vbi minus attendunt, *subdit ibi Fulgentius*, Apostolico suam sententiam prorsus eneruari sermone". Sed quorum sententiam? Vtique eorum quos commemorauerat dicens, H I Q V I GRATIÆ CONTRADICUNT: qui nimirum Apostoli locum Gentibus incredulis assignare contendunt, ex hoc videlicet. "Quod etiam illi, qui fidei gratiam non recipiunt", & cetera, quæ à Ripalda allegantur & Fulgentio obtruduntur; cum sint *Contradictorum gratiæ* argumenta, suam Apostolici loci interpretationem stabilire nitentium. Qua in re videtur Ripalda ipsis gratiæ contraditoribus esse deterior: nam quia aliquid ampliùs astruere voluit quàm illis *Contradictorum gratiæ* verbis importeretur, ipsorum verba truncauit, ut commodius suo proposito sub Fulgentij nomine obtrusa seruirent. Non enim illi ibi dicebant de Gentibus infidelibus. "Illa quæ ad honestatem morum, & humanæ societatis vinculum pertinent, naturali quadam lege seruant"; ut Ripalda impopit: sed, "Illa quæ ad honestatem morum, & humanæ societatis vinculum pertinent, naturali quadam lege

v Aug. l. 4.
contra Iul.
cap. 8.

Rom. 2. 14

» Sic seruant, VT ETIAM EOS QUI ILLA VIOLARE CONTENDVNT,
 » IVDICIORVM ÆQUITATE AC SEVERITATE COERCEANT ». Vbi-
 cūm *Contradictores gratia*, non absolutè, sed cum quadam limitatione
 dixissent, illa quæ ad honestatem morum pertinent, ab incredulis naturali
 quadam lege seruari: Ripalda eos transcendens, dixit absolutè seruari: & vt
 verba Textus in suum sensum aptius torqueret, inprimis sustulit particulam
 SIC; deinde suppressit clausulam finalem. Quod verò Ripalda non tam obli-
 uiosè, quàm infidiosè *Contradictores gratia* pro Fulgentio obtruserit, perspi-
 cuè conitat ex his eius verbis Disp. 10. n. 22. » Nec obest, Fulgentium suprà
 » asserere, solos eos qui gratia contradicunt, nempe Pelagianos, exponere
 » Paulum de gentibus etiam infidelibus » &c. Non igitur obliuiosè, sed do-
 losè suppresserat illud, *Hi qui gratia contradicunt*: ne videlicet Lectori quan-
 tumcunque obtuso mox appareret, ea quæ ex subsequētibz allegauerat, non
 à Fulgentio ibi asseri, sed tanquam à *gratia Contradictoribus* asserta referri.
 Consimili dolo finalem clausulam pressit, ex qua datur intelligi, quòd de ex-
 terioribus duntaxat actibus ibi sermo sit: vt pote ad quos solos humanorum
 iudiciorum æquitas ac severitas se potrigit, præsertim apud Ethnicos. Vnde
 etiam hæ verba per Ripaldam Fulgentio afficta, ipsius verè essent; equidem non
 minus impertinenter à Ripalda sunt repetita, quàm à *Contradictoribus gratia*
 primitus prolata. Sed Ripalda Iulianum Pelagianistam imitari voluit, cui simi-
 liter desipienti, ac decipere volenti Augustinus reposuit: » Noueris itaque,
 » non officis, sed finibus à vitiis discernendas esse virtutes. Officium est au-
 » tem, quod faciendum est: finis verò, propter quod faciendum est. Cū itaque
 » facit homo aliquid vbi peccare non videtur, si non propter hoc facit, pro-
 » pter quod facere debet, peccare contingitur. Quæ tu non attendens, fines
 » ab officiis separasti: & virtutes veras officia sine finibus appellandas esse
 » dixisti ».

x Aug. lib.
 4. contra
 Iul. c. 3.

S. 17. *Pari ineptiâ pro Anselmo obtrudit non solum Elucidarij Auctorem ineptia-
 rum nundinatorum, sed etiam Anselmum discipulum in Dialogo collocato-
 rem. Ripalda Socium suum Suarezium erigere satagit,
 sed vt in vulnere vulnere surgat.*

COnsimili artificio Ripalda Disp. 12. num. 31. & Disp. 16. n. 47. pro An-
 selmo Cantuariensi Auctorem obtrudit *Elucidarij*: cū tamen non pos-
 sit verisimiliter ignorare, *Elucidarium* contineri in quarta illa Parte Opuscu-
 lorum Anselmi, cui Theophilus Raynaudus Ripaldæ Consocius à viginti cir-
 citer annis hanc præfixit epigraphen: » Quarta pars Opusculorum Sancti An-
 » selmi Archiepiscopi Cantuariensis, continens APERTE NOTHA ». Qui
 rursus in Syntaxi Operibus Anselmi appensa: » *Elucidarium, inquit, Triche-*
 » *mius Honorio Augustodunensi adscribit. Anselmi certè esse non potest:*
 » Nam neque iudicium & subtilitatem Anselmi redolet, neque stylum, & ra-
 » tionem scribendi. Accedit quòd, vt alia non pauca taceam, planè in cap. 43.
 » ineptit, aut etiâ fœdè labitur, cū ait, Omnes animas creati à Deo sanctas »
 &c. Sed nec minus fœdè ineptit Ripalda, dum Disp. 5. n. 29. & Disp. 24. n. 76.

pro eodem Anselmo obtrudit Anselmi Collocutorem in Dialogo de Casu diaboli, c. 2. dicentem: "Constat ergo quia ille Angelus qui stat in veritate, sicut
 "ideo perseverauit, quia perseverantiam habuit; ita ideo perseverantiam habuit, quia accepit; & ideo accepit, quia Deus dedit". Illud verò quis dignè irrideat, quòd idem Ripalda disp. 5. n. 56. hunc ipsum Pseudo-Anselmi locum sub ipsius Anselmi nomine vsurpauerit, vt Consodalem suum Franciscum Suarez, de obtrusis pro Augustino Aduersariis Monachis accusatum expurgaret? Tali profectò causæ talis debebatur patronus, tali ægro talis medicus, tali morbo talis medicina. 2. y. Superbia, *ut Prosper*, omni peccato nocentior, *y Prosper. Epist. ad Demetriad.*
 "omni genere est elationis infanior. A quibuslibet enim lapsibus delictorum c. 20.
 "facile surgitur, quando opem à Reparatore suo poscit elusus. Huic autem rui-
 "næ nihil subuenit, quia aut difficilè peccatum suum superbus agnoscit, aut
 "etiã si intellexerit, non currit ad medicum, sed de se sibi remedium pollicetur:
 "NEC VNQVAM IBI PROFICIT CVRA, VBI MORBVS EST
 "IPSA MEDICINA". Prædictæ imposturæ non absimilis est illa, Ripal-
 dæ in suo Opere vtitissima: quâ Augustinum disputantem, & partis aduersæ
 argumenta referentem, pro Augustino asserente, ac sua sententia promente ob-
 trudit; vt videre est capite præcedente. Quò etiam spectat, quòd Disp. 23. n.
117. Pelagium obiectentem Augustino Augustinum lib. de Natura & Gratia
 cap. 67. pro Augustino ipso quali asserente obtrudit. Nec tamen acquiescit Au-
 gustino ibidem post verba sua à Pelagio sibi obiecta subdenti: "Agnosco, ver-
 ba mea sunt. sed etiam ipse dignetur agnoscere superiùs cuncta quæ dicta
 sunt".

5. 18. Ripalda pro Chrysostomo obtrudit Auctorem Operis Imperfecti
 in Matthæum, multarum & horrendarum hereseon reum.

Nondum finis Impositurarum Ripaldæ in Patres. Nam disp. 10. n. 30. pro
 Chrysostomo obtrudit Auctorem operis Imperfecti in Matthæum; quam-
 uis disp. 20. n. 27. & 45. eum citet sub nomine *Auctoris Imperfecti in Matth.*
 De quo Opere Imperfecto Bellarm. lib. de Scriptur. Eccles. in Obseruatione
 super Tomo. Chrysostomi loquens: "Cuiuscunque sit opus, *inquitt*, aut ab
 "hæretico aliquo compositum fuit, aut ab hæretico aliquo corruptum". Con-
 sonat Posselinus in Apparatu sacro, super eodem Chrysostomi Tomo disertè
 affirmans, Opus istud Imperfectum, "scatere hæresibus Arianorum, Mani-
 "chæorum, Motanistarum, Armenorū & Donatistarum". Addunt alii apud
 Sixtum Senensem lib. 4. Bibliothecæ Sanctæ, *Pelagianorum*. Aiunt quippe:
 "Hæretica dogmata toto passim Operi inspersa, palam arguunt, Auctorem
 "fuisse hæreticum, non vni tantum sectæ addictum, sed variis Montani, Ma-
 "nichæi, Arrii, Donati, ac Pelagij hæresibus implicitum; & propter eas hæ-
 "reses meritò ab Ecclesia damnatum, & à Paulo Papa IV. in catalogo Scri-
 "ptorum suspectæ fidei annumeratum". Et quanquam Sixtus ibidem subse-
 quenter, de Auctore an hæreticus fuerit dubitet; Opus tamen ipsum hæresibus
 respergi non ambigit, quarum nonnullas signatè ibidem commemorat: Lecto-
 rem vltius remittens ad Censuras à se lib. 6. super Expositioribus Matthæi
 annotatas. Vbi videri potest Annot. 4. 6. 11. 15. 16. 17. 19. 21. 25. 39. 41. 44. 48.
49. 54. 63. 80. 84. 88. 90. 92. 94. 95. 100. 103. 104. 105. 108.

9. 19. *Ripalda pro Iustino Martyre obrudit Auctorem Responſionum ad Quaestiones Gentilium: pro Athanasio Auctorem libri de Definitionibus: pro Clemente Romano Auctorem librorum Recognitionum & Constitutionum Apostolicarum: pro Cyrillo Alexandrino Iudocum Clichtoveum.*

SEd nec illud silentio prætereundum censemus, quòd idem Ripalda disp. 14. n. 137. & 153. & disp. 15. n. 37. & disp. 16. n. 72. & disp. 18. n. 55. & disp. 23. n. 93. pro Iustino Martyre Auctorem Quaestionum, vel potius Responſionum ad Gentiles obrudat: de quibus Bellarminus lib. de Scriptor. Eccles. in Iustino, sic scribit: » De libro Quaestionum 5. Gentibus à Christianis positarum, faciliè iudicari potest, eum librum non esse Iustini; quòd in eo sæpe fiat mentio » Manichæorum, quos post mortem Iustini exortos esse constat. Idem iudicium fieri potest de Quaestionibus 146. quas Gentes Christianis posuerunt: » nam quaest. 82. & 86. citatur Origenes; & quaest. 115. citatur Irenæus, & Martyr » appellatur; cùm tamen Iustinus utroque antiquior fuerit: nam ipse etiam » Irenæus lib. 5. Iustinum Martyrem adducit, tanquam se antiquiorem ». Non dissimili artificio idè Ripalda disp. 3. n. 274. pro Athanasio obrudit Auctorem libri de Definitionibus Theologicis: de quo videri potest idem Bellarm. lib. de Script. Eccles. in Obseruatione super Tomo 4. Athanasij. Rursus idem Ripalda disp. 8. n. 211. & disp. 14. n. 67. & disp. 19. n. 15. & disp. 20. n. 115. librum Constitutionum Apostolicarum venditat sub nomine Clementis Romani. Sub cuius similiter nomine profert testimonia ex libris Recognitionum: ut videre est disp. 14. n. 173. & disp. 15. n. 33. & 34. & disp. 18. n. 53. & disp. 20. n. 113. & disp. 23. n. 91. De quibus Recognitionum ac Constitutionum libris Bellarm. lib. de Scriptor. Eccles. in Clemente, sic scribit: » De Recognitionibus Clementis » non habeo aliquid certi. Quamvis non pauca utilia documenta contineant, » & à viris doctis aliquando citentur; tamen probabile existimo, vel non esse » Clementis, vel esse idem Opus cum eo, quòd Itinerarium, vel Circuitus Petri, aliqui vocant. Nam teste Epiphanio Hæresi 30. Clemens ipse testatur, » Circuitus Petri à se conscriptos, ab hæreticis deprauatos fuisse. Verè enim in » Recognitionibus describuntur itinera Sancti Petri & Sancti Clementis: & » admiscuntur disputationes ex media Platonis Philosophia depromptæ, quas » nullo modo credibile est Sancti Petri esse. Quòd si Recognitionum & Itinerarij idem sit Opus, satis constabit, esse apocryphum. Itinerarium enim » inter apocrypha reuterunt S. Athanasius in Synopsi, S. Gelasius in Concilio Romano, unde extat caput, Sancta Romana, Dist. 16. & Leo IX. in Epistolis aduersùs Nicetam. Verum quidem est, Recognitionum numerari lib. 10. & » Itinerarij lib. 8. Sed facile fuit corruptoribus, addere, vel minuere, vel mutare. De libris Constitutionū Apostolicarum, quæ Clementi Auctori tribuuntur, idem ferè iudicium fieri debet, ac de libris Recognitionum. Multa enim » in illis utilia sunt, & à Græcis veteribus magni fiunt: Sed in Ecclesia Latina nullum fere nomen habent; & ipsi etiam posteriores Græci » in Concilio Trullano can. 1. improbant has Constitutiones, ut ab hæreticis » deprauatas ». Sed nec illud ad extremum rati sumus dissimulandum, quòd Ripalda Disp. 23. n. 274. pro Cyrillo Alexandrino obrudat Iudocum Clichtoveum lib. 5. in Ioannem cap. 22. & rursus ibidem n. 280. pro eodem Cyrillo eundem